

СЛУЖБА

в пяток первыя седмицы
Святаго Великаго поста

ПОСЛЕДОВАНИЕ УТРЕНИ

Священник начинает: Благословѣн Бог наш всегда, ныне и присно, и во веки веков.

Чтец глаголет: Аминь.

Слава Тебѣ, Боже наш, слава Тебѣ.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Трисвятое, по Отче наш.

Священник: Яко Твое есть Царство, и сила, и слава, Отца и Сына и Святаго Духа, ныне и присно и во веки веков.

Чтец: Аминь.

Господи, помилуй. (12 раз.)

Слава Отцу и Сыну и Святому Духу и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалмы 19, 20.

Услышит тя Господь в день печали, защитит тя Имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твоё тучно буди. Даст ти Господь по сердцу твоему и весь совет твой исполнит. Возрадуемся о спасении твоём и во Имя Господа Бога нашего возвеличимся. Исполнит Господь вся прошения твоя. Ныне познах, яко спасё Господь Христа Своего, услышит его

с Небесé Святаго Своего, в силах спасение десницы Его. Сии на колесницах и сии на конех, мы же во Имя Господа Бога нашего призовём. Тии спяти быша и падоша, мы же востанем и исправимомся. Господи, спаси царя и услыши ны, воньже аще день призовём Тя.

Господи, силою Твоею возвеселится царь и о спасении Твоем возрадуется зело. Желание сердца его дал еси ему, и хотения устну его неси лишил его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний во век века. Велия слава его спасением Твоим, славу и велелепие возложивши на него. Яко даси ему благословение во век века, возвеселиши его радостью с лицом Твоим. Яко царь упоает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящия Тебе. Яко положивши их, яко пещь огненную во время лица Твоего: Господь гневом Своим смятёт я, и снести их огонь. Плод их от земли погубивши, и семя их от сынов человеческих. Яко уклонивша на Тя злая, помыслиша советы, ихже не возмогут составить. Яко положивши я хребет, во избытцех Твоих уготовивши лице их. Вознесися, Господи, силою Твоею, воспоём и поём силы Твоя.

Слава и ныне: Трисвятое, по Отче наш.

Священник: Яко Твое есть Царство, и сила, и слава, Отца и Сына и Святаго Духа, ныне и присно и во веки веков.

Чтец: Аминь.

И тропари сия:

Спаси, Господи, люди Твоя и благослови достояние Твое: победы на сопротивныя даруя, и Твое сохраняя Крестом Твоим жительство.

Слава: Вознесийся на Крест волею, тезоименитому Твоему новому жительству щедроты Твоя даруй, Христэ Боже:

возвесели нас силою Твоею, победы дая нам на сопостаты, посobie имущим Твое оружие мира, непобедимую победу.

И ныне: Предстательство страшное и непостыдное, не презри, Благая, молитв наших, Всепетая Богородице: утверди православных жительство, спаси верные люди Твоя и подаждь им с небес победу: зане родила еси Бога, едина Благословенная.

Священник: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. *(Трижды.)*

Еще молимся о Великом Господине и отце нашем Святейшем Патриархе (имя) и о Господине нашем Преосвященнейшем епископе (или: архиепископе, или: митрополите, имя, егоже есть область) и о всей во Христе братии нашей.

Лик: Господи, помилуй. *(Трижды.)*

Еще молимся о Богохранимем стране нашей, властях и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй. *(Трижды.)*

Еще молимся за всю братию и за вся христианы.

Лик: Господи, помилуй. *(Трижды.)*

Священник: Яко милостив и Человеколюбец Бог еси, и Тебе славу возсылаем Отцу, и Сыну, и Святому Духу, ныне, и присно, и во веки веков.

Лик: Аминь.

И абие чтец глаголет: Именем Господним благослови, отче.

Священник: Слава Святей, и Единосущней, и Животворящей, и Нераздельней Троице всегда, ныне, и присно, и во веки веков.

Лик: Аминь.

Также чтец с благоговением глаголет шестопсалмие (Пс. 3, 37, 62, 87, 102, 142), мы же стоим со всяким вниманием и

*страхом Бóжиим, яко Самому́ собесéдующе Богу́ нáшему не-
вídимо и молящеся о гресéх нáших, поминающе смерть, и бу-
дущую муку, и жизнь вечную.*

Слáва в вѣшних Бóгу, и на землѣ мир, в челове́цах благо-
волéние. (Трижды.)

Гóсподи, устнѣ мой отвѣрзеши, и уста́ моя возвестя́т хвалу́
Твою́. (Дважды.)

Гóсподи, что ся умно́жиша стужа́ющие ми? мно́зи востаю́т
на мя, мно́зи глаго́лют души́ мое́й: несть спасéния е́му в Бóзе
его́. Ты же, Гóсподи, Засту́пник мой еси́, слáва моя́, и вознося́й
главу́ мою́. Глáсом мо́им ко Гóсподу воззва́х и услы́ша мя́ от
горы́ святы́я Своея́. Аз усну́х и спях: воста́х, яко Гóсподь за-
сту́пит мя. Не убою́ся от тем людéй, о́крест напа́дающих на
мя. Воскресни́, Гóсподи, спаси́ мя, Бóже мой, яко Ты порази́л
еси́ вся враждующы́я ми всѹе, зу́бы грѣшников сокруши́л
еси́. Гóсподне есть спасéние, и на людéх Твои́х благословéние
Твое́. Аз усну́х и спях: воста́х, яко Гóсподь засту́пит мя.

Гóсподи, да не яростию Твое́ю обличи́ши менé, ниже́ гнѣ-
вом Твои́м нака́жеши менé. Яко стрéлы Твоя́ унзо́ша во мне
и утверди́л еси́ на мне ру́ку Твою́. Нестъ исцелéния в плó-
ти мое́й, от лица́ гнѣва Твоегó: несть мѣра в костéх мо́их, от
лица́ грех мо́их. Яко беззакóния моя́ превзыдо́ша главу́ мою́,
яко брѣмя тяжкое́ отяготéша на мнé. Возсмердéша и согни́ша
ра́ны моя́ от лица́ безумия́ моего́. Пострада́х и сляко́хся до
конца́, весь день сéтуя хожда́х. Яко лядвия́ моя́ напо́лнишася
пору́ганий, и несть исцелéния в плóти мое́й. Озло́блен бых и
смирѣхся до зела́: рыка́х от воздыхáния сéрдца моего́. Гóспо-
ди, пред Тобóю все желáние моё́, и воздыхáние моё́ от Тебé
не утайся. Сéрдце моё́ смятéся, оста́ви мя́ сѣла́ моя́, и свет
óчию мое́ю, и той несть со мно́ю. Друзи́ мой и ѡ́скреннии мо́и
пря́мо мне прибли́жишася и ста́ша. И блѣ́жнии мо́и отдалéче
менé ста́ша: и нужда́хуся ѡ́щущии ду́шу мою́, и ѡ́щущии злáя
мне, глаго́лаху сѹетная, и льстѣ́вным весь день поучáхуся. Аз
же яко́ глух не слы́шах, и яко́ нем не отверза́яй уст сво́их. И

бых яко человек не слышай, и не имый во устех своих обличения. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой, и внегда подвижатися ногам моим на мя велеречеваша. Яко аз на раны готов, и болезнь моя предо мною есть вина. Яко беззаконие мое аз возвещу и попекуся о гресе моем. Врази же мой живут, и укрепятся паке мене, и умножишася ненавидящие мя без правды. Воздающие ми злая возлагая, оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи, спасения моего.

Боже, Боже мой, к Тебе утреню: возжада Тебе душа моя, коль множицею Тебе плоть моя, в земли пуста и непроходна и безводна. Тако во святем явися Тебе, видети силу Твою и славу Твою. Яко лучши милость Твоя паке живот, устне мои похвалят Тя. Тако благословлю Тя в животе моем, о Имени Твоем воздежу рuce мои. Яко от тука и масти да исполнится душа моя, и устнами радости восхвалят Тя уста моя. Аще поминах Тя на постели моей, на утренних поучахся в Тя. Яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя. Тии же все искаша душу мою, внидут в преисподняя земли, предадутся в руки оружия, части лисовом будут. Царь же возвеселится о Боже, похвалится всяк кленыйся Им, яко заградилася уста глаголющих неправедная. На утренних поучахся в Тя, яко был еси Помощник мой, и в крове крилу Твоею возрадуюся. Прильпе душа моя по Тебе, мене же прият десница Твоя.

Слава, и ныне:

Аллилуиа, аллилуиа, аллилуиа, слава Тебе, Боже. *(Трижды, без поклонов.)*

Господи, помилуй. *(Трижды.)*

Слава, и ныне:

И исходит священник от алтаря и глаголет молитвы утренния тайно, пред святыми дверьми.

Господи Бóже спасения моего, во дни воззвах, и в нощи пред Тобою. Да внидет пред Тя молитва моя, приклони́ ухо Твое к молению моему́. Яко исполнися зол душа́ моя, и живо́т мой а́ду прибли́жися. Привменён бых с нисходящими в ров, бых яко человек без по́мощи, в мёртвых свободь. Яко язвеннии спящии во грóбе, ихже не помяну́л еси́ ктому́, и ти́и от рукí Твоея́ отриновéни бы́ша. Положи́ша мя в ро́ве преисподнем, в тёмных и сéни смёртней. На мне утверди́ся я́рость Твоя́, и вся во́лны Твоя́ навёл еси́ на мя. Уда́лил еси́ зна́емых мо́их от мене́, положи́ша мя мёрзость себе́. Прéдан бых и не исхождах. Очи мо́й изнемогóсте от нищеты́, воззвах к Тебе́, Господи, весь день, воздэх к Тебе́ рúце мо́й. Еда́ мёртвыми твори́ши чудеса́? Или́ вра́чеве воскресят, и испове́дятся Тебе? Еда́ пове́сть кто во грóбе ми́лость Твою́, и и́стину Твою́ в погíбели? Еда́ познана́ бúдут во тме чудеса́ Твоя́, и пра́вда Твоя́ в земл́и забвénней? И аз к Тебе́, Господи, воззвах, и úтро молитва моя́ предварит Тя. Вскýю, Господи, отрееши ду́шу мою́, отвраща́еши лице́ Твое́ от мене́? Нищъ семь аз, и в трудéх от ю́ности моея́, вознэс же ся смири́хся и изнемогóх. На мне преидóша гнéви Твои́, устрашения́ Твоя́ возмути́ша мя. Обыдо́ша мя, яко вода́, весь день одержа́ша мя вку́пе. Уда́лил еси от мене́ дру́га и искренняго, и зна́емых мо́их от страсте́й. Господи Бóже спасения моего, во дни воззвах, и в нощи пред Тобою. Да внидет пред Тя молитва моя́, приклони́ ухо Твое́ к молению моему́.

Благослови́, душе́ моя́, Господа, и вся вну́тренняя моя́ – И́мя Свято́е Его́. Благослови́, душе́ моя́, Господа, и не забыва́й всех воздая́ний Его́. Очища́ющего вся беззакóния твоя́, исцеля́ющего вся недúги твоя́: Избавля́ющего от ислéния живо́т твой, венча́ющего тя ми́лостию и щедрóтами: Исполня́ющего во благíх желáние твоё, обнови́тся, яко óрля, ю́ность твоя́. Твори́ай ми́лостыни Господь, и судьбу́ всем обидимым. Сказа́ пути́ Своя́ Моисéови, сыновóм Изра́илевым хотéния Своя́. Щедр и Ми́лостив Господь, Долготерпели́в и Многоми́лостив. Не до конца́ прогнéвается, ниже́ в век враждúет. Не

по беззаконіем нашим сотворилъ есть намъ, ниже по грехомъ нашимъ воздалъ есть намъ. Яко по высотѣ небесней отъ земли, утвердилъ есть Господь милость Свою на боящихся Его. Елико отстоятъ востокы отъ западъ, удалилъ есть отъ насъ беззаконія наша. Якоже щедритъ отецъ сыны, ущедри Господь боящихся Его. Яко Той позна создание наше, помяну, яко персть есмь. Человѣкъ, яко трава днѣи его, яко цветъ сѣльный, тако оцветѣтъ. Яко духъ пройдетъ въ немъ, и не будетъ, и не познаетъ ктому мѣста своего. Милость же Господня отъ вѣка и до вѣка на боящихся Его. И правда Его на сынѣхъ сыновъ, хранящихъ заветъ Его и помнящихъ заповѣди Его творити я. Господь на Небесѣхъ уготова Престолъ Свой, и Царство Его всеми обладаетъ. Благословите Господа, вси ангели Его, сильнии крепостию, творящии слово Его, слышати гласъ словесъ Его. Благословите Господа, вся силы Его, слуги Его, творящии волю Его. Благословите Господа, вся дѣла Его. На всякомъ мѣстѣ владычества Его, благослові, душѣ моя, Господа.

На всякомъ мѣстѣ владычества Его, благослові, душѣ моя, Господа.

Господи, услыши молитву мою, внуши моленіе мое во истинѣ Твоей, услыши мя въ правдѣ Твоей. И не вниди въ судъ съ рабомъ Твоимъ, яко не оправдѣтся предъ Тобою всякъ живыи. Яко погна врагъ душу мою, смирилъ есть въ землю животъ мой. Посади́лъ мя есть въ темныхъ, яко мертвыя вѣка, и уни во мнѣ духъ мой, во мнѣ смятѣся сердце мое. Помяну́хъ дни древнія, поучихся во всехъ дѣлахъ Твоихъ, въ творѣніихъ рукъ Твоею поучахся. Воздохъ къ Тебѣ рuce мой, душа моя, яко земля безводная Тебѣ. Скоро услыши мя, Господи, исчезе духъ мой, не отврати́ лица Твоего отъ мене, и уподоблюся низходящиму въ ровъ. Слышану сотвори́ мне заутра милость Твою, яко на Тя уповахъ. Скажи́ мне, Господи, путь, вонъже пойду́, яко къ Тебѣ взяхъ душу мою. Изми́ мя отъ врагъ моихъ, Господи, къ Тебѣ прибегохъ. Научи́ мя творити волю Твою: яко Ты еси́ Богъ мой. Духъ Твой Благій наставитъ мя на землю праву. Имене Твоего ради, Господи,

живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь. Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава, и ныне: Аллилу́иа, аллилу́иа, аллилу́иа, слава Тебе́, Бо́же. *(Трижды.)*

По шестопсалмий ектенія великая:

Миром Господу помолимся.

Лик: Господи, помилуй.

О свѣшнемъ міре, и о спасѣнии душъ нашихъ, Господу помолимся.

Лик: Господи, помилуй.

О міре всего міра, благостояннѣи свѣтыхъ Божіихъ Церквей, и соединѣнии всехъ, Господу помолимся.

Лик: Господи, помилуй.

О свѣтѣмъ храмѣ семъ и съ вѣрою, благоговѣніемъ и страхомъ Божіимъ входящихъ вонь, Господу помолимся.

Лик: Господи, помилуй.

О великомъ Господинѣ и отцѣ нашемъ Свѣтѣйшемъ Патриархѣ (имярекъ), и о Господинѣ нашемъ, Высокопреосвѣщеннѣйшемъ митрополиитѣ (или: архіепіскопѣ, или: преосвѣщеннѣйшемъ епіскопѣ имярекъ), честнѣмъ пресвѣтерствѣ, во Христѣ діакопствѣ, о всемъ причтѣ и людемъ, Господу помолимся.

Лик: Господи, помилуй.

О Богохранімѣй странѣ нашей, властѣхъ и воінствѣ ея, Господу помолимся.

Лик: Господи, помилуй.

О градѣ семъ, всякомъ градѣ, странѣ и вѣрою живущихъ въ нихъ, Господу помолимся.

Лик: Господи, помилуй.

О благорастворении воздушных, о изобилии плодов земных и временех мирных, Господу помолимся.

Лик: Господи, помилуй.

О плавающих, путешествующих, недугующих, страждущих, плененных и о спасении их, Господу помолимся.

Лик: Господи, помилуй.

О избавитися нам от всякия скорби, гнева и нужды, Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею милостию.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Лик: Тебе, Господи.

Возглас священника: Яко подобает Тебе всякая слава, честь и поклонение, Отцу, и Сыну, и Святому Духу, ныне, и присно, и во веки веков.

Лик: Аминь.

И возглашает священник или диакон: Аллилу́иа (*трижды*).

Стих 1: От нощи утренюет дух мой к Тебе, Боже, зане свет повеления Твоя на земли.

Лик: Аллилу́иа, аллилу́иа, аллилу́иа.

Стих 2: Правде научитесь живущии на земли.

Лик: Аллилу́иа, аллилу́иа, аллилу́иа.

Стих 3: Зависть примет люди ненаказанные.

Лик: Аллилу́иа, аллилу́иа, аллилу́иа.

Стих 4: Приложи им зла, Господи, приложи зла славным земли.

Лик: Аллилу́иа, аллилу́иа, аллилу́иа.

**Чтец глаголет Троичны Октоиха прилучившагося гла-
са:**

Тро́ице Единосу́щная и Неразде́льная, Еди́нице Триипос-
та́сная, и Соприсносу́щная, Тебе́, я́ко Бо́гу, анге́льскую песнь
вопи́ем: Свят, Свят, Свят еси́, Бо́же наш: Си́лою Креста́ Твое-
го́ сохрани́ нас, Го́споди.

Сла́ва: Отца́ Безнача́льна, Сы́на Собезнача́льна, Ду́ха Со-
присносу́щна, Божество́ еди́но, херувимски славосло́вити де-
рза́юще, глаго́лем: Свят, Свят, Свят еси́, Бо́же наш, моли́твами
всех святы́х Твои́х помилуй нас.

И ны́не: Напрасно Судия́ придет и коего́ждо дея́ния об-
нажа́тся, но стра́хом зове́м в полу́нощи: Свят, Свят, Свят еси́,
Бо́же наш, Богоро́дицею помилуй нас.

Таже Лик: Го́споди, помилуй. *(Трижды.)*

Сла́ва Отцу́, и Сы́ну, и Свято́му Ду́ху.

Чтец: И ны́не, и прісно, и во ве́ки веко́в. Ами́нь.

И читается кафисма 13-я.

Псалом пёсни в де́нь суббо́тный, 91:

Благо́ есть испове́даться Го́сподеви, и пе́ти и́мени Твоему́,
Вы́шний: возвеща́ти заутра́ милость Твою́ и и́стину Твою́ на
всяку́ ночь, в десяти́струнном псалти́ри с пёснию в гу́слех.
Я́ко возвесели́л мя еси́, Го́споди, в творе́нии Твое́м, и в де́лах
руку́ Твоею́ возрадо́юся. Я́ко возвели́чишася дела́ Твоя́,
Го́споди, зело́ углуби́шася помышле́ния Твоя́. Муж безу́мен
не позна́ет, и неразу́мив не разуме́ет сих. Внегда́ прозябо́ша
гре́шницы я́ко трава, и прони́коша вси де́лающие беззаконіе:
я́ко да потреба́тся в век ве́ка. Ты же Вы́шний во век, Го́споди.
Я́ко се врази́ Твои́, Го́споди, я́ко се врази́ Твои́ поги́бнут,
и разы́дутся вси де́лающие беззаконіе. И вознесе́тся я́ко
единоро́га рог мой, и ста́рость моя́ в елѣи масти́те. И воззре́ око́
моё на враги́ моя́, и воста́ющие на мя лука́внующыя услы́шит
у́хо моё. Пра́ведник я́ко фи́никс процветѣ́т, я́ко кедр, и́же в
Лива́не, умно́жится. Наса́ждени в до́му Господни, во дво́рех

Бо́га на́шего процвету́т, ещѣ умно́жатся в ста́рости мастите, и благоприѣмлюще бу́дут. Да возвестя́т, я́ко прав Госпо́дь Бог наш, и несть неправды в Нем.

**В де́нь предсуббо́тный, внегда́ насели́ся земля́,
хвала́ пѣсни Дави́ду, 92:**

Госпо́дь воцари́ся, в ле́поту облече́ся: облече́ся Госпо́дь в си́лу и препоя́сая, и́бо утверди́ вселѣ́нную, я́же не подви́жится. Гото́в Престо́л Твой отто́ле: от ве́ка Ты еси́. Воздвиго́ша ре́ки, Го́споди, воздвиго́ша ре́ки гласы́ своя. Возмут ре́ки сотре́ния своя́, от гласо́в вод мно́гих. Дивны́ высоты́ морскія́, дивен в высо́ких Госпо́дь. Свидѣ́ния Твоя́ уве́ришася зело́, до́му Твоему́ подоба́ет святы́ня, Го́споди, в долготу́ дний.

Псаломъ Дави́ду, в четвёртый суббо́ты, 93:

Бог отмщѣ́ний Госпо́дь, Бог отмщѣ́ний не обину́лся е́сть. Вознеси́ся Судя́й земли́, возда́ждь воздая́ние го́рдым. Доко́ле грѣшницы, Го́споди, доко́ле грѣшницы восхва́лятсѧ? Провеща́ют и возглаго́лют непра́вду, возглаго́лют вси де́лающии беззаконі́е? Люди́ Твоя́, Го́споди, смири́ша и достоя́ние Твое́ озло́биша. Вдови́цу и сира́ умори́ша и пришельца́ уби́ша, и рѣша: не узри́т Госпо́дь, ни́же уразуме́ет Бог Иако́вль. Разуме́йте же безумни́и в люде́х и бу́ии некогда́ умудри́тсѧ. Наса́ждѣй у́хо, не слы́шит ли? Или́ созда́вый о́ко, не сматра́ет ли? Нака́зуяй язы́ки, не обли́чит ли, уча́й челове́ка разуму́? Госпо́дь ве́сть помышле́ния челове́ческая, я́ко суть́ су́етна. Блаже́н челове́к, е́гоже а́ще нака́жеша, Го́споди, и от зако́на Твоего́ научи́ши е́го, укроти́ти е́го от дне́й лю́тых, до́ндеже изры́ется грѣшному́ я́ма. Я́ко не отри́нет Госпо́дь люде́й Своихъ, и достоя́ния Своего́ не оста́вит, до́ндеже пра́вда обрати́тся на суд, и держа́щиися еѧ́ вси пра́вии се́рдцем. Кто воста́нет ми на лукавнующы́я? Или́ кто спредстанет ми на де́лающы́я беззаконі́е? А́ще не Госпо́дь помо́гл бы ми, вма́ле всели́лася бы во адъ ду́ша моя́. А́ще глаго́лах, подви́жесѧ нога́ моя́, ми́лость Твоя́, Го́споди, помога́ше ми. По мно́жеству

болѣзней моихъ в сѣрдце моѣмъ, утѣшенія Твоя возвеселиша дѹшу мою. Да не прибудетъ Тебѣ престолъ беззаконія, созидаѹя трудъ на повелѣніе. Уловятъ на дѹшу праведнича, и кровь неповинную осудятъ. И бысть мне Господь в прибежище, и Богъ мой въ помощь упованія моего. И воздастъ имъ Господь беззаконіе ихъ и по лукавствію ихъ погубитъ я Господь Богъ.

Слава Отцѹ и Сыну и Святому Дѹху.

Лик: И нынѣ и присно и во веки вековъ. Аминь.

Аллилуѹа, аллилуѹа, аллилуѹа, слава Тебѣ Бѣже. (Трижды). Господи, помилуй. (Трижды)

Слава Отцѹ и Сыну и Святому Дѹху.

Чтец: И нынѣ и присно и во веки вековъ. Аминь.

Хвала пѣсни Давиду, не надписанъ у еврей, 94:

Приидите, возрадуемся Господеву, воскликнемъ Богу Спасителю нашему: предваримъ лице Его въ исповѣданіи, и въ псалмѣхъ воскликнемъ Ему. Яко Богъ Велий Господь, и Царь Велий по всей землѣ, яко въ руцѣ Его вси концы землѣ, и высоты горъ Того суть. Яко Того есть море, и Той сотвори е, и сушу руцѣ Его создасте. Приидите, поклонимся и припадемъ Ему, и восплачемся предъ Господомъ сотворшимъ насъ: яко Той есть Богъ нашъ, и мы людіе пажити Его, и овцы руки Его. Днесь аще гласъ Его услышите, не ожесточите сердецъ вашихъ, яко въ прогнѣваніи, по дни искушенія въ пустыни, воньже искусиша Мя отцы ваши, искусиша Мя, и видѣша дѣла Моя. Четырѣдесать лѣтъ негодовахъ рода того, и рехъ, присно заблуждаютъ сѣрдцемъ, тии же не познаша путей Моихъ, яко кляхся во гнѣвѣ Моѣмъ, аще внидутъ въ покой Мой.

Хвала пѣсни Давиду, ввѣгда домъ созидашеся по плененіи, не надписанъ у еврей, 95:

Воспойте Господеву пѣснь нову, воспойте Господеву вся земля, воспойте Господеву, благословите имя Его, благовѣстите день отъ дне спасеніе Его. Возвестите во языцехъ славу Его, во всехъ людехъ чудеса Его. Яко Велий Господь и

хва́лен зело́, стра́шен е́сть над все́ми бо́ги. Я́ко вси бо́зи язы́к бе́сове: Го́сподь же небеса́ сотвори́. Испове́дание и красота́ пред Ним, святы́ня и великоле́пие во святи́ле Его́. Принеси́те Го́сподеви оте́чества язы́к, принесите Го́сподеви сла́ву и честь. Принесите Го́сподеви сла́ву и́мени Его́, возьмите же́ртвы, и входите во двору́ Его́. Поклоните́ся Го́сподеви во дво́ре святе́м Его́, да подви́жится от лица́ Его́ вся земля́. Рцы́те во язы́цех, я́ко Го́сподь воцари́ся, и́бо исправи́ вселенну́ю, я́же не подви́жится: су́дит лю́дем пра́востию. Да возвеселя́тся небеса́, и ра́дуется земля́, да подви́жится море и исполне́ние его́. Возрадуются поля́, и вся я́же на них: то́гда возра́дуются вся дре́ва дубравна́я от лица́ Го́сподня, я́ко гряде́т, я́ко гряде́т суди́ти земли́, суди́ти вселенне́й в пра́вду, и лю́дем и́стиною Своёю.

**Псалом Давиду, егда земля его́ устроя́шися,
не надпи́сан у евре́й, 96:**

Го́сподь воцари́ся, да ра́дуется земля́, да веселя́тся о́строви мно́зи. О́блак и мрак о́крест Его́, пра́вда и судьба́ исправле́ние Престо́ла Его́. О́гнь пред Ним предъиде́т, и попа́лит о́крест враги́ Его́. Освети́ша мо́лния Его́ вселенну́ю: ви́де, и подви́жеся земля́. Го́ры я́ко воск растая́ша от лица́ Го́сподня, от лица́ Го́спода все́я земли́. Возвести́ша небеса́ пра́вду Его́, и ви́деша вси лю́дие сла́ву Его́. Да посты́дятся вси кланя́ющиися истука́нным, хва́лящими́ся о́ идолах свои́х, поклоните́ся Ему́ вси А́нгели Его́. Слы́ша и возвесели́ся Сио́н, и возра́довашася дщери́ Иуде́йския, суде́б ра́ди Твои́х, Го́споди, я́ко Ты Го́сподь Вы́шний над все́ю землею́, зело́ превозне́слся еси́ над все́ми бо́ги. Любя́щие Го́спода, ненави́дите злая́, храни́т Го́сподь ду́шы преподо́бных Свои́х, из ру́ки гре́шници изба́вит я́. Свет возсия́ пра́веднику, и пра́вым се́рдцем весели́е. Весели́тесь, пра́веднии, о Го́споде и испове́дайте па́мять Святы́ни Его́.

Сла́ва Отцу́ и Сы́ну и Свято́му Ду́ху.

Лик: И ны́не и присно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Триж-
ды). Го́споди, поми́луй. (Трижды)

Сла́ва Отцу́ и Сыну́ и Свято́му Ду́ху.

Чтец: И ны́не и прісно и во ве́ки веко́в. Ами́нь.

Псалом Давиду, 97:

Воспойте Го́сподеви песнь но́ву, я́ко дивна сотвори́ Госпо́дь.
Спасе́ Его́ десница́ Его́, и мышца́ святая́ Его́. Ска́за Госпо́дь
спасе́ние Своё, пред язы́ки откры́ правду́ Свою́. Помяну́
милость́ Свою́ Иа́кову, и и́стину́ Свою́ дому́ Изра́илеву, ви́деша
все концы́ земли́ спасе́ние Бо́га на́шего. Воскли́кните Бо́гови
вся зе́мля, воспойте, и ра́дуйтесь, и по́йте. По́йте Го́сподеви
в гу́слех, в гу́слех и гласе́ псаломсте. В труба́х ко́ваных и
гласом́ трубы́ ро́жаны воструби́те пред Царе́м Го́сподем. Да
подви́жится море́ и исполне́ние его́, вселе́нная и все живу́щие
на ней. Ре́ки воспле́щут руко́ю вку́пе, го́ры возра́дуются. От
лица́ Госпо́дня, я́ко гряде́т, я́ко идет́ суди́ти земли́, суди́ти
вселе́нней в пра́вду, и люде́м правоси́тию.

Псалом Давиду, 98:

Госпо́дь воца́рися, да гне́ваются лю́дие: се́дяй на
Херуви́мех, да подви́жится зе́мля. Госпо́дь в Сио́не вели́к, и
высо́к е́сть над все́ми лю́дьми. Да испове́дятся и́мени Твое́-
му́ вели́кому, я́ко стра́шно и свя́то е́сть. И че́сть ца́ре́ва суд
лю́бит: Ты угото́вал еси́ правоты́, суд и пра́вду во Иа́кове Ты
сотвори́л еси́. Возноси́те Го́спода Бо́га на́шего, и покланя́йтесь
подно́жию но́гу Его́, я́ко свя́то е́сть. Моисе́й и Ааро́н во иере́ех
Его́, и Самуи́л в призы́вающих и́мя Его́: призы́ваху Го́спода,
и Той послу́шаше их. В столпе́ обла́чне глаго́лаше к ним: я́ко
храня́ху сви́дeния Его́ и повеле́ния Его́, я́же даде́ им. Го́споди
Бо́же наш, Ты послу́шал еси́ их: Бо́же, ты ми́лостив быва́л
еси́ им, и мща́я на вся начинáния их. Возноси́те Го́спода Бо́га
на́шего, и покланя́йтесь в горе́ святе́й Его́, я́ко Свят Госпо́дь
Бог наш.

Псалом Давиду, во исповѣдание, 99:

Воскли́кните Бо́гови вся землѧ, рабѡтайте Господеви в весѣлии, вни́дите пред Ним в радости. Уведѣте, яко Господь той есть Бог наш: Той сотвори́ нас, а не мы, мы же лю́дие Его́ и овцы пажити Его́. Вни́дите во врата́ Его́ во исповѣдании, во двѡры́ Его́ в пѣниих: исповѣда́йтесь Ему́, хвалите́ имя́ Его́. Яко́ благ Господь, в век милость Его́, и даже до рода и рода истина́ Его́.

Псалом Давиду, 100:

Милость и суд воспою́ Тебѣ́, Господи. Пою́ и разумею́ в пути́ непорѡчне, когда́ приидеши ко мне? Прехождах в незло́бии се́рдца моего́ посреде́ до́му моего́. Не предлага́х пред очима́ мойма́ вещь законопреступную: творя́щия преступле́ние возненавидех. Не прильпе́ мне сердце́ строптиво, уклоня́ющагося от мене́ лукаваго не позна́х. Оклевета́ющаго тай искренняго своего́, сего́ изгоня́х: горды́м о́ком, и несы́тым се́рдцем, с сим не ядях. Очи́ мой на ве́рныя земли́, посажда́ти я со мною́: ходя́й по пути́ непорѡчну, сей ми служа́ше. Не живя́ше посреде́ до́му моего́ творя́й горды́ню, глаго́ляй неправедная, не исправля́ше пред очима́ мойма́. Во у́трия избива́х вся грѣшныя земли́, еже потреби́ти от гра́да Господня́ вся де́лающия беззако́ние.

Чтец: Сла́ва Отцу́ и Сы́ну и Свято́му Ду́ху и ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебѣ́ Бо́же. *(Трижды).* Господи, помилуй. *(Трижды).*

Таже, седальны умильный Октоиха прилучивша-гося гласа.

по 1-м стихословию седальны крестны, глас 3:

Крѣст и сме́рть пострада́ти изво́ливый, посреде́ тва́ри сего́ водрузи́л еси́: еда́ благоволи́л еси́, Спа́се, тѣлу Твоему́ пригвозди́тися, тогда́ и со́лнце лучи́ сокры́. Сия́ и разбо́йник зря, Бо́га Тя испове́да, вопия́ Тебѣ́: помяни́ мя, Господи, и при́ят ве́ровав рай.

Стих: Возносите Господа Бога нашего, и поклоняйтесь подножию но́гу Его́, я́ко свя́то е́сть.

На кипари́се, и пѣвке, и ке́дре возне́слся еси́, А́гнче Бо́жий, да спасе́ши ве́рою поклоня́ющыяся во́льному Твоему́ распя́тию, Христе́ Бо́же, сла́ва Тебе́.

Дивен Бог во святы́х Свои́х, Бог Изра́илев.

По 6-й песни мученичен: Сия́ете ве́рою, пресвѣтлая свети́ла свя́тии, благоче́стия вра́чеве, страстоте́рпцы прехва́льнии: мучи́телей бо ран не убо́явшися, и́дольское злоче́стие низложи́сте, побѣ́ду иму́ще непобеди́му, Крест и́стинный.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Крестобогороди́чен: Понóсную, Ще́дре, смерть, распя́тием во́лею претерпе́л еси: его́же роди́вшая Тя, Христе́, зря́щи уязвля́шеся. Ея́же мо́льба́ми за благоутро́бие ми́лости Твое́й, еди́не преблаги́й Человеколю́бие Господи, ущедри и спаси́ мир, взема́й ми́ра грех.

Лик: Господи, помилуй. (Трижды)

Сла́ва Отцу́ и Сы́ну и Свято́му Ду́ху.

Чтец: И ны́не и при́сно и во ве́ки веко́в. Ами́нь.

И читается кафисма 14-я.

**Моли́тва ни́щаго, егда́ уны́ет,
и пред Госпо́дем проли́ет моле́ние свое́, 101:**

Господи, услы́ши моли́тву мою́, и вопль мой к Тебе́ да приидет. Не отврати́ лица Твоего́ от мене́: во́ньже а́ще день скорблю́, приклони́ ко мне́ у́хо Твое́: во́ньже а́ще день призову́ Тя, скоро услы́ши мя. Я́ко исче́зоша я́ко дым дни́е мои́, и ко́сти моя́ я́ко суши́ло сосхо́шася. Уязвен бых я́ко трава́, и изсше́ се́рдце мое́, я́ко забы́х снести́ хлеб мой. От гласа́ воздыха́ния моего́ прильпе́ ко́сть моя́ плоти́ мое́й. Уподобихся́ неясоти́ пусты́нней, бых я́ко но́щный вран на ны́рищи. Бдех и бых я́ко пти́ца о́собящаяся на зде. Весь день поноша́ху ми

вразі мой, и хвалящии мя мною кленяхуся. Зане́ пепелъ яко хлебъ ядяхъ, и питіе мое́ с плачемъ растворяхъ. От лица́ гнѣва Твоего́ и ярости Твоея: яко вознесъ низвергъ мя еси́. Дни́е мои́ яко сень уклони́шася, и азъ яко сѣно́ изсхохъ. Ты же, Господи, во векъ пребываеши, и память Твоя́ в родъ и родъ. Ты воскресъ уще́дриши Сио́на, яко вре́мя уще́дрити его́, яко прииде вре́мя. Яко благоволи́ша раби́ Твои́ ка́менение его́, и персть его́ уще́дрятъ. И убоятся языцы́ и́мене Госпо́дня, и вси́ ца́рие зѣмстии сла́вы Твоея́. Яко сози́ждетъ Госпо́дь Сио́на, и явится во сла́ве Своей. Призре́ на моли́тву смире́нныхъ, и не уничижи́ моле́ния ихъ. Да напишется́ сие́ в родъ инъ, и людіе зи́ждемии восхва́лятъ Госпо́да. Яко при́ниче съ высоты́ святы́я Своея́, Госпо́дь съ Небесе́ на зе́млю призре́, услы́шати воздыха́ние окованныхъ, разреши́ти сыны́ умерщвлѣ́нныхъ, возвести́ти въ Сио́не И́мя Госпо́дне, и хвалу́ Его́ во Иерусали́ме. Внегда́ собратися́ люде́мъ вкупе́, и ца́ремъ, еже́ рабо́тати Госпо́деви. Отвѣща́ ему́ на пу́ти крѣ́пости его́: ума́ление́ дней мои́хъ возвести́ ми. Не возведи́ мене́ въ преполовѣ́ние дней мои́хъ: въ ро́де родо́въ лѣта Твоя́. В нача́лахъ Ты, Господи, зе́млю основа́л еси́, и дела́ руку́ Твоею́ суть небеса́. Та поги́бнутъ, Ты же пребываеши: и вся́, яко́ ри́за обетша́ютъ, и яко́ оде́жду свие́ши я́ и изменятся. Ты же тойже́ еси́, и лѣта Твоя́ не оскуде́ютъ. Сынове́ раба́ Твои́хъ вселя́тся, и сѣ́мя ихъ во векъ испра́вится.

Псаломъ Давиду, 102:

Благослови́, душе́ моя́, Госпо́да, и вся́ вну́тренняя моя́ и́мя святое́ Его́. Благослови́, душе́ моя́, Госпо́да, и не забывайъ́ всехъ воздая́ний Его́, очища́ющаго́ вся́ беззако́нія твоя́, исцеля́ющаго́ вся́ неду́ги твоя́, избавля́ющаго́ от и́слѣ́ния живо́тъ твой, венча́ющаго́ тя ми́лостию и щедро́тами, исполня́ющаго́ во благо́ихъ жела́ние твое́: обновится́ яко́ о́рля ю́ность твоя́. Творя́й ми́лостыни́ Госпо́дь, и судьбу́́ всемъ оби́димымъ. Ска́за пути́ Своя́ Моисе́ови, сыно́вомъ Израилевымъ хоте́ния Своя́: Щедръ и

Милостив Господь, Долготерпелив и Многомилостив. Не до конца прогневается, ниже во век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

Чтец: Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды). Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом Давиду, о мирстем бытии, 103:

Благослови, душе моя, Господа. Господи, Боже мой, возвеличился еси зело. Во исповедание и в велелепоту облечлся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй

зѣмлю на тверди ея, не преклонится в век века. Бѣдна, яко рѣза, одеяние ея, на горахъ станутъ воды, от запрещенія Твоего побѣгутъ, от гласа грома Твоего убоятся. Восходятъ горы и нисходятъ поля въ мѣсто, еже основалъ еси имъ. Пределъ положилъ еси, егѣже не прейдутъ, ниже обратятся покрыти зѣмлю. Посылаяй истѣчники въ дѣбрехъ, посреде горъ пройдутъ воды. Напаяютъ вся звѣри сѣльныя, ждутъ онагри въ жажду свою. На тѣхъ птицы небесныя привѣтаютъ, от среды каменія дадутъ гласъ. Напаяя горы от превыспреннихъ Своихъ, от плода делъ Твоихъ насытятся земля. Прозябая траву скотомъ, и злакъ на службу человекомъ, извести хлебъ от земли. И вино веселитъ сердце человека, умаститъ лице елеемъ, и хлебъ сердце человека укрепитъ. Насытятся дѣрева польская, кедри Ливанстии, ихъже еси насадилъ. Тамъ птицы вогнездятся, еродіево жилище предводительствуетъ ими. Горы высокія еленемъ, камень прибежище зайцемъ. Сотворилъ есть луну во времена, солнце позна западъ свой. Положилъ еси тму, и бысть ночь, въ нейже пройдутъ вси звѣрие дубравнии. Скимни рыкающіи, восхитити и взыскати от Бога пищу себѣ. Возсия солнце и собѣрашася и въ ложахъ своихъ лягутъ. Изыдетъ человекъ на дѣло свое и на дѣланіе свое до вечера. Яко возвеличишася дѣла Твоя, Господи, вся премудростію сотворилъ еси, исполнися земля твари Твоея. Сіе море великое и пространное, тамъ гади, имъже несть числа, животная малая съ великими, тамъ корабли преплываютъ, змій сей, егѣже создалъ еси ругаться ему. Вся къ Тебѣ чаютъ, дати пищу имъ во благо время. Давшу Тебѣ имъ соберутъ, отверзшу Тебѣ руку всяческая исполнятся благодати, отвращшу же Тебѣ лице, возмѣтутся, отъймеша духъ ихъ, и исчезнутъ, и въ персть свою возвратятся. Послещи Духа Твоего, и созиждутся, и обновѣши лице земли. Буди слава Господня во вѣки, возвеселится Господь о дѣлахъ Своихъ, призирая на зѣмлю, и творяя ю трястися, прикасаяся горамъ, и дымѣтся. Воспою Господеву въ животѣ моемъ, пою Богу моему, дондеже есмь, да усладится Ему беседа моя, азъ же возвеселюся о Господѣ. Да

исчезнут грѣшницы от земли, и беззаконницы, якоже не быти им. Благослови, душе моя, Господа.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды). Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Аллилуия, 104:

Исповедаетесь Господеви, и призывайте имя Его, возвестите во языцех дела Его. Воспойте Ему и пойте Ему, поведите вся чудеса Его. Хвалитесь о имени святем Его, да возвеселится сердце ищущих Господа. Взыщите Господа, и утвердитесь, взыщите лица Его выну. Помяните чудеса Его, яже сотвори, чудеса Его, и судьбы уст Его. Сема Авраамле раби Его, сынове Иаковли избранныи Его. Той Господь Бог наш, по всей земли судьбы Его. Помяну в век завет Свой, слово, еже заповеда в тысящы родов, еже завеща Аврааму, и клятву Свою Исааку. И постави ю Иакову в повеление, и Израилю в завет вечен, глаголя: тебе дам землю Ханааню, уже достояния вашего, когда быти им малым числом, малейшим и пришельцем в ней. И преидоша от языка в язык, и от царствия в люди иные. Не остави человека обидети их, и обличи о них цари. Не прикасайтесь помазанным моим, и во пророцех моих не лукавьте. И призва глад на землю, всяко утверждение хлебное сотры. Посла пред ними человека: в раба продан бысть Иосиф. Смирisha во оковах нозе его, железо пройде душа его, дондеже прииде слово Его, слово Господне разжже его. Посла царь и разреши его: князь людей, и остави его. Постави его господина дому своему, и князя всему стяжанию своему, наказати князи его яко себе, и старцы его умудрити. И вниде Израиль во Египет, и Иаков пришельствова в землю Хамову. И возрасти люди своя зело, и укрепи я паче врагов их. Преврати сердце их возненавидети люди Его, леств сотворити в рабех Его. Пос-

ла Моисе́а раба́ Своего́, Ааро́на, его́же избра́ Себе́. Положи́ в них словеса́ знаменій Своих, и чудес́ Своих в земли́ Ха́мове. Посла́ тму и помрачи́, яко преогорчи́ша словеса́ Его́. Преложи́ воды́ их в кровь, и измори́ рыбы́ их. Воскипе́ земля́ их жа́бами в сокро́вищницах ца́рей их. Рече́, и приидо́ша пёсия му́хи, и скни́пы во вся преде́лы их. Положи́ дожди́ их гра́ды, огонь́ попаля́ющ в земли́ их, и порази́ винограды́ их и смо́квы их, и сотры́ всякое дре́во преде́л их. Рече́, и приидо́ша пру́зи и гусени́цы, имже не бе числа́. И снедо́ша всяку траву́ в земли́ их, и поядо́ша всяк плод земли́ их. И порази́ всякаго пёрвенца́ в земли́ их, нача́ток всякаго труда́ их, и изведе́ я с сребро́м и злато́м, и не бе в ко́ленах их боля́й. Возвесели́ся Египет во исхожде́нии их, яко нападе́ страх их на ня. Распростре́ облак в покрóв им и огонь́, е́же просвети́ти им но́щию. Проси́ша и приидо́ша кра́стели, и хлеба́ небесна́го насы́ти я, развёрзе ка́мень и потеко́ша во́ды, потеко́ша в безво́дных ре́ки, яко помяну́ сло́во свято́е Свое́, е́же ко Авраа́му, рабу́ Своему́. И изведе́ люди́ Своя́ в ра́дости, и избра́нныя Своя́ в весе́лии. И даде́ им страны́ язы́к, и труды́ люде́й насле́доваша, яко да сохраня́т оправда́ния Его́ и зако́на Его́ взы́щут.

Чтец: Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды).* Го́споди, поми́луй. *(Трижды)*

Седа́льны Триоди, глас 2.

Подобен: Благообра́зный Ио́сиф:

Страстьми́ Твои́ми безстра́стие всем да́й, Человеколю́бче, стра́сти плóти моя́ умертвив Кресто́м Божество́нным, сподо́би видети́ и свято́е Воскресе́ние Твое́, Го́споди.

Сла́ва Отцу́ и Сы́ну и Свято́му Ду́ху.

Страстьми́ Твои́ми безстра́стие всем да́й, Человеколю́бче, стра́сти плóти моя́ умертвив Кресто́м Божество́нным, сподо́би видети́ и свято́е Воскресе́ние Твое́, Го́споди.

И ны́не и прѣсно и во ве́ки веко́в. Ами́нь.

Крестобогородичен, глас тойже.

Честны́м Кресто́м Сы́на Твоего́ сохраня́еми, Влады́чице Чѣ́стая Богоро́дице, вся́кий прило́г борца́, вси удо́бъ побежда́ем, те́мже Тя по до́лгу прѣсно ублажа́ем, я́ко Ма́терь Бо́жию, и еди́ну наде́жду душ на́ших.

Лик: Го́споди, помилуй. (*Трижды.*)

Сла́ва Отцу́, и Сы́ну, и Свято́му Ду́ху.

Чтец: И ны́не и прѣсно и во ве́ки веко́в. Ами́нь.

И чтется кафисма 15-я.

Аллилу́ия, 105.

Испове́дайтесь Го́сподеви, я́ко бла́г, я́ко в ве́к ми́лость. Его́. Кто́ возглаго́лет си́лы Го́сподни? Слы́шаны сотвори́т вся хвалы́ Его́? Блаже́ни храня́щии су́д и творя́щии правду во вся́кое вре́мя. Помяни́ нас, Го́споди, во благоволе́нии люде́й Твои́х, посети́ нас спасе́нием Твои́м. Ви́дети во бла́гости избра́нныя Твоя́, возвесели́тся в весе́лии язы́ка Твоего́, хвалит́ся с достоя́нием Твои́м. Согреши́хом со отцы́ на́шими, беззако́нновахом, неправдова́хом. Отцы́ на́ши во Египте не разуме́ша чуде́с Твои́х, ни помяну́ша мно́жества ми́лости Твоея́ и преогорчи́ша восходя́ще в Чермное́ мо́ре. И спасе́ их имене́ Своего́ ра́ди, сказа́ти си́лу Свою́, и запрети́ Чермно́му мо́рю, и изся́че, и наста́ви я́ в бездне́, я́ко в пусты́ни. И спасе́ я́ из ру́ки ненави́дящих, и изба́ви я́ из ру́ки враго́в. Покры́ вода́ стужа́ющыя им, ни еди́н от ни́х избы́сть. И ве́роваша словеси́ Его́, и воспеша́ хвалу́ Его́. Ускори́ша, забы́ша дела́ Его́, не стерпе́ша сове́та Его́ и похоте́ша желáнию в пусты́ни, и искуси́ша Бо́га в безво́дней. И даде́ им проше́ние их, посла́ сы́тость в ду́шы их. И прогне́ваша Моисе́а в ста́ну, Ааро́на свя́таго Го́сподня. Отве́рзеса́ земля́ и пожре́ Дафа́на, и покры́ на со́нмищи Авиро́на, и разжже́ся о́гнь в сонме́ их, пламе́нь по́пали грѣ́шники. И сотвори́ша тельца́ в Хори́ве, и поклони́шася

истуканному, и измениша славу Его в подобие тельца ядущаго траву, и забыша Бога спасающаго их, сотворшаго велия во Египте, чудеса в земли Хамове, страшная в мори Черномъ. И рече потреби их, аще не бы Моисей, избранный Его, стал в сокрушении пред Ним, возвратити ярость Его, да не погубит их. И уничижиша землю желанную, не яша веры словеси Его, и поропташа в селениих своих, не услышаша гласа Господня. И воздвиге руку Свою на ня, низложити я в пустыни. И низложити семя их во языцех, и расточити я в страны. И причастися Веельфегору, и снedoша жертвы мертвых. И раздражиша Его в начинаниих своих, и умножися в них падение. И ста Финеес, и умилистави, и преста сечь. И вменися ему в правду, в род и род до века. И прогневаша Его на воде пререкания, и озлоблен бысть Моисей их ради, яко преогорчиша дух его и разнствова устнама своимъ. Не потребиша языки, яже рече Господь им, и смесишася во языцех, и навикоша делом их. И поработаша истуканным их, и бысть им в соблазн, и пожроша сыны своя и дщери своя бесовом, и пролияша кровь неповинную, кровь сынов своих и дщерей, яже пожроша истуканным ханаанским, и убиена бысть земля их кровью, и осквернися в делах их, и соблудиша в начинаниих своих. И разгневался яростию Господь на люди Своя, и омерзѣ достояние Свое, и предаде я в руки врагов, и обладаша ими ненавидящии их. И стужиша им врази их, и смиришася под руками их. Множицею избави я, тии же преогорчиша Его советом своим и смиришася в беззакониих своих. И виде Господь, внегда скорбѣти им, внегда услышаше молѣние их. И помяну завет Свой, и раскаяся по множеству милости Своея, и даде я в щедроты пред всеми пленившими я. Спаси ны, Господи Боже наш, и собери ны от язык исповѣдаться имени Твоему святому, хвалитися во хвале Твоей. Благословен Господь Бог Израилев от века и до века. и рекут вси людие: буди, буди.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Триж-ды).

Го́споди, поми́луй. (Трижды).

Сла́ва Отцу́ и Сы́ну и Свято́му Ду́ху.

Чтец: И ны́не и прісно и во ве́ки веко́в. Ами́нь.

Аллилу́ия, 106.

Испове́дайтесь Го́сподеви, я́ко бла́г, я́ко в ве́к ми́лость Его́. Да реку́т изба́влению Го́сподем, ихже изба́ви из ру́ки врага́ и от стра́н собра́ их, от восто́к и запа́д, и се́вера, и мо́ря. Заблуди́ша в пусты́ни безво́дней, пу́ти гра́да оби́тельного не обрето́ша. Алчу́ще и жа́ждуще, ду́ша их в них исче́зе. И воззва́ша ко Го́споду, внегда́ скорбе́ти им, и от ну́жд их изба́ви я́, и наста́ви я́ на пу́ть прав, вни́ти во гра́д оби́тельный. Да испове́дятся Го́сподеви ми́лости Его́, и чуде́са Его́ сыновомъ челове́ческим, я́ко насы́тил е́сть ду́шу тщу́ и ду́шу алчу́щу испо́лни бла́г. Седя́щия во тьме́ и сени́ сме́ртней, окованны́я ни́щетою и желе́зом, я́ко преогорчи́ша сло́веса́ Бо́жия и со́вет Вы́шняго раздра́жиша. И смири́ся в труде́х се́рдце их, и изнемо́гоша, и не бе́ помога́й. И воззва́ша ко Го́споду, внегда́ скорбе́ти им, и от ну́жд их спасе́ я́, и изведе́ я́ из тьмы́ и сени́ сме́ртных, и узы́ их растерза́. Да испове́дятся Го́сподеви ми́лости Его́, и чуде́са Его́ сыновомъ челове́ческим, я́ко сокруши́ врата́ ме́дная и ве́реи желе́зные сломи́. Восприя́т я́ от пу́ти беззако́ния их, беззако́ний бо ра́ди своихъ смири́шася. Вся́каго бра́шна возгну́шася ду́ша их, и прибли́жишася до вратъ сме́ртных. И воззва́ша ко Го́споду, внегда́ скорбе́ти им, и от ну́жд их спасе́ я́, посла́ сло́во Своё́ и исцели́ я́, и изба́ви я́ от растле́ний их. Да испове́дятся Го́сподеви ми́лости Его́, и чуде́са Его́ сыновомъ челове́ческим, и да пожру́т Ему́ же́ртву хвалы́, и да возвестя́т дела́ Его́ в ра́дости. Сходя́щии в мо́ре в кора́блех, творя́щии де́лания в вода́х мно́гих, ти́и ви́деша дела́ Госпо́дня и чуде́са

Его́ во глубинѣ. Рече́, и ста́ духъ бу́рен, и вознесо́шася во́лны его́, восхо́дят до небѣс и низхо́дят до бездн, душа́ ихъ в злыхъ таяше: смято́шася, подвиго́шася, яко́ пьяны́й, и вся́ му́дрость ихъ поглоще́на бы́сть. И воззва́ша ко Го́споду, внегда́ скорбе́ти имъ, и от нуждъ ихъ изведе́ я, и повеле́ бури, и ста́ в тишину, и умолко́ша во́лны его́. И возвесели́шася, яко́ умолко́ша, и наста́ви я́ в пристанище хотѣ́ния своего́. Да испове́дятся Го́сподеви милости Его́, и чудеса́ Его́ сыновомъ челове́ческим: да вознесу́т Его́ в це́ркви людсте́й и на седалищи́ старецъ восхва́лят Его́. Положилъ е́сть ре́ки в пусты́ню, и исхо́дища водна́я в жа́жду, зе́млю плодоно́сную в слáность, от зло́бы живу́щих на не́й. Положилъ е́сть пусты́ню во езе́ра водна́я и зе́млю безводну́ю во исхо́дища водна́я. И насели́ тамо́ алчу́щия, и соста́виша гра́ды обите́льны, и насе́яша се́ла, и насади́ша виногра́ды, и сотвори́ша пло́д житенъ. И благослови́ я́, и умно́жишася зело́, и скоты́ ихъ не ума́ли. И ума́лишася, и озлоби́шася от скорби́, золъ и боле́зни. Излия́ся уничиже́ние на кня́зи ихъ, и облазни́ я́ по непрохо́дней, а не по пу́ти. И помо́же убо́гу от нищеты́ и положи́ яко́ овцы́ оте́чества. У́зрятъ пра́вии и возвеселя́тся, и вся́кое беззакóние загради́тъ уста́ своя. Кто́ прему́др и сохрани́тъ сия́? И уразуме́ют милости́ Госпо́дни.

Чтец: Сла́ва Отцу́ и Сы́ну и Свято́му Ду́ху.

Лик: И ны́не и присно́ и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (Трижды).

Го́споди, поми́луй. (Трижды).

Сла́ва Отцу́ и Сы́ну и Свято́му Ду́ху.

Чтец: И ны́не и присно́ и во ве́ки веко́в. Ами́нь.

Пѣснь, псаломъ Дави́ду, 107.

Гото́во се́рдце мое́, Бо́же, гото́во се́рдце мое́: воспою́ и пою́ во сла́ве мое́й. Воста́ни сла́ва моя́, воста́ни псалти́рю и гу́сли, воста́ну рано́. Испове́мся Тебе́ в лю́дех, Го́споди, пою́ Тебе́ во язы́цех. Яко́ ве́лия верху́ небѣсъ ми́лость Твоя́ и до обла́к исти́на

Твоя. Вознесися на небеса, Боже, и по всей земли слава Твоя, яко да избавятся возлюбленнии Твои: спаси десницею Твоею и услыши мя. Бог возглагола во святем Своем: вознесуся и разделю Сикиму, и удоль селений размерю. Мой есть Галаад и Мой есть Манассий, и Ефрем заступление главы Моея, Иуда царь Мой. Моав коноб упования Моего, на Идумею наложу сапог Мой: Мне иноплемenniцы покорятся. Кто введет мя во град ограждения? Или кто наставит мя до Идумей? Не Ты ли, Боже, отринувый нас? И не изыдеши, Боже, в силах наших? Дажь нам помощь от скорби, и суетно спасение человеческо. О Боже сотворим силу, и Той уничижит враги наша.

В конец, псалом Давиду, 108.

Боже, хвалы моя не премолчи, яко уста грешника и уста лстиваго на мя отверзошася, глаголаша на мя языком лстивым, и словесы ненавистными обыдоша мя, и брашася со мною туе. Вместо еже любить мя, оболгаху мя, аз же моляхся, и положиша на мя злая за благая, и ненависть за возлюбление мое. Постави на него грешника, и диавол да станет одесную его. Внегда судитися ему, да изыдет осужден, и молитва его да будет в грех. Да будут дние его мали, и епископство его да примет ин: да будут сынове его сири, и жена его вдова: движущеся да преселятся сынове его и воспросят, да изгнани будут из домов своих. Да възыщет заимодавец вся, елика суть его, и да восхитят чуждии труды его. Да не будет ему заступника, ниже да будет ущедряяй сироты его. Да будут чада его в погубление, в роде едином да потребится имя его. Да воспомянется беззаконие отец его пред Господем, и грех матере его да не очистится. Да будут пред Господем выну и да потребится от земли память их. Занеже не помяну сотворити милость, и погна человека нища и убога, и умилена сердцем умертвити. И возлюбил клятву, и придет ему, и не восхотел благословения, и удалится от него. И облечеся в клятву яко в ризу, и вниде яко вода во утробу его, и яко елей в кости его. Да

бѹдетъ ему́ яко риза, в ню́же облачитъся, и яко поясъ, имже вы́ну опоясу́ется. Сіе́ дѣло оболга́ющихъ мя́ у Го́спода и глаго́лющихъ лука́вая на ду́шу мою́. И ты́, Го́споди, Го́споди, сотвори́ со мно́ю и́мене ра́ди Твоего́, яко блага́ ми́лость Твоя́. Избави́ мя́, яко ни́щ и убо́г е́смь азъ, и се́рдце мое́ смяте́ся вну́тръ мене́. Яко се́нь, внемга́ уклонити́ся ей, отъяхъся, стрясóхся яко прѹзи. Колѣна́ моя́ изнемо́госта отъ поста́, и плоть́ моя́ измени́ся еле́а ра́ди. И азъ бы́х поноше́ние имъ, видѣша́ мя́, поки́ваша главами́ своими́. Помози́ ми, Го́споди Бо́же мой, и спаси́ мя́ по ми́лости Твое́й, и да разуме́ютъ, яко рука́ Твоя́ сия́, и Ты́, Го́споди, сотвори́л еси́ ю́. Прокленѹ́т ти́и, и Ты́ благослови́ши, воста́ющии на мя́ да посты́дятся, ра́б же Тво́й возвесели́тся. Да облеку́тся оболга́ющии́ мя́ в срамоту́, и оде́ждутся, яко оде́ждою, студомъ́ своимъ. Испове́мся Го́сподеви́ зело́ усты́ мои́ми, и посреде́ мно́гихъ восхва́лю Его́, яко предста́ одесну́ю убо́гаго, е́же спасти́ отъ гоня́щихъ ду́шу мою́.

Чтецъ: Сла́ва Отцу́ и Сы́ну и Свято́му Ду́ху и ны́не и прісно́ и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́́ Бо́же.
(Три́жды).

Го́споди, поми́луй. (Три́жды).

Седален Триоди, глас 2:

Подобенъ: Милосе́рдия сѹщи:

Чистоты́ сый исто́чникъ, постомъ́ соблюди́ насъ, Ми́лостиве, прізри́ на ны́ Тебе́́ припада́ющия, вонми́́ возде́янію рукъ́ на́шихъ, прострый́ длани́ Твои́ на Дре́ве распина́емь о́ всехъ земноро́дных, безплóтныхъ, еди́не Го́споди.

Сла́ва Отцу́ и Сы́ну и Свято́му Ду́ху.

Чистоты́ сый исто́чникъ, постомъ́ соблюди́ насъ, Ми́лостиве, прізри́ на ны́ Тебе́́ припада́ющия, вонми́́ возде́янію рукъ́ на́шихъ, прострый́ длани́ Твои́ на Дре́ве распина́емь о́ всехъ земноро́дных, безплóтныхъ, еди́не Го́споди.

И ны́не и прѣсно и во ве́ки веко́в. Ами́нь.

Крестобогородичен, глас тойже.

Подобен: Де́ва и Ма́ти Твоя́, Христе́, на Дре́ве зря́ще Тя ме́ртва просте́рта, плачу́щи го́рце:

Сы́не Мой, – глаго́лаше, – что стра́шное сие́ та́инство? Всем да́руяй жизнь ве́чную, во́лею на Кресте́ ка́ко умира́еши сме́ртию поно́сною?

Лик: Го́споди, помилуй. (*Трижды*)

Сла́ва Отцу́ и Сы́ну и Свято́му Ду́ху.

Чтец: И ны́не и прѣсно и во ве́ки веко́в. Ами́нь.

Псалом 50:

Помилуй мя, Бо́же, по вели́цей ми́лости Твое́й и по мно́жеству щедро́т Твои́х очисти беззако́ние моё. Наипа́че омый мя от беззако́ния моего́ и от греха́ моего́ очисти мя. Я́ко беззако́ние моё аз зна́ю, и грех мой пре́до мно́ю есть ви́ну. Тебе́ еди́ному согреших и лука́вое пред Тобо́ю сотвори́х: я́ко да оправди́шия во словесе́х Твои́х и победи́ши, внегда́ суди́ти Ти. Се бо, в беззако́нних зача́т есмь, и во гресе́х роди́ мя ма́ти моя́. Се бо, и́стину возлюбил еси́, безве́стная и та́йная премудро́сти Твоея́ явил ми еси́. Окропи́ши мя иссо́пом и очи́щуся: омые́ши мя и па́че сне́га убелю́ся. Слу́ху моему́ да́си ра́дость и весе́лие: возра́дуются ко́сти смире́нныя. Отврати́ лице́ Твоё от грех мои́х и вся беззако́ния моя́ очисти. Сёрдце чи́сто сози́жди во мне, Бо́же, и дух прав обнови́ во утробе мое́й. Не отвержи мене́ от лица́ Твоего́ и Ду́ха Твоего́ Свята́го не оты́ми от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечести́вии к Тебе́ обратя́тся. Избави́ мя от крове́й, Бо́же, Бо́же спасе́ния моего́: возра́дуется язы́к мой пра́вде Твое́й. Го́споди, устне́ мои́ отве́рзеши, и уста́ моя́ возвестя́т хвалу́ Твою́. Я́ко а́ще бы восхоте́л еси́ же́ртвы, дал бых у́бо: всесоже́жения не благоволи́ши. Же́ртва Бо́гу дух сокруше́н: се́рдце сокруше́н-

но и смиреннó Бог не уничижит. Ублажи́, Го́споди, благоволе́нием Твои́м Сио́на, и да сози́ждутся стéны Иерусали́мския: тогда́ благоволи́ши жéртву правды, возноше́ние и всесожега́емая: тогда́ возложáт на олтарь Твой тельцы́.

Священник или диакон: Спаси́, Бо́же, лю́ди Твоя́ и благослови́ достоя́ние Твое́, посети́ мир Твой ми́лостию и щедро́тами, возвы́си рог христиа́н правосла́вных и низпосли́ на ны ми́лости Твоя́ богáтыя: моли́твами Всепречы́стыя Влады́чицы на́шей Богоро́дицы и Присноде́вы Мари́и, си́лою Честна́го и Животворя́щаго Креста́, предста́тельства Честны́х Небе́сных Сил Безплóтных, честна́го, сла́внаго Проро́ка, Предте́чи и Крести́теля Иоáнна, святы́х сла́вных и всехва́льных апо́стол, и́же во святы́х оте́ц на́ших и вселéнских вели́ких учи́телей и святы́телей Васи́лия Вели́каго, Григо́рия Богосло́ва и Иоáнна Златоу́стаго, и́же во святы́х отца́ на́шего Никола́я, архиепи́скопа Мир Лики́йских, чудотво́рца, и́же во святы́х оте́ц на́ших Кири́лла и Мефо́дия, учи́телей Словéнских; свята́го равноапо́-стольнаго вели́каго кня́зя Влади́мира и святы́я равноапо́стольныя вели́кия княги́ни О́льги, и́же во святы́х оте́ц на́ших, всея́ Росси́и чудотво́рцев Миха́ила, Петра́, Алексе́я, Ио́ны, Фили́ппа и Еρμοге́на, святы́х сла́вных и добропобе́дных му́чеников, преподо́бных и богоно́сных оте́ц на́ших, святы́х и пра́ведных Богооте́ц Иоакима́ и А́нны (*и святаго, имя рек, его́же есть храм, и его́же есть день*) и всех святы́х, мо́лим Тя, Многоми́лостиве Го́споди, услы́ши нас, грéшных, моля́щихся Тебе́, и помíлуй нас.

Лик: Го́споди, помíлуй. (*12 раз.*)

Таже глаголет священник възглас: Ми́лостию и щедро́тами, и человеколю́бием Единоро́днаго Твоего́ Сы́на, с Ним же благослове́н еси́ со Пресвяты́м, и Благы́м, и Животворя́щим Твои́м Ду́хом, ны́не, и прíсно, и во ве́ки веко́в.

Лик: Ами́нь.

Посем поется канон.

Песнь 1

Ирмós: Колесницегонителя фараона погрузи чудотворяй иногда Моисейский жезл, Крестообразно поразив и разделив море, Израйля же беглеца, пешеходца спасе, песнь Бóгови воспевающа.

Стих: Господь царствуяй веки, и на век, и ещё, егда вниде конь фараонов с колесницами и всадники в море.

Тропáрь: Мученическими украшени дарованьми, и великому Свету всесветли любовию предстояще мученицы, облаки душ наших и страстей зиму разорите, благодатию Всесильнаго Бóга нашего.

Стих: И наведе на ня Господь воду морскую, сынове же Израйлевы проидоша сушею посреде моря.

Тропáрь: Возложився мученический собор всевидцу Бóгу, и Того любовию души привязавше, разрешиша союз злобы, и разрешение грехов подавают, верою тех блажащим.

Слава Отцу и Сыну и Святому Духу.

Тропáрь: Огнём Божественным страстотерпцы мученицы распалёмы, и мысленною силою души вжиливше, яко углие явистеся, поपालюще вещь многобóжия, и просвещающе сиянием благочестия концы.

И ныне и присно и во веки веков. Аминь.

Богорóдичен: От видимых и невидимых избави мя, Дéво Мáти, врагов, Яже Бóга Слóва видимаго рóждши, невидима суща: и страстей моих бурю Твоею тишиною отжени, Едина человеков исправление.

Песнь 3

Стих: Господь взыде на Небеса, и возгремё, той судит концём земли праведн сый.

Тропáрь: Разжэгшеся любовию Божественною мученицы, огонь безбóжия кровей струями угасисте: и возсиявше световидно яко звезды, всю подсолнечную уясните.

Стих: И да́ст крѣпость царю́ нашему, и вознесёт ро́г Христо́та своего́.

Тропа́рь: Блιστάют му́чеников светоза́рныя мо́щи, свѣт исцелѣ́ний ве́рою к сим притека́ющим: благода́ть бо почерпо́ша от исто́чников Спа́совых, Того́ во́льней страсти поревнова́вше.

Сла́ва Отцу́ и Сы́ну и Свято́му Ду́ху.

Тропа́рь: Ве́ры столпи́, Христо́ва заклáния, во вре́мя у́бо мно́го в вода́х крѣ́ими ны́не яви́шася: архиере́йскими рука́ми благода́тно и преподо́бно прено́шаеми бы́ша.

И ны́не и присно и во ве́ки веко́в. Ами́нь.

Богоро́дичен: Ра́дуйся, Еди́на ро́ждшая вся́ческих Го́спода: ра́дуйся, ра́дость челове́ком исхода́таивши: ра́дуйся, присенная и несеко́мая горó, ве́рным утвержде́ние: ра́дуйся, Всенепоро́чная.

Ирмо́с: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твое́й, желáний кра́ю, ве́рных утвержде́ние, Еди́не Человеколю́бче.

Посѣм ектений ма́лая:

Па́ки и па́ки ми́ром Го́споду помо́лимся.

Лик: Го́споди, помилуй.

Заступи́, спаси́, помилуй и сохрани́ нас, Бо́же, Твое́ю благода́тию.

Лик: Го́споди, помилуй.

Пресвяту́ю, Пречи́стую, Препблагословѣ́нную, сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себѣ, и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Возгла́с священника: Яко Ты еси́ Бог наш и Тебе́ сла́ву возсыла́ем Отцу́, и Сы́ну, и Свято́му Ду́ху, ны́не и присно, и во ве́ки веко́в.

Лик: Ами́нь.

Кондак, глас 4.

Подобен: явился еси днесь:

От земли возсиявше яко светила правды, нечестия всю отразисте мглу: и верных просвещаете, мученицы Божественнии, Троицы поборницы.

Седален, глас 3.

Подобен: Гроб твой, спасе:

Лесть вражию явственно низложивше, на лета многа завистне сокровеннии, нам явитесь, всеприснопамятнии мученицы, врачующе душ наших страсти, и исцеляюще телесныя болезни, во славу Бога нашего.

Слава Отцу и Сыну и Святому Духу и ныне и присно и во веки веков. Аминь.

Крестобогородичен:

Зрящи Тя, Христэ, Всенепорочная Мати, мертва на Кресте простёрта, вопияше: Сыне Мой, Собезначальне Отцу и Духу, что неизреченное Твое сие смотрение, имже спасл еси пречистых рук Твоих, Щедре, создание?

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца, и нашу нищету посетив, Тем с пророком Аввакумом зову Ти: силе Твоей слава, Человеколюбче.

Стих: Господь Бог мой, сила моя, и учинит нозе мой на совершение.

Тропарь: Твое закление и вольную смерть, Жизнодавец, собор возжелел страдалец, и многовидныя болезни претерпев, в неболезненное прейде и Божественное веселие, песнопоя благодарственно: силе Твоей слава, Человеколюбче.

Стих: И на высокая возводит мя, победити ми в песни Его.

Тропа́рь: Креста́ огражда́еми броня́ми, и любове́нию Божественно́у утвержда́еми, ору́жие низложи́ша враго́в, и ополче́ния сих ве́рою потреби́ша мученицы́ Божественнии, пою́ще усердно: силе́ Твое́й сла́ва, Человеколю́бче.

Сла́ва Отцу́ и Сы́ну и Свято́му Ду́ху.

Тропа́рь: Добро́тами добродете́лей просвеща́еми, от крове́й багряннице́ю украси́тесь очервле́ною, мученицы́: яко́же ски́птр Креста́ побѣду нося́ще, со Христо́м ца́рствовати сподо́бистесь воистинну, блаже́нныя наде́жды прия́ша.

И ны́не и при́сно и во ве́ки веко́в. Ами́нь.

Богоро́дичен: Ма́ти Бо́жия благосло́венная, Всенепоро́чная, страда́лец Божественное удо́брение, онебеси́вшая на́ше естество́, отри́нувшееся сове́том зми́йным, спаси́ мя от вся́ких жити́я собла́зн, и уллучи́ти спасе́ние сподо́би.

Песнь 5

От но́щи у́тренюет Ду́х мой к тебе́ Бо́же, зане́ свѣт повеле́ния твоя́ на земли́.

Правде́ научи́тесь живу́щии на земли́: преста́ бо нечестивый, не научи́тся правде́, на земли́ и́стины не сотвори́т.

Да во́змется нечестивый, да не ви́дит сла́вы Госпо́дни. Го́споди высо́ка твоя́ мы́шца, и не ве́деша, разуме́вше же посты́дятся.

За́висть при́имет лю́ди ненака́занныя, и ны́не о́гнь супоста́ты поя́т.

Стих: Го́споди Бо́же на́ш, ми́р да́ждь на́м, вся́ бо возда́л еси́ на́м.

Ирмо́с: Вску́ю мя отри́нул еси́ от лица́ Твоего́, Све́те незаходи́мый, и покры́ла мя е́сть чужда́я тма́ ока́яннаго, Но обрати́ мя, и к свѣту за́поведей Твои́х пути́ моя́ напра́ви, молю́ся.

Стих: Го́споди Бо́же на́ш, стяжи́ ны: Го́споди раз́ве тебе́ ино́го не ве́мы, и́мя твоё́ имену́ем.

Тропáрь: Свѣтѣхъ Твоѣхъ, Спасе, время довольно сокро́венныя ко́сти сохранивъ, явил еси́ ны́не, ꙗко́ благоволи́л еси́, людемъ Твоѣмъ, Слове, на освяще́ние и спасе́ние и в студ враго́м хуля́щим Тя.

Стих: Ме́ртвии же живота́ не ѣмут ви́дети, ниже́ вра́чеве воскресѣ́ют.

Тропáрь: Студе́нь преле́сти, тепло́тою ве́ры разори́сте, сла́внии, мно́гих му́к преше́дше многоплете́нныя се́ти: к Вы́шнему граду́ вперѣ́ми любóвию, почи́ли есте́, сла́вою исполня́еми.

Стих: Сего́ ради́ навелъ еси́, и погуби́л, и взял еси́ вся́къ му́жескъ полъ ихъ.

Тропáрь: Терпе́нием ранъ вся́ко низло́жше вра́жие шата́ние, тве́рдии ору́жницы, и терза́еми и пове́шаеми, и огню́ веще́ственному приобщѣ́вшеся, вся́ку ве́щь безбо́жия запали́сте благода́тию.

Стих: Приложи́ ѣмъ зла́ Го́споди, приложи́ зла́ сла́внымъ земли́.

Богоро́дичен: Превы́шши была́ еси́ Вы́шнихъ си́л, Богора́дованная, заче́нши Сло́во, вся́ сло́вомъ сотвори́шаго, и ро́ждши Сего́, от Отца́ пре́жде ве́к ро́жденна, нетле́нно Пречи́стая.

Стих: Го́споди, в ско́рби помяну́хомъ тя́, в ско́рби ма́ле наказáние твоё́ намъ.

Зде́ чте́тся Триоди́ трипесне́ц, гласъ 2:

Во́ мне зря́ грехъ, льсти́вому́дрый, спешѣ́тся и соде́йствуетъ греху́: ра́дуется бо́ вои́стинну о мое́й поги́бели, но Ты́ ми да́ждь испра́вление, Спасе́, во о́наго уби́ение, молю́ся.

Стих: И ꙗ́ко боля́щая прибли́жается роди́ти, и в боле́зни свое́й вопи́аше: та́ко бы́хом возлю́бленному́ тво́ему.

Нача́ла победи́вый тьмы́, на Кресте́ Тво́емъ, сихъ изми́ мя злоде́яния, па́дшаго во глубли́ну греха́, и в я́му безме́стныхъ де́яний, Тво́ею же ми́лостию спасти́ся упова́юща.

Стих: Страха ради твоего, Господи, во чреве прияхом, и поболехом, и родихом Дух спасения, егоже сотворихом на земли.

Умертвивыйся на Кресте простерт, умерщвленную грехом оживи душу мою, и честное Твое Воскресение достигнути, в мире, Христе, сподоби, делаяща усердно Твоя оправдания.

Стих: Не падём, но падут живущии на земли.

Богородичен: Просвещение моея немощи, спасение омраченных душ моея, Чистая, спаси мя, спаси погибающая, Отроковице, и в ризу нетления мя одецы, истлевшаго лютыми прегрешеньми.

Стих: Воскреснут мертвии, и востанут иже во гробех, и возвеселятся иже на земли.

Ты на месте лобнем плотию распятися изволил еси, единое Безсмертне, человеческий род обезсмертствуя, и воображая, Господи.

Стих: Роса бо, яже от тебе, исцеление им есть: земля же нечестивых падёт.

Страсти Твоея досаду, тварь зрящи вся пременяшеся, Господи, иудейскаго рыдающе убийства, но претерпел еси спасти всяческая.

Слава Отцу и Сыну и Святому Духу.

Троицен: О Троице Всесвятая! Ты наше служение, Ты и прибежище и держава, в Естестве едином Тя воспевающим, очищение прегрешений низпосли.

И ныне и присно и во веки веков. Аминь.

Богородичен: Многоименная Отроковице, радуйся, Богородице, ковчеже, и стапно и трапезо, светоносный свещниче, огнезračная купино, горю Божия присенная.

Слава Тебе, Боже наш, слава Тебе.

Миру и сущим в мире радоватися приречения, ныне яко Христу сраспинаеми, претерпим досаду, ругание, и другая, да с Ним прославимся.

Ирмос: Но́щи прешѣдшей, прибли́жися де́нь, и Све́тъ мі́ру возсія́, се́го ра́ди хва́лят Тя А́нгельстии чи́ни, и славосло́вят Тя вся́ческая.

Песнь 6

Стих: Хра́нящии сѹ́етная и ло́жная, ми́лость свою́ оста́виша.

Тропа́рь: Я́коже крѣ́н в мы́сленных удо́лиих процвѣ́тше, Боже́ственныя во́ни вся́ наполня́ете, всехва́льнии: и от ду́ш отгоня́ете смра́д вся́къ, страсто́тѣрпцы досто́чуднии.

Стих: А́з же со гласом хвалѣ́ния и испове́дания пожру́ тебе́: ели́ка обеща́х возда́м тебе́ во спа́сение моё́ Го́сподеви.

Тропа́рь: Ссека́еми на у́ды, и многообра́зно му́чими, терпе́ния истинна́го мечѣ́м ссеко́ша враги́ неведѹ́щия Тя, до́блии, сло́ве, страсто́тѣрпцы Тво́и воспева́юще Тя.

Сла́ва Отцу́ и Сы́ну и Свято́му Ду́ху.

Тропа́рь: Стру́пы му́ченичестии ду́ш исцеля́ют я́звы: си́ми бо врага́ крѣ́пко уязви́вше, врачевание́ безме́здно те́пле прося́щим, Боже́ственным Ду́хом бы́ша.

И ны́не и прѣ́сно и во ве́ки веко́в. Ами́нь.

Богоро́дичен: Из тебе́ Бо́г сме́ртным, плотски́м яви́ся при́ятием, бога́тъ Сый, мою́ нищету́, Всенепоро́чная, из Тебе́ взятъ, безсме́ртія вхо́ды ми́ да́руя.

Ирмос: Очи́сти мя, Спа́се, мно́га бо беззаконі́я моя́, и из глѹбины́ зѹ́л возведи́, молю́ся: к Тебе́ бо возопи́х, и услы́ши мя, Бо́же спа́сения моего́.

Посем ектенія́ малая:

Па́ки и па́ки ми́ром Го́споду помо́лимся.

Лик: Го́споди, поми́луй.

Засту́пи, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, Пречи́стую, Преблагослове́нную, сла́вную Вла́дычицу на́шу Богоро́дицу и Присноде́ву Мари́ю, со все́ми

святы́ми помяну́вше, са́ми себе́, и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник возглас: Ты бо еси́ Царь ми́ра и Спас душ на́ших, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

Конда́к, гла́с 8.

Подобен: я́ко нача́тки:

Кре́пцыи ве́ры столпи́, добропобе́днии му́ченицы, за Христа́ поде́мше разли́чныя му́ки, и на ле́та мно́га сокро́вени бы́сте: и ны́не яви́стеся, я́ко многоце́нное бога́тство, и в Це́рковь Бо́жию че́стно носими́ архиере́а Бо́жия дланьми́, просящим раздава́ете е́же на по́льзу. Те́м моли́теся о душа́х на́ших.

Песнь 7

Ирмо́с: Бо́жия снизхожде́ния о́гнь устыде́ся в Вавило́не ино́гда, сего́ ра́ди о́троцы в пе́щи радованною но́гою, я́ко во цве́тнице лику́юще, по́яху: благода́рен еси́, Бо́же оте́ц на́ших.

Стих: Благослове́н еси́ на престо́ле сла́вы ца́рствия Твоего́, Препе́тый и Превозноси́мый во ве́ки.

Тропа́рь: Ве́доми Сотво́ршему, муче́нием дре́вле бы́вше без ве́сти сокро́вени, на́м ны́не познани́ бы́сте песнопо́ющим, всехва́льнии му́ченицы: благода́рен еси́, Бо́же оте́ц на́ших.

Стих: Благослове́н еси́ на тве́рди Небе́сней, препе́тый и превозноси́мый во ве́ки.

Тропа́рь: Почерпите́, челове́цы, от исто́чника то́чащаго во́ду спаси́тельную, от пото́ков невеще́ственных, мо́щей ра́ди му́ченик дне́сь, и песнопойте́ сия́ Просла́вльшему: благода́рен еси́, Бо́же оте́ц на́ших.

Сла́ва Отцу́ и Сы́ну и Свято́му Ду́ху.

Тропа́рь: Све́та жили́ща яви́вшееся, му́к ра́ди мно́гих, в сокро́вении мра́чном ле́та мно́га сокрыва́еми, я́ко о

незаходимых светильницы возсияша страдалыцы Твой, Христѣ, просвещающе нас.

И ныне и присно и во веки веков. Аминь.

Богородичен: Пророцы провозвестиша глубинѹ, Дѣво, таинства Твоего, от чистых бо кровей Бѹга, Отроковице, чревоносила еси, и в существах двою породила еси, на спасѣние наше и избавлѣние.

Песнь 8

Благословите вся дела Господня Господа, пойте превозносите его во веки.

Благословите Ангели Господни, Небеса Господня Господа, пойте и превозносите его во веки.

Благословите воды вся, яже превыше Небес, вся силы Господни Господа, пойте и превозносите его во веки.

Благословите солнце и мѣсяц, звѣзды Небесныя Господа, пойте и превозносите его во веки.

Благословите всякъ дождь и роса, вси дуси Господа, пойте и превозносите его во веки.

Благословите огнь и вар, студь и зной Господа, пойте и превозносите его во веки.

Стих: Благословите росы и иней, лѣди и мраз Господа, и пойте и превозносите его во веки.

Ирмос: Седмерицею пещь халдейский мучитель Богочестивым неистовно разжже, силою же лучшею спасены сия виде, Творцѹ и Избавителю вопияше: отроцы, благословите, священницы, воспойте, людие, превозносите во вся веки.

Стих: Благословите сланы и снѣзи, нощи и днии Господа, пойте и превозносите его во веки.

Тропарь: Якоже винограда лозие невещественнаго суща, гроздие нам Богоразумия процветоша, и вино источиша безсмертия всем яве, пьянства душевнаго отражающе вред,

мученицы вопиюще: отроцы, благословите, священницы, воспойте, людие, превозносите во вся веки.

Стих: Благословите свет и тьма, молния и облацы Господа, пойте и превозносите его во веки.

Тропарь: Течении кровными реки изсушиша идолонеишества, и разжжение угасиша безбожнаго веления страдальцы славою Христовою: всяко же верно вопиющее сердце напоиша богато: отроцы, благословите, священницы, воспойте, людие, превозносите во вся веки.

Стих: Благословите земля, горы и холми, и вся прозябающая на ней Господа, пойте и превозносите его во веки.

Тропарь: Святителей предызбранный священноподвижен, пренесение священное сотвори ваше, всеблаженнии, и летно сие почитает, поя со всем священным сословием: отроцы, благословите, священницы, воспойте, людие, превозносите во вся веки.

Стих: Благословите источники, моря и реки, кити и вся движущаяся в водах Господа, пойте и превозносите его во веки.

Богородичен: Освящися Духом, Богородице Всенепорочная, во святых почивающаго родила еси Святаго, и Благодетеля Единого Бога, вся вопиющия освящающа верою: отроцы, благословите, священницы, воспойте, людие, превозносите во вся веки.

Стих: Благословите вся птицы Небесныя, зверие и вси скоти Господа, пойте и превозносите его во веки.

И чтутся тропари трипеснца Триоди:

Смиривый Себе, вознеслся еси за благоутробие на Крест, возвышай падшаго снѣдию древа иногда, темже Тя, единое Преблагий, прославленнаго поем во веки.

Стих: Благословите сынове человечести, да благословит Израиль Господа, пойте и превозносите его во веки.

Невниманія дреманіем греха́ тяжкий подъя́х сон, но Ты усну́вый на Кресте́ мене́ ради, Христе́ мой, воздвигни мя па́дшаго, да мя не при́имет но́щь сме́ртная.

Стих: Благо́словите свяще́нницы Го́сподни, раби́ Го́сподни Го́спода, пойте и превозносите его́ во ве́ки.

Ослепи́вся сла́стми, обно́шу ду́шу омраче́нную, и сме́ется зря мя льстивоу́мный враг, те́мже мя просвети́, и изба́ви сего́ зло́бы, Христе́, во ве́ки.

Стих: Благо́словите ду́си и ду́ши пра́ведных, преподо́бнии и смире́ннии се́рдцем у́м Го́спода, пойте и превозносите его́ во ве́ки.

Богоро́дичен: В ле́ности жизнь ижди́в, дреманіем греха́ ду́шу отягчи́х, неусы́пной же Твое́й моли́тве притекаю́, не даждь мне в сме́рти, Де́во Пречи́стая, усну́ти.

Чтем тропари́ ина́го трипе́снца:

Стих: Благо́словите Ана́ния, Аза́риа, Мисаи́л пойте и превозносите Его́ во ве́ки.

Те́рнием венча́вся, и во оде́жду от порфи́ры обо́лкса, яви́лся еси́ красне́йший, Христе́, добро́тою паче всех сыно́в челове́ческих, сла́вою обли́стая.

Стих: Благо́словите апо́столи, проро́цы и му́ченцы Го́сподни Го́спода, пойте и превозносите Его́ во ве́ки.

Желчь и о́цет пия́, две струи́ пролива́еши, живота́ и нетле́ния, из Боже́ственных Твои́х ребр, ве́рою Тя пою́щим, и славосло́влящим, Христе́, во вся ве́ки.

Стих: Благо́словим Отца́, и Сы́на, и Свята́го Ду́ха Го́спода.

Трои́чен: Божество́ еди́но Трои́ца, неразде́льное Есте́ство, разде́льное же Ли́цы, непоколеби́мая держа́во, О́тче, Сы́не, и Ду́ше, Тебе́ песно́словим во вся ве́ки.

И ны́не и при́сно и во ве́ки веко́в. Ами́нь.

Богороди́чен: Богороди́тельнице Чи́стая, небе́сная врата́, спаси́тельная двéре всех христиа́н моле́ния приими́, блажа́щих Тя во вся ве́ки.

Сла́ва Тебе́, Бо́же наш, сла́ва Тебе́.

Крѣсте Христо́в, разбо́йника наста́вивый к ве́ре, и мене́ к течѣнію благосильно постомъ сподоби предвари́ти на поклонѣние Твое́, и оживотвори́тися.

Хвали́м, благослови́м, покланя́емся Го́сподеви, пою́ще и превозно́сяще во вся ве́ки.

Ирмос: В купинѣ Моисе́ю Дѣвы чу́до, на Сина́йстей горе́, Прообра́зившаго иногд́а, по́йте, благослови́те, и превозно́сите во вся ве́ки.

И абие священник глаголет: Богоро́дицу и Ма́терь Свѣта в пѣснехъ возвели́чим.

Лик: Вели́чит душо́а Моя́ Го́спода, и возрадовася дух Мой о Бо́зе, Спа́се Моёмъ.

Честне́йшую Херуви́м и сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу Тя велича́ем.

Я́ко призре́ на смире́ние рабы́ Своея́, се бо отны́не ублажа́т Мя вси ро́ди.

Честне́йшую Херуви́м и Сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу, Тя велича́ем.

Я́ко сотвори́ Мне вели́чие Си́льный, и свя́то И́мя Его́, и ми́лость Его́ в ро́ды родо́в боя́щимся Его́.

Честне́йшую Херуви́м и Сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу, Тя велича́ем.

Сотвори́ держа́ву мы́шцею Свое́ю, расточи́ го́рдыя мы́слию се́рдца ихъ.

Честне́йшую Херуви́м и Сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу, Тя велича́ем.

Низложи́ си́льныя со престо́л и вознесе́ смире́нныя, а́лчущыя испо́лни благ и богатя́щыяся отпу́сти́ тщи.

Честнѣйшую Херувѣм и Слѣвнейшую без сравнѣнія Серафѣм, без ислѣнія Бѣга Слѣва рѣждшую, сущую Богорѣдицу, Тѣ величаѣм.

Воспрѣят Израѣиля, ѡтрока Своегѣ, помянути мѣлости, ѣкоже глагола ко отцѣм нашим, Авраѣму и сѣмени егѣ дѣже до вѣка.

Честнѣйшую Херувѣм и Слѣвнейшую без сравнѣнія Серафѣм, без ислѣнія Бѣга Слѣва рѣждшую, сущую Богорѣдицу, Тѣ величаѣм.

Песнь 9

Ирмосъ: Ужасѣся о сѣм Нѣбо, и земли удивѣшася концы, ѣко Бѣг явѣся человеком плѣтски, и чрѣво Твое бысть пространнѣйшее Нѣбес. Тѣм Тѣ Богорѣдицу, Ангелов и человек чиновачалия величают.

Стихъ: Благословѣн Господь Бог Израѣилев, ѣко посетѣ и сотвори избавлѣние людем Своѣм.

Стихъ: И воздвѣже рог спасѣния нам, в дому Давѣдове ѡтрока Своегѣ.

Тропарь: Друг друга поревающе к жѣзни, и дерзати сами себѣ повелевающе раны претерпѣти, вопиюще страдальцы: сѣ время благопрѣятно, станем и победѣм врага. Христос бо Подвигоположник простирает венцы, Иже нас ради страдати изволивый.

Стихъ: Ёкоже глагола усты святых, сущих от вѣка пророк Егѣ.

Тропарь: Возвысился еси на Дрѣво, Слѣве Бѣжий, и мучеников стада привлѣкл еси к Себѣ, страсть вообразивших и заколѣние, ёже волею, Владыко, прѣял еси за милосѣрдие нас ради. Тѣмже Тѣ доблии возлюбивше страдальцы, ѣко овчата закалаются.

Стихъ: Спасѣние от враг наших и из руки всех ненавидящих нас.

Тропа́рь: Со Христо́м ца́рствовати всегда́ страда́льцы
всехва́льнии му́ченицы, ра́достно сподо́бльшеся на Небе́сех,
стране́ победите́льная, и все́м душе́вное испроси́те спасе́ние,
ве́рою восхваля́ющим вы́ днесь.

Стих: Сотвори́ти ми́лость со отцы́ нашими́ и помяну́ти за-
ве́т святы́й Свой.

Богородичен: О́блаче Со́лнца мы́сленнаго, ду́ши моя́
о́блаки разже́ни: дв́ере Бо́жия, отве́рзи мнѐ дв́ери, молю́ Тя,
пра́вды, Влады́чице: и ко вхо́дом благи́м введи́, Дево, от путе́й
многоо́бразных лука́ваго изба́вляющи мя́.

Стих: Кля́тву, ё́уже кля́тся ко Авраа́му отцу́ на́шему, да́ти
нам без стра́ха, из ру́ки враг на́ших изба́вльшимся.

И чтётся трипе́снец Трио́ди:

Прокаже́нную ду́шу мою́ безме́стными помышле́нии,
окропле́нием кро́ве Твоея́ очи́сти, Бо́жий Сло́ве, и о́бщника
мя сла́вы Твоея́ сотвори́, мене́ ра́ди безсла́вное претерпе́вый,
Христе́, распя́тие.

Стих: Служи́ти Ему́ преподо́бием и пра́вдою пред Ним вся
дни живото́а на́шего.

Весь сляко́хся тягото́ю безме́стных, Христе́, дея́ний, и
се́туя зову́ Ти, Человеколю́бче: ду́ши моя́ неисце́льные я́звы
исцели́ Твоею́ честною́ кро́вию, да пою́ Твое́ Божество́.

Стих: И ты, отроча́, проро́к Вы́шняго наре́чешися, предъй-
деши бо пред ли́цем Госпо́дним угото́вати путі́ Его́.

Снедь злобу́, и пи́тиё небреже́ние творя́, по все́му пребы́ваю
неиспра́влен, сне́дей оша́янием безвре́менно ра́дуюся, не
сице́вому бо посту́ рече́ Госпо́дь бы́ти.

Стих: Да́ти ра́зум спасе́ния лю́дем Его́, во оста́вление грех
их, милосе́рдия ра́ди ми́лости Бо́га на́шего.

Богоро́дичен: Лю́таго дре́вняго отрече́ния губи́тельницу,
и прамате́ре испра́вление, ро́да к Бо́гу вино́у присво́ения, к
Жижди́телю мост, Тя Богоро́дице велича́ем.

Стих: В нѣхже посетѣ нас Востокъ с высоты, явитися во тьме и сѣни смѣртней седящим.

Иный.

На Дрѣве распѣнуся Ти тварь колебашеся, Бог сый пострадал еси плѣтски, за благоутрѣбіе щедрѣт, да спасеши нас.

Стих: Направити нѣги наша на путь мирен.

Креста Твоего, Господи, сила великая, ибо образуяще сего в себѣ, а́бие демонов крѣпость отражаем.

Слава Отцу́ и Сы́ну и Свято́му Ду́ху.

Троичен: Единице Триипостасная, Тро́ице еди́нственная, господонача́лие, Естество́ равносла́вное, О́тче, Сы́не, и Божѣ́ственный Ду́ше, спаси́ всех нас.

И ны́не и прѣсно и во ве́ки веко́в. Ами́нь.

Богоро́дичен: Ра́дуйся очисти́лище ми́ру, Богоро́дице, в не́же притека́юще вси грѣ́шнии, к Бо́гу примирѣ́ние прѣсно обрета́ем.

Сла́ва Тебе́, Бо́же наш, сла́ва Тебе́.

Креста́ Твоего́, Господи, Божѣ́ственным мо́гуществом укре́пи мя, непоро́чное и чи́стое вре́мя поста́, Тебе́ приноси́ти.

И ирмо́с: Чи́стую и Пречи́стую Ма́терь и Де́ву, пе́сньми пе́сней вси ве́рнии, благоче́стно, я́ко Богоро́дицу, велича́ем.

Таже: Достѣ́йно есть я́ко вои́стинну блажи́ти Тя Богоро́дицу, Присноблаже́нную, и Пренепоро́чную, и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без истле́ния Бо́га Сло́ва ро́ждшую, су́щую Богоро́дицу Тя велича́ем. *И поклѣн.*

Та́же ектени́а ма́лая:

Па́ки и па́ки ми́ром Госпо́ду помо́лимся.

Лик: Госпо́ди, помилуй.

Засту́пи, спаси́, помилуй и сохрани́ нас, Бо́же, Твое́ю благода́тию.

Лик: Господи, помилуй.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Лик: Тебе, Господи.

Возглас священника: Яко Ты еси Бог наш и Тебе славу возсылаем Отцу, и Сыну, и Святому Духу, ныне и присно, и во веки веков.

Лик: Аминь.

По ектении светилен Троицен Октоиха прилучившагося гласа.

Светилен, глас 3:

Низпосли свет Твой, Христэ Боже, и просвети сердце мое:

Стих: Силою, Господи, Креста Твоего, и спаси мя.

Слава Отцу, и Сыну, и Святому Духу.

Низпосли свет Твой, Христэ Боже, и просвети сердце мое:

Стих: Молитвами, Господи, святых Твоих, и спаси мя.

И ныне, и присно, и во веки веков. Аминь.

Низпосли свет Твой, Христэ Боже, и просвети сердце мое:

Стих: Молитвами, Господи, Богородицы, и спаси мя.

Посем чтец глаголет обычные псалмы, 148, 149, 150:

Хвалите Господа с небес. Тебе подобает песнь Богу. Хвалите Господа с небес, хвалите Его в вышних. Тебе подобает песнь Богу. Хвалите Его вси ангели Его, хвалите Его вся силы Его. Тебе подобает песнь Богу. Хвалите Его солнце и луна, хвалите Его вся звезды и свет. Хвалите Его небеса небес, и вода яже превыше небес, да восхвалят Имя Господне. Яко Той рече, и быша: Той повеле, и создашася. Поста́ви я в век и в век века: повеление положи, и не мимо идет. Хвалите Господа от земли змиеве и вся бездны. Огнь, град, снег, голо́ть, дух бурен, творящая слово Его. Горы, и вси холмы, древа́ плодоносна, и

вси кѣдри. Звѣрие, и вси скоти, гади, и птицы пернаты. Царие зѣмстии, и вси людие, князи, и вси судий зѣмстии. Юноши и дѣвы, старцы с юнотами, да восхвалят Имя Господне: яко вознесѣся Имя Того Единаго. Исповѣдание Его на земли и на небеси: и вознесѣт рог людѣй Своих. Песнь всем преподобным Его, сыновом Израилевым, людем приближающимся Ему.

Вспойте Господеву песнь нову, хваление Его в церкви преподобных. Да возвеселится Израиль о сотворшем его: и сынове Сиони возрадуются о Царѣ своем. Да восхвалят Имя Его в лице, в тимпане и псалтири да поют Ему. Яко благоволит Господь в людех Своих, и вознесѣт кроткия во спасение. Восхвалятся преподобнии во славе, и возрадуются на ложях своих. Возношения Божия в гортани их, и мечи обоюду остры в руках их: Сотворити отмщение во языцех, обличения в людех: Связати царѣ их путь, и славныя их ручными оковы желѣзными.

На 6: Сотворити в них суд написан: слава сия будет всем преподобным Его.

Хвалите Бога во святых Его, хвалите Его во утвержении силы Его.

На 4: Хвалите Его на силах Его, хвалите Его по множеству величества Его.

Хвалите Его во гласе трубнем, хвалите Его во псалтири и гуслех.

Хвалите Его в тимпане и лице, хвалите Его во струнах и органе.

Хвалите Его в кимвалех dobroгласных, хвалите Его в кимвалех восклицания. Всякое дыханіе да хвалит Господа.

Слава и ныне:

Тебѣ слава подобает, Господи Боже наш, и Тебѣ славу возсылаем, Отцу, и Сыну, и Святому Духу, ныне и присно, и во веки веков. Аминь.

Слава Тебѣ, Показавшему нам свет.

Сла́ва в вы́шних Бо́гу, и на землі мир, в челове́цех благо-
воле́ние. Хва́лим Тя, благосло́вим Тя, кла́няемся, славосло́-
вим Тя, благодарі́м Тя, вели́кия ра́ди сла́вы Твоея́. Го́споди
Царю́ Небе́сный, Бо́же О́тче Вседержі́телю. Го́споди Сы́не
Единоро́дный Иису́се Христе́ и Святы́й Ду́ше. Го́споди Бо́же,
А́гнче Бо́жий, Сы́не Оте́чь, взема́й грех ми́ра, поми́луй нас:
взема́й грехи́ ми́ра, приими́ моли́тву на́шу. Седя́й одесну́ю
Отца́, поми́луй нас. Я́ко Ты еси́ Еди́н Свят, Ты еси́ Еди́н Гос-
по́дь, Иису́с Христос, в сла́ву Бо́га Отца́. Ами́нь.

На всяк день благословлю́ Тя, и восхвали́ И́мя Твое́ во ве́ки
и в век ве́ка.

Го́споди, прибе́жище был еси́ нам в род и род. Аз рех: Го́с-
поди, поми́луй мя, исцели́ ду́шу мою́, я́ко согреши́х Тебе́. Го́с-
поди, к Тебе́ прибе́гох, научи́ мя твори́ти волю́ Твою́, я́ко Ты
еси́ Бог мой: я́ко у Тебе́ исто́чник живота́, во све́те Твое́м у́з-
рим свет. Проба́ви ми́лость Твою́ ве́дущим Тя.

Таже: Сподо́би, Го́споди, в день сей, без греха́ сохра́нѣтися
нам. Благослове́н еси́, Го́споди Бо́же отец на́ших, и хва́льно и
просла́влено И́мя Твое́ во ве́ки. Ами́нь.

Бу́ди, Го́споди, ми́лость Твоя́ на нас, я́коже упова́хом на Тя.
Благослове́н еси́, Го́споди, научи́ мя оправда́нием Твои́м. Бла-
гослове́н еси́, Влады́ко, вразуми́ мя оправда́нием Твои́м. Бла-
гослове́н еси́, Святы́й, просвети́ мя оправда́нии Твои́ми.

Го́споди, ми́лость Твоя́ во век, дел ру́ку Твоею́ не прѣзри.
Тебе́ подоба́ет хвала́, Тебе́ подоба́ет пе́ние, Тебе́ сла́ва по-
доба́ет, Отцу́, и Сы́ну, и Свято́му Ду́ху, ны́не и прі́сно, и во
ве́ки веко́в. Ами́нь.

Таже ектения:

Испо́лним у́треннюю моли́тву на́шу Го́сподеви:

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твоею́ бла-
года́тию.

Лик: Го́споди, поми́луй.

Дне всего́ совершенна, свѣта, мирна и безгрѣшна у Господа прѡсим.

Лик: Пода́й, Господи.

А́нгела мирна, ве́рна наста́вника, храні́теля душ и телѣс на́ших у Господа прѡсим.

Лик: Пода́й, Господи.

Прощѣ́ния и оставле́ния грехо́в и прегрѣше́ний на́ших у Господа прѡсим.

Лик: Пода́й, Господи.

До́брых и поле́зных душам на́шим, и мі́ра мі́рови у Господа прѡсим.

Лик: Пода́й, Господи.

Проче́е вре́мя живо́та на́шего в мі́ре и пока́янии сконча́ти, у Господа прѡсим.

Лик: Пода́й, Господи.

Христи́анскія кончи́ны живо́та на́шего безболе́зненны, непосты́дны, мирны и до́браго отве́та на стра́шнем суди́щи Христóве прѡсим.

Лик: Пода́й, Господи.

Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Ма́рию, со все́ми свѣта́ми помяну́ше, са́ми себе́, и друг дру́га, и весь живо́т наш Христу́ Бо́гу преда́дим.

Лик: Тебе́, Господи.

Священник: Я́ко Бог ми́лости и щедро́т и человеколю́бия еси́, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в.

Лик: Ами́нь.

Священник: Ми́р все́м.

Лик: И ду́хови тво́ему.

Священник: Главы́ на́ша Господеви приклоні́м.

Лик: Тебе́, Господи.

Возглас: Твое бо есть, еже мѡловати и спасаѣти ны, Бѡже наш, и Тебѣ славу возсылаѣм Отцу, и Сыну, и Святому Духу, ныне, и присно, и во веки веков.

Лик: Аминь.

На стиховне самогласен дне, глас 3:

Пѡстное заветчаніе радостно воспрійдемъ, аще бо бы сїе праотецъ сохранилъ, Едемскаго отпаденія не прїяли бѣхомъ. Красный бе в виденіе, и добрый в снѣдь, уморивый менѣ плодъ, да не восхитимся веждами, ни да усладїтся наша гортань почитаемыми брашны, по прїятии же безчестуемыми. Бежимъ невоздержанія, и по насыщенїи страстемъ не покоримся. Назнаменаимся кровїю, о нас веденаго на смерть волею, и не коснется нас губитель, и снѣмы Пасху Христову священнейшую, во спасеніе душ нашихъ.

Стих: Исполнимся заутра мѡлости Твоея, Господи, возрадовахомся, и возвеселихомся: во вся дни наша возвеселихомся. За дни, в нѣже смирилъ ны еси, лета в нѣже видехомъ злая. И прїзри на рабы Твоя, и на дела Твоя, и настави сыны ихъ.

Пѡстное заветчаніе радостно воспрійдемъ, аще бо бы сїе праотецъ сохранилъ, Едемскаго отпаденія не прїяли бѣхомъ. Красный бе в виденіе, и добрый в снѣдь, уморивый менѣ плодъ, да не восхитимся веждами, ни да усладїтся наша гортань почитаемыми брашны, по прїятии же безчестуемыми. Бежимъ невоздержанія, и по насыщенїи страстемъ не покоримся. Назнаменаимся кровїю, о нас веденаго на смерть волею, и не коснется нас губитель, и снѣмы Пасху Христову священнейшую, во спасеніе душ нашихъ.

Стих: И буди свѣтлость Господа Бѡга нашего на нас, и дела рукъ нашихъ исправи на нас, и дѣло рукъ нашихъ исправи.

Мученичен: Что вы наречѣмъ святїи? Херувїмы ли, яко на вас почилъ есть Христосъ. Серафїмы ли, яко непрестанно

просла́viste Его́. А́нгелы ли, те́ла бо отврати́тесь. Си́лы ли, де́йствуете бо чудесы́. Мно́гая ва́ша имена́, и бо́льшая дарова́ния, моли́те спастися душа́м на́шим.

Слава, и ныне:

Крестобогородичен, глас тойже:

Подобен: О пресла́внаго чудесе́!

Я́ко ви́де Тя распина́ема на ло́бнем, Спа́се, изменя́ешься вся тварь, и содрога́ешься дви́жущеся не терпящи. Де́ва же Чи́стая и Ма́ти Твоя́, рыда́ючи Тебе́ вопия́ше: увы́ мне, о Ча́до Моё, Спа́се Мой сладча́йший, что но́вое си́е и пресла́вное и стра́нное ви́дение?

Чтец: Бла́го есть испове́даться Го́сподеви и пе́ти Имени Твоему́, Вы́шний, возвеща́ти за́втра ми́лость Твою́ и и́стину Твою́ на вся́ку но́щь. *(Дважды.)*

Трисвятое, по Отче наш:

Священник возглас: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прі́сно и во ве́ки веко́в.

Чтец: Ами́нь.

И тропарь: В хра́ме стоя́ще сла́вы Твоея́, на Небеси́ стоя́ти мнѣм, Богоро́дице, Две́рь Небе́сная, отве́рзи нам двѣри ми́лости Твоея́.

Таже: Го́споди, поми́луй. *(40 раз.)*

Сла́ва Отцу́, и Сы́ну, и Свято́му Ду́ху, и ны́не, и прі́сно, и во ве́ки веко́в. Ами́нь.

Честне́йшую Херуви́м и Сла́внейшую без сравне́ния Серафи́м, без ислѣ́ния Бо́га Сло́ва ро́ждшую, су́щую Богоро́дицу, Тя велича́ем.

И́менем Господни́м благослови́, о́тче.

Священник: Сый благослове́н Христос Бог наш всегда́, ны́не и прі́сно и во ве́ки веко́в.

Чтец глаголет: Ами́нь.

Небе́сный Царю́, ве́ру утверди́, язы́ки укроти́, мир умири́, святы́й храм сей до́бре сохрани́: прѣ́жде отше́дшыя отцы́ и

братию нашу, в селѣниих праведных учинї: и нас в покаянии и исповѣданіи приимї, яко Благїй и Человеколюбец.

Таже священник глаголет молитву святаго Ефрема:

Господи и Владыко живота моего, дух праздности, уныния, любовначалия и празднословия не даждь ми. *(Поклон великий.)*

Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. *(Поклон великий.)*

Таже малых 12, глаголюще в себе на кийждо поклон: Бóже, очисти мя, грешнаго.

И паки: Господи и Владыко живота моего, дух праздности, уныния, любовначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон един великий.)*

Чтец: Аминь.

ЧАС ПЕРВЫЙ

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

И псалмы 5, 89, 100:

Глаголы моя внуши, Господи, разумей звание мое. Вонми гласу моления моего, Царю мой, и Бóже мой: яко к Тебе помолюся, Господи. Заутра услыши глас мой: заутра предстану Ти, и узриши мя. Яко Бог не хотяй беззакония, Ты еси: не

приселится к Тебѣ лукавнуяй, ниже пребудут беззаконницы пред очима Твоима. Возненавидел еси вся делающыя беззаконие. Погубиши вся глаголющыя лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишися в них, и похвалятся о Тебѣ любящии Имя Твое. Яко Ты благословиши праведника, Господи, яко оружием благоволения венчал еси нас.

Господи, прибежище был еси нам в род и род. Прѣжде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут: утро яко трава мимоидет, утро процветет и прейдет: на вечер отпадет, ожестеет и исххнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою, век наш в просвещение лица Твоего. Яко вси дние наши оскудѣша, и гневом Твоим исчезохом. Лета наша яко паучина поучахуся, дние лет наших, в нихже сѣдмьдесят лет, аще же в силах, осьмьдесят лет, и множае их труд и болѣзнь: яко прииде кротость на ны, и накажемся. Кто вест державу гнева Твоего? и от страха Твоего ярость Твою исчесті? Десницу Твою тако скажи ми, и окованныя сердцем в мудрости. Обратися, Господи, доколе? и умолен буди на рабы Твоя. Исполнихомся заутра милости Твоея, Господи, и возрадовахомся и возвеселихомся. Во вся дни наша возвеселихомся, за дни в няже смирил ны еси, лета в няже вѣдохом злая. И призри на рабы Твоя, и на

делá Твоя, и настáви сыны их. И буди свѣтлость Господа Бóга нашего на нас, и делá рук наших исправи на нас, и дѣло рук наших исправи.

Милость и суд воспою Тебѣ, Господи: пою и разумѣю в пути непорóчне, когда прийдеси ко мне? Прехождáх в незлóбии сѣрдца моего, посреде́ дóму моего. Не предлагáх пред очима мо́йма вещь законопресту́пную, творя́щая преступлѣние возненавѣдех. Не прильпé мне сѣрдце строптíво, уклоняющагося от менé лукаваго не познах. Оклеветáющаго тай искренняго своего, сего́ изгонях гóрдým óком, и несýтым сѣрдцем, с сим не ядях. Óчи мой на вѣрныя земли, посаждáти я со мною: ходя́й по пути́ непорóчну, сей ми служáше. Не живя́ше посреде́ дóму моего́ творя́й гóрдыню: глаго́лай неправедная, не исправля́ше пред очима мо́йма. Во úтрия избивáх вся грѣшныя земли, ёже потребíti от града Господня вся дѣлающыя беззакóние.

Слáва Отцú и Сыну и Свято́му Дúху и ны́не и прísно и во вéки веко́в. Ами́нь.

Аллилу́иа, аллилу́иа, аллилу́иа, слáва Тебѣ, Бóже. *(Трижды.)* Господи, помíлуй. *(Трижды.)*

Посем священник возглашает тропарь со стихи, на глас 6:

Заўтра услыши глас мой, Царю́ мой и Бóже мой. *(Поклон великий)*

Лик: Заўтра услыши глас мой, Царю́ мой и Бóже мой.

Стих 1: Глаго́лы моя внуши́, Господи, разумѣ́й звáние моё. *(Поклон великий).*

Лик: Заўтра услыши глас мой, Царю́ мой и Бóже мой.

Стих 2: Я́ко к Тебѣ помолю́ся, Господи. *(Поклон великий).*

Лик: Заўтра услыши глас мой, Царю́ мой и Бóже мой.

Священник: Слáва Отцú, и Сыну, и Свято́му Дúху.

Чтец: И ны́не, и прísно, и во вéки веко́в. Ами́нь.

Что ты наречём, о Благодáтная? Не́бо, я́ко возсия́ла еси́ Сóлнце Пράвды. Рай, я́ко прозяблá еси́ Цвет Нетлѣния. Дѣву, я́ко

пребыла нетленна. Чистую Матерь, яко имела еси на святых Твоих объятиях Сына, всех Бога. Того моли спастися душам нашим.

Таже поем на оба лика:

Стопы моя направи по словеси Твоему, и да не обладает мною всякое беззаконие. *(Дважды.)*

Избави мя от клеветы человеческия, и сохрани заповеди Твоя. *(Дважды.)*

Лице Твое просвети на раба Твоего и научи мя оправданием Твоим. *(Дважды.)*

Да исполнятся уста моя хваления Твоего, Господи, яко да воспую славу Твою, весь день великолепие Твое. *(Трижды.)*

Посем: Трисвятное, по Отче наш:

Священник: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь:

Скоро предvari, прежде даже не поработимся врагом, хулящим Тя и претящим нам, Христэ Боже наш, погуби Крестом Твоим борющих нас, да уразумеют, како может православных вера, молитвами Богородицы, едины Человеколюбче.

Господи, помилуй. *(40 раз.)*

Иже на всякое время и на всякий час, на Небеси и на земли покланяемый, и славимый, Христэ Боже Долготерпеливе, Многомилостиве, Многоблагоутробне, Иже праведныя любяй и грешныя милуяй: Иже вся зовый ко спасению, обещания ради будущих благ. Сам, Господи, приими и наша в час сей молитвы, и исправи живот наш к заповедям Твоим: души наша освяти, телеса очисти, помышления исправи, мысли очисти и избави нас от всякия скорби, зол и болезней. Огради нас святыми Твоими ангелы, да ополчением их соблюдаемы и наставляемы, достигнем в соединение веры, и в разум неприступныя Твоея славы: яко благословен еси во веки веков. Аминь.

Господи, помилуй. *(Трижды.)*

Слава, и ныне: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Священник: Боже ущедри ны и благослови ны, просвети лице Твое на ны и помилуй ны.

Чтец: Аминь.

Таже священник глаголет молитву святого Ефрема:

Господи и Владыко живота моего, дух праздности, уныния, любоначалия и празднословия не даждь ми. *(Поклон великий.)*

Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. *(Поклон великий.)*

Таже малых 12, глаголюще в себе на кийждо поклон: Боже, очисти мя, грешного.

И паки: Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон един великий).*

Чтец: Аминь.

Посем чтец глаголет: Трисвятое, по Отче наш.

Священник: Яко Твое есть Царство и сила и слава Отца и Сына и Святого Духа, ныне и присно и во веки веков.

Чтец: Аминь.

Господи, помилуй. *(12 раз.)*

Таже священник молитву:

Христé, Свѣте Ёстинный, просвещáй и освящáй всякаго человéка, грядúщаго в мир, да знáменается на нас свет лица Твоегó, да в нем úзрим Свет непристúпный и испрáви стопы нáша к дѣланию заповедей Твоих, моли́твами Пречы́стия Твоея́ Мáтере и всех Твоихъ святыхъ. Ами́нь.

Лик: Взбрáнной Воево́де победительная, я́ко избáвльшеся от злых, благодарственная воспису́ем Ти, раби́ Твой, Бого-ро́дице; но я́ко имúщая держа́ву непобедíмую, от всяких нас бед свободí, да зове́м Ти: ра́дуйся, Невéсто Неневéстная.

Посем священник возглашает: Сла́ва Тебе́, Христé Бо́же, Упова́ние нáше, сла́ва Тебе́.

Лик: Сла́ва, и ны́не:

Го́споди, помíлуй. *(Трижды.)*

Благослови́.

Священник глаголет отпúст:

Христóс, Ёстинный Бог наш, моли́твами Пречы́стия Своея́ Мáтере, си́лою Честна́го и Животворя́щаго Крестá, свя́тых сла́вных и всехва́льных апóстол, *(святы́х хра́ма и дне)*, святы́х пра́ведных богооте́ц Иоакíма и А́нны, и всех святы́х, помíлуе и спасёт нас, я́ко благ и Человеколю́бец.

Лик: Вели́каго Господíна и отцá нашего (имя рек), Святéйшаго Патриáрха Моско́вскаго и всея́ Русí, и Господíна нашего, Преосвящённейшаго (имя рек), митрополíта (или: архиепископа, или: епископа) (титул его), бра́тию свята́го хра́ма сегó и вся правосла́вный христиáны, Го́споди, сохрани́ их на мно́гая лéта.

ПОСЛЕДОВАНИЕ ЧАСОВ в пяток первая седмицы

ЧАС ТРЕТИЙ

Священник: Благословѣн Бог наш всегда, ны́не и прѣсно, и во ве́ки веко́в.

Чтец: Ами́нь.

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше и́стины, Иже везде́ сый и вся исполня́й, Сокро́вище благи́х и жи́зни Пода́телю, прииди́ и всели́ся в ны, и очи́сти ны от вся́кия скве́рны, и спаси́, Бла́же, ду́ши на́ша.

Трисвято́е, по О́тче наш.

Священник: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прѣсно и во ве́ки веко́в.

Чтец: Ами́нь.

Го́споди, помѣлуй. *(12 раз.)*

Сла́ва, и ны́не:

Приидѣ́те, поклонѣ́мся Царе́ви на́шему Бо́гу.

Приидѣ́те, поклонѣ́мся и припаде́м Христу́, Царе́ви на́шему Бо́гу.

Приидѣ́те, поклонѣ́мся и припаде́м Само́му Христу́, Царе́ви и Бо́гу на́шему.

И псалмы: 16, 24, 50.

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́, не во устна́х льсти́вых. От лица́ Твоего́ судьба́ моя́ изы́дет, очи́ мой да ви́дита правоты́. Искусѣ́л еси́ се́рдце моё́, посети́л еси́ но́щию, иску́сил мя еси́, и не обрѣ́теся во мне непра́вда. Я́ко да не возглаго́луют уста́ моя́ дел челове́ческих, за словеса́ устѣн Твои́х аз сохрани́х пути́ жѣстоки. Соверши́ стопы́ моя́ во стезя́х Твои́х, да не подви́жутся стопы́ моя́. Аз воззва́х, я́ко услы́шал мя еси́. Бо́же. Приклони́ у́хо Твое́ мне и услы́ши глаго́лы моя́. Удиви́ ми́лости Твоя́,

спасаяя уповающыя на Тя, от противящихся деснице Твоей. Сохрани мя, Господи, яко зеницу ока, в крове крилу Твоею покрыеши мя. От лица нечестивых острастших мя: врази мой душу мою одержаша. Тук свой затвориша, уста их глаголаша гордыню. Изгоняющи мя ныне обидоша мя, очи свой возложиша уклонити на землю, Объяша мя яко лев готов на лов, и яко скімен обитаяй в тайных. Воскресни, Господи, предвари я, и запни им, избави душу мою от нечестиваго, оружие Твое от враг руки Твоея. Господи, от малых от земли раздели я в животё их, и сокровённых Твоих исполнися чрево их. Насытишася сынов и оставиша останки младёнцем своим. Аз же правдою явлюся лицу Твоему, насыщуся внегда явитимися славе Твоей.

К Тебе, Господи, воздвигох душу мою, Бóже мой, на Тя уповах, да не постыжуся во век, ниже да посмеютмися врази мой. Ибо вси терпящии Тя, не постыдятся, да постыдятся беззаконнующии вотще. Пути Твоя, Господи, скажи ми, и стезям Твоим научи мя. Настави мя на истину Твою и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благодости Твоея, Господи. Благ и прав Господь, сего ради законоположит согрешающим на пути. Наставит кроткия на суд, научит кроткия путём Своим. Все путіе Господни милость и истина, взыскающим завета Его и свидения Его. Ради Имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егоже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мой выну ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение моё, и труд мой, и остави

вся грехи моя. Виждь враги моя, яко умножишася и ненавидением неправедным возненавидеша мя. Сохрани душу мою и избави мя: да не постыжуся, яко уповах на Тя. Незлобивии и правии прилепляхуся мне, яко потерпех Тя, Господи; избави, Боже, Израйля от всех скорбей его.

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя. Яко беззаконие мое аз знаю, и грех мой предо мною есть вина. Тебе Единому согреших, и лукавое пред Тобою сотворих; яко да оправдишися во словесах Твоих, и победиши внегда судити Ти. Се бо в беззакониих зачат есмь, и во гресех роди мя мати моя. Се бо истину возлюбил еси, безвестная и тайная премудрости Твоея явил ми еси. Окропиши мя иссопом, и очышуся; омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отними от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

Слава, и ныне:

Аллилуиа, аллилуиа, аллилуиа, слава Тебе, Боже. (Трижды.)

Лик поет: Гóсподи, помíлуй. (Трижды.)

Слáва Отцú, и Сы́ну, и Свято́му Дúху.

Чтец: И ны́не, и прíсно, и во вéки веко́в. Ами́нь.

И читается кафисма 19-я.

Аллилу́ия, 134:

Хвали́те и́мя Гóсподне, хвали́те, раб́и Гóспода, стоя́щие во хра́ме Гóсподни, во двóрех до́му Бо́га на́шего. Хвали́те Гóспода, я́ко Благ Гóспо́дь, по́йте и́мени Его́, я́ко добро́: я́ко Иа́кова избра́ Себе́ Гóспо́дь, Изра́иля в достоя́ние Себе́. Я́ко аз позна́х, я́ко Ве́лий Гóспо́дь, и Гóспо́дь наш над все́ми бо́ги. Вся ели́ка восхоте́ Гóспо́дь, сотвори́ на небеси́ и на земли́, в моря́х и во всех бездна́х. Возводя́ обла́ки от послéдних земли́, молнии в дождь сотвори́, изводя́й вéтры от сокрови́щ Свои́х. И́же порази́ первенцы́ Египетския, от челове́ка до скота́. Посла́ зна́мения и чудеса́ посреде́ Тебе́, Египте, на фарао́на и на вся рабы́ его́. И́же порази́ язы́ки мно́ги и изб́и цар́и крéпки: Сиона́, цар́я Аморе́йска, и Ога, цар́я Васана́ска, и вся царств́ия Ханаа́нска, и даде́ зéмлю их достоя́ние, достоя́ние Изра́илю, лю́дем Свои́м. Гóсподи, и́мя Твое́ в век и па́мьять Твоя́ в род и род: я́ко суди́ти и́мать Гóспо́дь лю́дем Свои́м, и о рабéх Свои́х умо́лится. Идо́ли язы́к, серебро́ и зláто, дела́ рук челове́ческих. Уста́ имут, и не возлагóлют, о́чи имут, и не узрят, у́ши имут, и не услы́шат, ниже́ бо есть дух во устéх их. Подобни́ им да б́удут творя́щие я́, и вси наде́ющиеся на ня. До́ме Изра́илев, благослови́те Гóспода, до́ме Ааро́нь, благослови́те Гóспода, до́ме Левии́н, благослови́те Гóспода. Боя́щиеся Гóспода, благослови́те Гóспода. Благословéн Гóспо́дь от Сиона́, живы́й во Иерусали́ме.

Аллилу́ия, 135:

Испове́дайтесь Гóсподеви, я́ко благ, я́ко в век мило́сть Его́. Испове́дайтесь Бо́губого́в, я́ко в век мило́сть Его́. Испове́дайтесь Гóсподеви господей, я́ко в век мило́сть Его́. Сотвор́шему чу-

деса́ вѣлія еди́ному, я́ко в век мѣлость Его́. Сотвори́шему небеса́́ разумом, я́ко в век мѣлость Его́. Утверди́вшему зѣмлю на водах, я́ко в век мѣлость Его́. Сотвори́шему свети́ла вѣлія еди́ному, я́ко в век мѣлость Его́. Со́лнце во о́бласть дне, я́ко в век мѣлость Его́. Луну́ и звѣзды во о́бласть но́щи, я́ко в век мѣлость Его́. Порази́вшему Египта с пѣрвенцы его́, я́ко в век мѣлость Его́, и извед́шему Изра́иля от среды́ их, я́ко в век мѣлость Его́. Руко́ю крѣпкою и мы́шцею высо́кою, я́ко в век мѣлость Его́. Раздѣ́льшему Чермное́ море в разделѣ́ния, я́ко в век мѣлость Его́. И провед́шему Изра́иля посреде́ его́, я́ко в век мѣлость Его́. И истряс́шему фара́она и си́лу его́ в мо́ре Чермное́, я́ко в век мѣлость Его́. Провед́шему лю́ди Своя́ в пусты́ни, я́ко в век мѣлость Его́. Порази́вшему ца́ри вѣлія, я́ко в век мѣлость Его́, и уби́вшему ца́ри крѣ́пкия, я́ко в век мѣлость Его́: Си́она, ца́ря Аморре́йска, я́ко в век мѣлость Его́, и О́га, ца́ря Васанска, я́ко в век мѣлость Его́. И да́вшему зѣмлю их досто́яние, я́ко в век мѣлость Его́. Досто́яние Изра́илю, рабу́ Своему́, я́ко в век мѣлость Его́. Я́ко во смире́нии на́шем помяну́ ны Госпо́дь, я́ко в век мѣлость Его́. И изба́вил ны е́сть от враго́в на́ших, я́ко в век мѣлость Его́. Да́й пи́щу вся́кой плѣ́ти, я́ко в век мѣлость Его́. Испове́дайтесь Бо́гу Небе́сному, я́ко в век мѣлость Его́.

Дави́ду Иереми́ем, 136:

На река́х Вавило́нских, та́мо седо́хом и пла́кахом, внегда́ помяну́ти нам Си́она. На ве́рбїих посреде́ его́ обѣсѣхом о́рганы на́ша. Я́ко та́мо вопро́сиша ны плѣ́ншии нас о́ словеса́х пѣ́сней и ве́дшии нас о́ пѣ́нии: воспойте́ нам о́т пѣ́сней Сио́нских. Ка́ко воспоѣ́м пѣснь Госпо́дню на земли́ чужде́й? А́ще забуду́ тебе́, Иерусали́ме, забвѣ́на бу́ди десни́ца моя́. Прильпни́ язы́к мой гортани́ моему́, а́ще не помяну́ тебе́, а́ще не предложу́ Иерусали́ма, я́ко в нача́ле весе́лія моего́. Помяни́, Госпо́ди, сы́ны Едо́мския, в де́нь Иерусали́мль глаго́лющыя: истоща́йте,

истошайте до оснований его. Дщи Вавилоня окаянная, блажен иже воздаст тебе воздаяние твое, еже воздала еси нам. Блажен иже имеет и разбьет младенцы твои о камень.

Слава Отцу и Сыну и Святому Духу.

Лик: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды).

Господи, помилуй. (Трижды)

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом Давиду, Аггеа и Захарии, 137:

Исповемся Тебе, Господи, всем сердцем моим, и пред Ангелы воспою Тебе, яко услышал еси вся глаголы уст моих. Поклонюсь ко храму святому Твоему и исповемся имени Твоему о милости Твоей и истине Твоей, яко возвеличил еси над всем имя Твое святое. Воньже еще день призову Тя, скоро услыши мя: умножиши мя в души моей силою Твоею. Да исповедятся Тебе, Господи, вси царие земстии, яко услышаша вся глаголы уст Твоих, и да воспоют в путех Господних, яко велиа слава Господня, яко Высок Господь, и смиренные призирает, и высокая издалеча весть. Еще пойду посреде скорби, живиши мя, на гнев враг моих простерл еси руку Твою, и спасе мя десница Твоя. Господь воздаст за мя. Господи, милость Твоя во век, дел руку Твоею не презри.

В конец Давиду, псалом Захарии в разсееании, 138:

Господи, искусил мя еси и познал мя еси. Ты познал еси седание мое и востание мое. Ты разумел еси помышления моя издалеча: стезю мою и уже мое Ты еси изследовал, и вся пути моя провидел еси. Яко несть лести в языке моем: се, Господи, Ты познал еси. Вся последняя и древняя: Ты создал еси мя, и положил еси на мне руку Твою. Удивися разум Твой от мене,

утверди́ся, не возмо́гу к нему́. Ка́мо пойду́ от Ду́ха Твоего́? И от лица́ Твоего́ ка́мо бежу́? А́ще възы́ду на не́бо, Ты та́мо еси́, а́ще сни́ду во ад, та́мо еси́. А́ще возму́ криле́ мой рано́ и вселю́ся в послéдних мо́ря: и та́мо бо рука́ Твоя́ наста́вит мя и удержит́ мя десни́ца Твоя́. И рех: е́да тма поперéт мя, и но́щь просвещéние в сладости́ мое́й? Я́ко тма не помрачíteся от Тебе́, и но́щь, я́ко день, просветíteся, я́ко тма ея́, та́ко и свет ея́. Я́ко Ты создал еси́ утробы́ моя́, восприя́л мя еси́ из чре́ва ма́тере моея́. Испове́мся Тебе́, я́ко стра́шно удивил́ся еси́: чу́дна дела́ Твоя́, и ду́ша моя́ знаéт зело́. Не утай́ся кость моя́ от Тебе́, ю́же сотворил еси́ в тайне́, и со́став мой в преиспо́дних земли́. Несоде́ланное моё́ видесте́ очи́ Твои́, и в кни́зе Твое́й вси напи́шутся, во днех сози́ждутся и никто́же в них. Мне же зело́ чéстни бы́ша друзи́ Твои́, Бо́же, зело́ утверди́шася вла́дычества́ их. Изочту́ их, и па́че песка́ умно́жатся; воста́х, и ещё́ есмь с Тобо́ю. А́ще избиéши грéшники, Бо́же, му́жие крове́й, уклонíteся от мене́. Я́ко ревни́ви естé в помышлéниях, прииму́т в суету́ гра́ды Твоя́. Не ненави́дящыя ли Тя, Го́споди, возненави́дех, и о вразéх Твои́х истая́х? Соверше́нною ненави́стию возненави́дех я́, во враги́ бы́ша ми. Иску́си́ мя, Бо́же, и увéждь се́рдце моё́, истя́жи́ мя и разуме́й стези́ моя́, и ви́ждь, а́ще путь беззако́ния во мне, и наста́ви мя на путь́ вéчен.

В ко́нec, псалóм Дави́ду, 139:

Изми́ мя, Го́споди, от челове́ка лука́ва, от му́жа непра́ведна изба́ви мя, и́же помы́слиша непра́вду в се́рдце, весь день ополча́ху брани́, изостри́ша язы́к свой, я́ко зми́ин, яд аспидов под устна́ми их. Сохрани́ мя, Го́споди, из руки́ грéшници, от челове́к непра́ведных изми́ мя, и́же помы́слиша за́пяти стопы́ моя́. Скры́ша го́рдии сеть́ мне, и у́жы препя́ша сеть́ но́гама́ мои́ма. При стези́ собла́зны положи́ша ми. Рех Го́сподеви: Бог мой еси́ Ты, внуши́, Го́споди, глас мо́ления моего́. Го́споди, Го́споди, си́ло спасéния моего́, осени́л еси́ над главо́ю мое́ю

в день брани. Не предаждь мене, Господи, от желанія моего грѣшнику: помыслиша на мя, не остави мене, да не когда вознесутся. Глава окруженія их, труд устен их покрѣетъ я. Падутъ на нихъ угля огненная, низложѣши я въ страстехъ, и не постоятъ. Мужъ языченъ не исправится на земли: мужа неправедна злая уловятъ во истлѣние. Познахъ, яко сотворитъ Господь судъ нищымъ и мечь убогимъ. Обаче праведнии исповѣдятся имени Твоему, и вселятся правии съ лицемъ Твоимъ.

Слава Отцу и Сыну и Святому Духу.

Лик: И ныне и присно и во веки вековъ. Аминь.

Аллилуиа, аллилуиа, аллилуиа, слава Тебѣ Боже. (*Трижды*).

Господи, помилуй. (*Трижды*)

Слава Отцу и Сыну и Святому Духу.

Чтец: И ныне и присно и во веки вековъ. Аминь.

Псаломъ Давиду, 140:

Господи, воззвахъ къ Тебѣ, услыши мя: вонми гласу моленія моего, внемли воззвати ми къ Тебѣ. Да исправится молитва моя, яко кадило предъ Тобою, воздеяніе руку моею жертва вечерняя. Положи, Господи, храненіе устомъ моимъ, и дверь огражденія о устнахъ моихъ. Не уклони сердце мое въ словеса лукавствія, не щевати вины о грѣсехъ, съ человеки ділающими беззаконіе, и не сочтуса со избранными ихъ. Накажетъ мя праведникъ милостию и обличитъ мя, елей же грѣшнаго да не намаститъ главы моея, яко еще и молитва моя во благоволеніихъ ихъ. Пожертвы быша при камени судий ихъ: услышатся глаголы мои, яко возмогоса. Яко толща земли просѣдеса на земли, расточишася кости ихъ при аде. Яко къ Тебѣ, Господи, Господи, очи мои: на Тя уповахъ, не отыми душу мою. Сохрани мя отъ сѣти, юже составиша ми, и отъ соблазнъ ділающихъ беззаконіе. Падутъ во мрежу свою грѣшницы: единъ есмь азъ, дондеже преиду.

**Разума Давиду, внемди́ быти ему́
в вертепе молящемуся, 141:**

Гласом моим ко Господу воззвах, гласом моим ко Господу помолихся. Пролию пред Ним моление мое, печаль мою пред Ним возведу. Внемди исчезати от мене духу моему: и Ты познал еси стези моя: на пути сем, по немуже хождах, скривша сеть мне. Смотрях одесную и взглядах, и не бе зная мене: погнѣ бѣгство от мене, и несть взыскай душу мою. Воззвах к Тебѣ, Господи, рех: Ты еси упование мое, часть моя еси на земли живых. Вонми молению моему, яко смирихся зело, избави мя от гонящих мя, яко укрепишася паче мене. Изведи из темницы душу мою, исповѣдаться имени Твоему. Мене ждут праведницы, дондеже воздаси мне.

**Псалом Давиду,
егда гоняше его Авессалом, сын его, 142:**

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил еси в землю живот мой, посадил мя еси в темных, яко мертвыя века. И уны во мне дух мой, во мне смятеся сердце мое. Помянух дни древния, поучихся во всех делех Твоих, в творениих руку Твоею поучахся. Воздох к Тебѣ рече мой, душа моя, яко земля безводная Тебѣ. Скоро услыши мя, Господи, исчезе дух мой, не отврати лица Твоего от мене, и уподоблюся низходящему в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебѣ взях душу мою. Изми мя от враг моих, Господи, к Тебѣ прибегох. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Чтец: Сла́ва Отцу́ и Сы́ну и Свято́му Ду́ху и ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды).*

Го́споди, поми́луй. *(Трижды).*

Посём священник, став пред ца́рскими дверьми́, глаголет настоящий тропа́рь со стихи́, во глас б:

Го́споди, И́же Пресвята́го Твоего́ Ду́ха в тре́тий час апосто́лом Твои́м низпосла́вый: Того́, Благо́й, не оты́ми от нас, но обнові́ нас, моля́щих Ти ся. *(Поклон великий.)*

Лик: Го́споди, И́же Пресвята́го Твоего́ Ду́ха в тре́тий час апосто́лом Твои́м низпосла́вый: Того́, Благо́й, не оты́ми от нас, но обнові́ нас, моля́щих Ти ся.

Стих 1: Сёрдце чисто сози́жди во мне, Бо́же, и дух прав обнові́ во утробе моёй. *(Поклон великий.)*

Лик: Го́споди, И́же Пресвята́го Твоего́ Ду́ха в тре́тий час апосто́лом Твои́м низпосла́вый: Того́, Благо́й, не оты́ми от нас, но обнові́ нас, моля́щих Ти ся.

Стих 2: Не отвёржи мене́ от лица́ Твоего́ и Ду́ха Твоего́ Свята́го не оты́ми от мене́. *(Поклон великий.)*

Лик: Го́споди, И́же Пресвята́го Твоего́ Ду́ха в тре́тий час апосто́лом Твои́м низпосла́вый: Того́, Благо́й, не оты́ми от нас, но обнові́ нас, моля́щих Ти ся.

Священник: Сла́ва Отцу́, и Сы́ну, и Свято́му Ду́ху.

Чтец: И ны́не: Богорі́дице, Ты еси́ Лоза́ істинная, возра́стившая нам Плод живота́: Тебе́ мо́лимся, моли́ся, Влады́чице, со святы́ми апосто́лы, поми́ловати ду́шы на́ша.

Госпо́дь Бог благослове́н, благослове́н Госпо́дь день дне, поспеші́т нам Бог спасе́ний на́ших: Бог наш— Бог спаса́ти.

Трисвято́е, по О́тче наш.

Священник возглас: Яко́ Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и прісно и во ве́ки веко́в.

Чтец: Ами́нь.

Благословѣн еси́, Христѣ́ Бóже наш, И́же премудры ловцы́ явлѣй, низпослав им́ Духа́ Свята́го, и те́ми уловѣй вселѣнную. Человеколю́бче, сла́ва Тебе́.

Сла́ва Отцу́, и Сы́ну, и Свято́му Ду́ху.

Ско́рое и извѣстное даждь утѣше́ние рабо́м Твои́м, Иису́се, внигда́ уныва́ти духо́м на́шим, не разлуча́йся от душ на́ших в ско́рбех, не удаля́йся от мы́слей на́ших во обстоя́ниих: но при́сно нас предва́ри. Приб́лижися нам, приб́лижися, вездѣ́ сый, я́коже со апо́столы Твои́ми все́гда еси́, си́це и Тебе́ жела́ющим соедини́ Себе́, Ще́дре, да совоку́плени Тебе́ поём и славосло́вим Всесвята́го Ду́ха Твоего́.

И ны́не, и при́сно, и во ве́ки веко́в. Ами́нь.

Наде́жда, и Предста́тельство, и Прибе́жище христиа́н, Необо́римая Стена́, изнемога́ющим приста́нище небу́рное Ты еси́, Богоро́дице Пречи́стая: но я́ко мир спаса́ющая непреста́нную Твоею́ моли́твою, помяни́ и нас, Де́во Всепе́тая.

Го́споди, поми́луй. (40 раз.)

И́же на вся́кое вре́мя и на вся́кий час, на Небеси́ и на земли́ покланя́емый и сла́вимый Христѣ́ Бóже, Долготерпели́ве, Многоми́лостиве, Многоблаготро́бне, И́же пра́ведныя любя́й и грѣшныя ми́луй: И́же вся зовы́й ко спаса́нию, обеща́ния ра́ди бу́дущих благ: Сам, Го́споди, приими́ и на́ша в час сей моли́твы, и испра́ви живо́т наш к за́поведем Твои́м: ду́шы на́ша освяти́, телеса́ очисти́, помышле́ния испра́ви, мы́сли очисти́, и изба́ви нас от вся́кия ско́рби, зол и боле́зней. Огради́ нас святы́ми Твои́ми а́нгелы, да ополче́нием их соблюда́ем и наставля́ем, дости́гнем в соединѣ́ние ве́ры, и в ра́зум непристу́пныя Твоея́ сла́вы: я́ко благословѣ́н еси́ во ве́ки веко́в. Ами́нь.

Го́споди, поми́луй. (Трижды.)

Сла́ва, и ны́не: Честне́йшую Херувим́ и Сла́внейшую без сравне́ния Серафим́, без ислѣ́ния Бóга Сло́ва ро́ждшую, су́щую Богоро́дицу, Тя велича́ем.

И́менем Госпо́дним благослови́, о́тче.

Священник: Бо́же, уще́дри ны́, благослови́ ны́, просвети́ лице́ Твое́ на ны́ и поми́луй ны́.

Чтец: Ами́нь.

Священник: Го́споди и Влады́ко животá моего́, дух прáздности, уны́ния, любонача́лия и праздносло́вия не даждь ми. *(Поклон великий.)*

Дух же целому́дрия, смиренному́дрия, терпе́ния и любве́ да́руй ми, рабу́ Твоему́. *(Поклон великий.)*

Ей, Го́споди Царю́, да́руй ми зрети́ моя́ прегрешéния и не осужда́ти бра́та моего́, я́ко благословéн еси́ во ве́ки веко́в. Ами́нь. *(Поклон великий.)*

Таже малых 12, глаголюще в себе на кийждо поклон: Бо́же, очисти́ мя, грéшнаго.

И паки: Го́споди и Влады́ко животá моего́, дух прáздности, уны́ния, любонача́лия и праздносло́вия не даждь ми.

Дух же целому́дрия, смиренному́дрия, терпе́ния и любве́ да́руй ми, рабу́ Твоему́.

Ей, Го́споди Царю́, да́руй ми зрети́ моя́ прегрешéния и не осужда́ти бра́та моего́, я́ко благословéн еси́ во ве́ки веко́в. *(И поклон един великий.)*

Чтец: Ами́нь.

И молитву: Влады́ко Бо́же, О́тче Вседержи́телю, Го́споди, Сы́не Единоро́дный, Иису́се Христé, и Святы́й Ду́ше, Еди́но Божество́, Еди́на Си́ла, поми́луй мя, грéшнаго, и и́миже ве́си судьба́ми, спаси́ мя́, недостойнаго раба́ Твоего́, я́ко благословéн еси́ во ве́ки веко́в. Ами́нь.

ЧАС ШЕСТЫЙ

Приидіте, поклонімся Царéви на́шему Бо́гу.

Приидіте, поклонімся и припадём Христу́, Царéви на́шему Бо́гу.

Приидіте, поклонімся и припадём Самому́ Христу́, Царéви и Бо́гу на́шему.

Таже псалмы: 53, 54, 90.

Бо́же, во Ёмя Твоё спаси́ мя, и в си́ле Твоёй суди́ ми. Бо́же, услы́ши моли́тву мою́, внуши́ глаго́лы уст мо́их. Я́ко чужди́и воста́ша на мя́, и кре́пцыи взыска́ша ду́шу мою́, и не предложи́ша Бо́га пред собо́ю. Се бо Бог помога́ет ми́, и Госпо́дь Засту́пник ду́ш моёй. Отврати́т злая врагом мо́им, и́стиною Тво́ею потреби́ их. Во́лею пожру́ Тебе́, испове́мся Ёмени Тво́ему́, Го́споди, я́ко бла́го. Я́ко от всяки́ печáли изба́вил мя еси́, и на враги́ моя́ воззре́ око́ моё.

Внуши́, Бо́же, моли́тву мою́, и не прёзри моле́ния моего́. Вонми́ ми́ и услы́ши мя́, возскорбёх печáлию мою́, и смято́хся от гла́са вра́жия, и от стужёния грёшника. Я́ко уклони́ша на мя́ беззакóние, и во гнёве враждова́ху ми́. Сёрдце моё смяте́ся во мнё, и боя́знь сме́рти нападе́ на мя́. Страх и трéпет при́иде на мя́, и покрý мя́ тьма. И рех: кто даст ми́ криле́ я́ко голуби́не, и полещу́, и почи́ю? Се удали́хся, бе́гая, и водвори́хся в пусты́ни. Ча́ях Бога спаса́ющего мя́ от малоду́шия и от бу́ри. Потопи́, Го́споди, и раздели́ язы́ки их, я́ко ви́дех беззакóние, и пререка́ние во гра́де. Днем и но́щию обы́дет и по стена́м его́. Беззакóние, и труд посреде́ его́ и неправда. И не оскуде́ от стогн его́ ли́хва и лесть. Я́ко а́ще бы́ враг поноси́л ми́, терпе́л бых у́бо, и а́ще бы ненави́дая мя́ на мя́ велерече́вал, укры́л бых ся от него́. Ты же, челове́че равноду́шне, влады́ко мой, и зна́емый мой, и́же кúпно наслажда́лся еси́ со мно́ю бра́шен, в дому́ Божий ходи́хом единомы́шлением. Да при́идет же смерть на ня́, и да сні́дут во ад жи́ви, я́ко лука́вство в

жилищах их, посреде их. Аз к Богу возвах, и Господь услыша мя. Вечер, и завтра, и полудне повем и возвещу, и услышит глас мой. Избавит миром душу мою, от приближающихся мне: яко во мнозе бяху со мною. Услышит Бог, и смирит я, сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши я в студенец истеления. Мужие кровей и лсты, не преполовят дней своих: аз же, Господи, уповаю на Тя.

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи, и от словеса мятежна. Плещма Своима осенит тя, и под криле Его надеешися. Оружием обыдет тя истина Его, не убоишися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоей тысяща, и тма одесную тебе, к тебе же не приблизится. Обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не приидет к тебе зло, и рана не приблизится телеси твоему. Яко ангелом Своим заповесть о тебе, сохранити тя во всех путех твоих. На руках возмут тя, да не когда преткнеша о камень ногу твою. На аспида и василиска наступиши, и попереши льва и змия. Яко на Мя уповаю, и избавлю и, покрыю и, яко позна имя Моё. Воззовет ко Мне, и услышу его: с ним есмь в скорби, изму его, и прославлю его. Долготю дней исполню его, и явлю ему спасение Моё.

Слава, и ныне:

Аллилуиа, аллилуиа, аллилуиа, слава Тебе, Боже. (Трижды.)

Лик: Господи, помилуй. (Трижды.)

Слава Отцу, и Сыну, и Святому Духу.

Чтец: И ныне, и присно, и во веки веков. Аминь.

И читается кафисма 20-я.

Псалом Давиду, к Голиафу, 143:

Благословен Господь Бог мой, научаяй рuce мой на ополчение, персты моя на брань. Милость моя и прибежище мое, Заступник мой и Избавитель мой, Защититель мой, и на Него уповах: повинуй люди моя под мя. Господи, что есть человек, яко познался еси ему? Или сын человець, яко вменяеши его? Человек суете уподобися: дние его яко сень преходят. Господи, приклони небеса, и сниди, коснися горам, и воздыматся. Блесни молнию, и разженеши я, послй стрелы Твоя, и смятеши я. Послй руку Твою с высоты, изми мя и избави мя от вод многих, из руки сынов чуждих, ихже уста глаголаша суету, и десница их – десница неправды. Боже, песнь нову воспою Тебе, во псалтири десятиструннем пою Тебе, дающему спасение царем, избавляющему Давида, раба Своего, от меча люта. Избави мя, и изми мя из руки сынов чуждих, ихже уста глаголаша суету, и десница их – десница неправды. Ихже сынове их яко новосаждения водруженная в юности своей. Дщери их удобрены, преукрашены, яко подобие храма. Хранилища их исполнена, отрыгающая от сего в сие, овцы их многоплодны, множащияся во исходящих своих, волове их толсти. Несть падения оплоту, ниже прохода, ниже вопля в стогах их. Ублажиша люди, имже сия суть. Блажены людие, имже Господь Бог их.

Хвала Давиду, 144:

Вознесу Тя, Боже мой, Царю мой, и благословлю имя Твое в век и в век века. На всяк день благословлю Тя и восхвалю имя Твое в век и в век века. Велий Господь и хвален зело,

и величію Его несть конца. Род и род восхвалят дела Твоя и силу Твою возвестят. Великолѣпіе славы святыни Твоея возглаголют и чудеса Твоя поведают. И силу страшных Твоих рекут и величіе Твое поведают. Память множества благодости Твоея отрыгнут и правдою Твоею возрадуются. Щедр и Милостив Господь, Долготерпелив и Многомилостив. Благ Господь всяческим, и щедроты Его на всех делах Его. Да исповедятся Тебе, Господи, вся дела Твоя, и преподобнии Твои да благословят Тя. Славу Царствия Твоего рекут, и силу Твою возглаголют, сказать сыновомъ человеческимъ силу Твою, и славу великолѣпія Царствия Твоего. Царство Твое, Царство всехъ вѣковъ, и владычество Твое во всякомъ родѣ и родѣ. Вѣрен Господь во всехъ словесахъ Своихъ и Преподобенъ во всехъ делахъ Своихъ. Утверждаетъ Господь вся низпадающыя и возставляетъ вся низверженныя. Очи всехъ на Тя уповаютъ, и Ты даеши имъ пищу во благовремени. Отверзаеши Ты руку Твою и исполняеши всякое животно благоволенія. Праведенъ Господь во всехъ путехъ Своихъ и Преподобенъ во всехъ делахъ Своихъ. Близъ Господь всемъ призывающимъ Его, всемъ призывающимъ Его во истинѣ. Волю боящихся Его сотворитъ и молитву ихъ услышитъ и спасетъ я. Хранитъ Господь вся любящыя Его и вся грѣшники потребитъ. Хвалу Господню возглаголютъ уста моя, и да благословитъ всяка плоть имя святое Его в вѣк и в вѣк вѣка.

Слава Отцу и Сыну и Святому Духу.

Лик: И ныне и присно и во веки вѣковъ. Аминь.

Аллилуиа, аллилуиа, аллилуиа, слава Тебѣ Боже. (Трижды). Господи, помилуй. (Трижды).

Слава Отцу и Сыну и Святому Духу.

Чтец: И ныне и присно и во веки вѣковъ. Аминь.

Аллилуия, Аггеа и Захарии, 145:

Хвали, душе моя, Господа. Восхваляю Господа в животѣ моемъ, пою Богу моему, дондеже есмь. Не надейтесь на князи,

на сыны человеческия, в нихже несть спасения. Изыдет дух его и возвратится в землю свою. В той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженные. Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.

Аллилуия, 146:

Хвалите Господа, яко благ псалом. Богови нашему да усладится хваление. Зиждай Иерусалима Господь, разсеяния Израилева соберет. Исцеляя сокрушенные сердцем и обязуя сокращения их. Исчитаай множество звезд и всем им имена нарицаая. Велий Господь наш, и велия крепость Его, и разума Его несть числа, Приемляй краткия Господь, смираяя же грешники до земли. Начните Господеву во исповедании, пойте Богови нашему в гуслах. Одевающему небо облаки, уготовляющему земли дождь, прозябающему на горах траву и злак на службу человеком, дающему скотом пищу их, и птенцем врановым призывающим Его. Не в силе констей восхощет, ниже в листьях мужеских благоволит. Благоволит Господь в боящихся Его и во уповающих на милость Его.

Аллилуия, Аггеа и Захарии, 147:

Похвали, Иерусалиме, Господа, хвали Бога Твоего, Сионе, яко укрепил верей врат Твоих, благослови сыны твоя в тебе. Полагая пределы Твоя мир, и тука пшенична насыщая тя. Посылая слово Свое земли, до скорости течет слово Его, дающего снег Свой, яко волну, мглу, яко пепел, посыпающего, метающего голодь Свой, яко хлеба. Противу лица мразя Его кто постоит? Послет слово Свое, и истает я, дхнет дух Его, и

потекѹт воды. Возвещая́ слово Своё́ Иа́кову, оправда́ния и судьбы́ Своя́ Изра́илеви. Не сотвори́ тако́ всякому́ язы́ку, и судьбы́ Своя́ не яви́ им.

Сла́ва Отцу́ и Сы́ну и Свято́му Ду́ху.

Лик: И ны́не и прісно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (*Трижды*). Го́споди, поми́луй. (*Трижды*).

Сла́ва Отцу́ и Сы́ну и Свято́му Ду́ху.

Чтец: И ны́не и прісно и во ве́ки веко́в. Ами́нь.

Аллилу́ия, Агге́а и Заха́рии, 148:

Хвали́те Го́спода с небе́с, хвали́те Его́ в вы́шних. Хвали́те Его́, вси А́нгели Его́, хвали́те Его́, вся си́лы Его́. Хвали́те Его́, со́лнце и луна́, хвали́те Его́, вся зве́зды и свет. Хвали́те Его́ Небеса́ небе́с и вода́, я́же превы́ше небе́с. Да восхва́лят и́мя Господне́: я́ко Той рече́, и бы́ша, Той повеле́, и созда́шася. Поста́ви я́ в век и в век ве́ка, повеле́ние положи́, и не ми́мо идет. Хвали́те Го́спода от земли́, змие́ве и вся бе́здны: огонь, град, снег, го́лоть, дух бу́рен, творя́щая сло́во Его́, го́ры и вси хо́лми, древа́ плодоно́сна и вси ке́дри, зве́рие и вси ско́ти, га́ди и пти́цы перна́ты. Ца́рие зе́мстии и вси лю́дие, кня́зи и вси суди́и зе́мстии, ю́ноши и де́вы, ста́рцы с ю́нотами да восхва́лят и́мя Господне́, я́ко вознесе́ся и́мя Того́ Еди́наго, испове́дание Его́ на земли́ и на небеси́. И вознесёт рог люде́й Свои́х, песнь всем преподо́бным Его́, сыно́вом Изра́иловым, лю́дем, приближа́ющимся Ему́.

Аллилу́ия, 149:

Воспо́йте Господеви́ песнь но́ву, хвале́ние Его́ в це́ркви преподо́бных. Да возвесели́тся Изра́иль о Сотвор́шем его́, и сы́нове Сио́ни возра́дуются о Царе́ своём. Да восхва́лят и́мя Его́ в лице́, в тимпа́не и псалти́ри да пою́т Ему́. Я́ко благоволи́т Господь в лю́дех Свои́х, и вознесёт кро́ткия во спасе́ние.

Восхваля́ются преподо́бнии во сла́ве и возра́дуются на ло́жах своих. Возноше́ния Бо́жия в горта́ни их, и мечи́ обою́ду остры́ в руках их: сотвори́ти отмще́ние во язы́цах, обличе́ния в лю́дех, связа́ти ца́ри их пу́ты, и сла́вныя их ручны́ми о́ковы желе́зными, сотвори́ти в них суд напи́сан. Сла́ва сия́ бу́дет всем преподо́бным Его́.

Аллилу́ия, 150:

Хвали́те Бо́га во святы́х Его́, хвали́те Его́ во утвержде́нии си́лы Его́. Хвали́те Его́ на си́лах Его́, хвали́те Его́ по мно́жеству вели́чества Его́. Хвали́те Его́ во гласе́ тру́бнем, хвали́те Его́ во псалти́ри и гу́слех. Хвали́те Его́ в тимпа́не и ли́це, хвали́те Его́ во стру́нах и орга́не. Хвали́те Его́ в кимва́лах доброгласных, хвали́те Его́ в кимва́лах восклицáния. Вся́кое дыха́ние да хва́лит Го́спода.

Чтец: Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (*Трижды*).

Го́споди, помилуй. (*Трижды*).

По кафисме священник, став пред царскими дверьми, глаголет настоящий тропарь со стихи, во глас 2:

И́же в шесты́й день же и час, на Кресте́ пригвожде́й в рай дерзнове́нный Адамов грех, и согреше́ний на́ших рукописа́ние раздери́, Христé Бо́же, и спаси́ нас. (*Поклон великий*)

Лик: И́же в шесты́й день же и час, на Кресте́ пригвожде́й в рай дерзнове́нный Адамов грех, и согреше́ний на́ших рукописание раздери́, Христé Бо́же, и спаси́ нас.

Стих 1: Внуши́, Бо́же, моли́тву мою́, и не прэ́зри молéния моего́. (*Поклон великий*)

Лик: И́же в шесты́й день же и час, на Кресте́ пригвожде́й в рай дерзнове́нный Адамов грех, и согреше́ний на́ших рукописание раздери́, Христé Бо́же, и спаси́ нас.

Стих 2: Аз к Богу воззвах, и Господь услыша мя. (*Поклон великий*).

Лик: Иже в шестый день же и час, на Кресте пригвождён в рай дерзновенный Адамов грех, и согрешений наших рукописание раздери, Христё Божё, и спаси нас.

Священник: Слава Отцу, и Сыну, и Святому Духу.

Чтец: И ныне и присно и во веки веков. Аминь.

Яко не имамы дерзновения за премногия грехи наша, Ты иже от Тебё рождагося моли, Богородице Дево, много бо может моление Матернее ко Благосердию Владыки, не презри грешных мольбы, Всечистая, яко Милостив есть и спасти могый, иже и страдати о нас изволивый.

Чтец: Тропарь пророчества, глас пятый:

Многогреховное наше житие, и непокаянный нрав щедротами предвари, Господи, разве бо Тебё иного не ве́мы, животом и смертию владычествующа, спаси́ яко Человеколюбец.

Слава, и ныне: Многогреховное наше житие, и непокаянный нрав щедротами предвари, Господи, разве бо Тебё иного не ве́мы, животом и смертию владычествующа, спаси́ яко Человеколюбец.

Священник: Вонмем.

Чтец: Прокимен, глас седьмой:

Возлюблю́ Тя, Господи, крепосте моя́, Господь утверждение моё.

Лик: Возлюблю́ Тя, Господи, крепосте моя́, Господь утверждение моё.

Чтец стих: Бог мой, помощник мой.

Лик: Возлюблю́ Тя, Господи, крепосте моя́, Господь утверждение моё.

Чтец: Возлюблю́ Тя, Господи, крепосте моя́.

Лик поет: Господь утверждение моё.

Священник: Премудрость.

Чтец: Пророчества Исаиина чтение (3, 1 – 14).

Священник: Вонмем.

Чтец: Се Влады́ка Госпо́дь Савао́ф оты́мет от Иерусали́ма и от Иуде́и крѣпкаго, и крѣпкую, крѣпость хлѣба, и крѣпость воды. Исполина, и крѣпкаго, и челове́ка ратника, и судию, и проро́ка, и смотреливаго, и ста́рца. И пятьдесятона́чальника, и дивнаго сове́тника, и премудраго архите́ктона, и разу́мнаго послушателя. И поставлю́ юноши князи их, и ругатели́ господствовати бу́дут ими. И напа́дати имут лю́дие, челове́к на челове́ка, и челове́к на бли́жняго своего́: прирази́тся отроча́ к ста́рцу, и безче́стный к че́стному. Я́ко имется челове́к брата́ своего́, или́ дома́шняго отца́ своего́, глаго́ля: ризу́ имаша, началово́ждь нам бу́ди, и бра́шно моё под тобо́ю да бу́дет. И отве́щав в де́нь о́ный рече́т: не бу́ду твой началово́ждь, несть бо в до́мѣ моём ни хлѣба, ни ризы: не бу́ду началово́ждь лю́дем сим. Я́ко оста́влен бысть Иерусали́м и Иуде́я паде́, и язы́к их со беззако́нием, не по́каряются Го́сподеви. Сего́ ра́ди ны́не смири́ся сла́ва их, и студ ли́ца их проти́ву ста им: грех же свой я́ко Содо́мский возвести́ша, и яви́ша. Го́ре ду́ши их, зане́ умы́слиша сове́т лука́вый на себѣ са́мих. Ре́кше: свя́жем пра́веднаго, я́ко непотре́бен нам е́сть: у́бо пло́ды дел сво́их сне́дят. Го́ре беззако́нному, лука́вая бо при́ключатся ему́ по делом ру́к его́. Лю́дие мои́, приста́вницы ва́ши пожи́нают вас, и истяза́ющии обла́дают ва́ми: лю́дие мои́, блажа́щии вас льста́т вы, и сте́зи ног ва́ших возму́щают. Но ны́не устро́ится Госпо́дь на суд, и поста́вит на суд лю́ди Сво́я. Сам Госпо́дь на суд при́идет со ста́рейшины лю́дей, и с кня́зи их.

Священник: Вонмем.

Чтец: Прокі́мен, глас шесты́й:

Го́споди, Помо́щниче мой, и Изба́вителю мой.

Лик: Го́споди, Помо́щниче мой, и Изба́вителю мой.

Чтец: Небеса́ пове́дают сла́ву Бо́жью.

Лик: Го́споди, Помо́щниче мой, и Изба́вителю мой.

Чтец: Господи, Помощниче мой.

Лик: и Избавителю мой.

Чтец: Скоро да предварят ны щедроты Твоя, Господи, яко обнищанием зело. Помози нам, Боже, Спасе наш: славы ради Имене Твоего, Господи, избави нас и очисти грехи наша, Имене ради Твоего.

Трисвятое, по Отче наш:

Священник, возглас: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Также глаголем тропари:

Спасение соделал еси посреде земли, Христэ Боже, на Кресте пречистей рuce Твоей простерл еси, собирая вся языки, зовущия: Господи, слава Тебе.

Слава: Пречистому Образу Твоему поклоняемся, Благий, просяще прощения прегрешений наших, Христэ Боже: волею бо благоволил еси плотию взыти на Крест да избавиши, яже создал еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

И ныне: Препрославлена еси, Богородице Дево, поем Тя: Крестом бо Сына Твоего низложися ад, и смерть умертвися, умерщвлении востаном, и живота сподобихомся, рай восприяхом, древнее наслаждение. Тем благодаряще, славословим яко державнаго Христа Бога нашего, и единого Многоимлостиваго.

Господи, помилуй. (40 раз.)

Иже на всякое время, и на всякий час, на Небеси и на земли поклоняемый и славимый Христэ Боже, Долготерпеливе, Многоимлостиве, Многоблагоутробне, иже праведныя любя и грешныя милуя: иже вся зовы и ко спасению, обещания ради будущих благ: Сам, Господи, приими и наша в час сей молитвы, и исправи живот наш к заповедем Твоим: души

наша освяти, телеса очисти, помышления исправи, мысли очисти, и избави нас от всякия скорби, зол и болезней. Огради нас святыми Твоими ангелы, да ополчением их соблюдаемы и наставляемы, достигнем в соединение веры, и в разум непреступныя Твоея славы: яко благословен еси во веки веков. Аминь.

Господи, помилуй. *(Трижды.)*

Слава, и ныне: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Священник: Боже, ущедри ны, и благослови ны, просвети лице Твое на ны, и помилуй ны.

Чтец: Аминь.

Посем священник глаголет молитву святого Ефрема:

Господи и Владыко живота моего, дух праздности, уныния, любоначалия и празднословия не даждь ми. *(Поклон великий.)*

Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. *(Поклон великий.)*

Также малых 12, глаголюще в себе на кийждо поклон: Боже, очисти мя, грешного.

И паки: Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон один великий.)*

Чтец же глаголет: Аминь.

Бóже и Гóсподи Сил и всея твáри Содéтелю, íже за милосéрдие безприклáдных мýлости Твоéй, Единорóднаго Сы́на Твоегó, Гóспода нáшего Иису́са Христа́ низпослáвый на спасéние рóда нáшего и Честнýм Егó Крестóм рукописáние грех нáших растерзáвый и победíвый тем начáла и влáсти тьмы: Сам, Влады́ко Человеколю́бче, приими́ и нас, грéшных, благодарственные сия́ и моле́бныя моли́твы, и избáви нас от всякаго всегуби́тельного и мрачнаго прегрешéния, и всех озлóбити нас и́щущих ви́димых и неви́димых враг. Пригвозди́ стра́ху Твоемý плóти нáша и не уклони́ серде́ц нáших во словеса́ или помышлéния лука́вствия, но любóвию Твоею уязви́ ду́шы нáша: да, к Тебé всегда́ взира́юще и е́же от Тебé свéтом наставля́еми, Тебé, Непристу́пнаго и Присносу́щнаго зря́ще Свёта, непрестáнное Тебé исповéдание и благодарéние возсыла́ем, Безначáльному Отцу́ со Единорóдным Твои́м Сы́ном, и Всесвяты́м, и Благи́м, и Животворя́щим Твои́м Ду́хом, ны́не, и прýсно, и во ве́ки ве́ков. Ами́нь.

ЧАС ДЕВЯТЫЙ

Приидите, поклонимся Царéви нáшему Бóгу.

Приидите, поклонимся и припадём Христу́ Царéви нáшему Бóгу.

Приидите, поклонимся и припадём Самомý Христу́, Царéви и Бóгу нáшему.

Таже псалмы: 83, 84, 85:

Коль возлю́бленна селéния Твоя́, Гóсподи силъ Желáет и скончава́ется ду́ша моя́ во двorý Господни, се́рдце моё и плоть моя́ возрадовастася о Бóзе живe. И́бо птица обрéте себе́ храмину, и гóрлица гнездó себе́, иде́же положит птенцы́ своя́, олтари́ Твоя́, Гóсподи сил, Царю́ мой и Бóже мой. Блажéни живу́щие в домý Твоём, в ве́ки ве́ков восхва́лят Тя. Блажён муж, е́му́же есть заступлéние егó у Тебé; восхождéния в се́рдце

своём положи, во юдо́ль плачѣвную, в мѣсто е́же положи, ибо благословѣ́ние даст законополагая́й. Пойдут от си́лы в си́лу: явится Бог бого́в в Сионе. Го́споди Бо́же сил, услы́ши моли́тву мою́, внуши́, Бо́же Иако́вль. Защи́тниче наш, виждь, Бо́же, и при́зри на лице́ христа́ Твоего́. Яко́ лу́чше день еди́н во дво́рех Твоих па́че ты́сящ: изво́лих приметáтися в до́му Бо́га моего́ па́че, не́же жи́ти ми в селѣ́ниях грѣ́шничих. Яко́ ми́лость и и́стину лю́бит Го́сподь, Бог благода́ть и сла́ву даст, Го́сподь не лишѣ́тъ благи́х ходя́щих незло́бием. Го́споди Бо́же сил, Блаже́н челове́к упова́й на Тя.

Благово́лил еси́, Го́споди, зе́млю Твою́, возврати́л еси́ плен Иако́вль: оста́вил еси́ беззако́ния люде́й Твоих, покрýл еси́ вся грехи́ их. Укротил еси́ весь гнев Твой, возврати́лся еси́ от гнѣ́ва я́рости Твоея́. Возврати́ нас, Бо́же спасе́ний на́ших, и отврати́ я́рость Твою́ от нас. Еда́ во ве́ки прогне́ваеши́ся на ны? Или́ простре́ши гнев Твой от ро́да в род? Бо́же, Ты обра́щся оживи́ши ны, и лю́дие Твой возвеселя́тся о Тебе́. Яви́ нам, Го́споди, ми́лость Твою́, и спасе́ние Твое́ даждь нам. Услы́шу, что рече́т о мне Го́сподь Бог: я́ко рече́т мир на лю́ди Своя́, и на преподо́бныя Своя́, и на обра́щающыя се́рдца́ к Нему́. Оба́че близ боя́щихся Его́ спасе́ние Его́, всели́ти сла́ву в зе́млю на́шу. Ми́лость и и́стина срето́стеся, пра́вда и мир облобыза́стеся. И́стина от земли́ возсия́, и пра́вда с Небесе́ прини́че, ибо Го́сподь даст благода́ть, и зе́мля на́ша даст пло́д свой. Пра́вда пред Ним предъиде́т, и положи́т в пу́ть стопы́ своя́.

Приклони́, Го́споди, у́хо Твое́, и услы́ши мя́, я́ко ни́щ и убо́г е́смь аз. Сохрани́ ду́шу мою́, я́ко преподо́бен е́смь: спаси́ раба́ Твоего́, Бо́же мой, упова́ющаго на Тя. Помилуй мя́, Го́споди, я́ко к Тебе́ воззову́ весь де́нь. Возвесели́ ду́шу раба́ Твоего́, я́ко к Тебе́ взя́х ду́шу мою́. Я́ко Ты, Го́споди, бла́г и кро́ток, и многомилостив все́м призыва́ющим Тя. Внуши́, Го́споди, моли́тву мою́, и вонми́ гласу́ моле́ния моего́. В де́нь ско́рби

моея́ възвѣхъ къ Тебѣ́, яко́ услышалъ мя́ еси́. Нѣсть подобенъ Тебѣ́ в бозѣхъ, Гóсподи, и нѣсть по делѣмъ Твоимъ. Всѣ́ языцы, елики сотворилъ еси́, приидутъ и поклонѣются предъ Тобою́, Гóсподи, и прославѣютъ имя́ Твое́, яко́ вѣлий еси́ Ты, и творѣ́й чудеса́, Ты еси́ Богъ Единъ. Настави́ мя, Гóсподи, на путь Твой́, и пойду́ во истинѣ Твое́й; да возвеселится́ сердце́ мое́ боя́ться имени́ Твоего́. Испове́мся Тебѣ́, Гóсподи Бо́же мой, всѣмъ сердце́мъ моимъ, и прославлю́ имя́ Твое́ в вѣкъ: яко́ мѣлость Твоя́ вѣлия на мнѣ́, и избавилъ еси́ ду́шу мою́ от а́да преисподнейшаго. Бо́же, законопресту́пницы воста́ша на мя́, и со́нм держа́вныхъ взыска́ша ду́шу мою́, и не предложи́ша Тебѣ́ предъ собою́. И Ты́, Гóсподи Бо́же мой, ще́дрый и мѣлостивый, долготерпели́вый, и многомѣлостивый и истинный, при́зри на мя́ и поми́луй мя́, даждь держа́ву Твою́ о́троку Твоему́, и спаси́ сы́на рабы́ Твоея́. Сотвори́ со мно́ю зна́мение во блага́, и да ви́дят ненави́дящии мя́, и посты́дятся, яко́ Ты́, Гóсподи, помо́гл ми́ и утѣшилъ мя́ еси́.

Сла́ва, и ны́не: Аллилу́иа, аллилу́иа, аллилу́иа, сла́ва Тебѣ́, Бо́же. *(Трижды.)*

Лик: Гóсподи, поми́луй. *(Трижды.)*

По кафисме священникъ, стае́ предъ царскими́ дверьми, глаголетъ настоящій тропарь со стихи, во гласъ 8:

И́же в девя́тый часъ насъ ра́ди плѣ́тию смерть вкуси́вый, умертви́ плѣ́ти на́шея мудрова́ние, Христѣ́ Бо́же, и спаси́ насъ. *(Поклонъ великий)*

Лик: И́же в девя́тый часъ насъ ра́ди плѣ́тию смерть вкуси́вый, умертви́ плѣ́ти на́шея мудрова́ние, Христѣ́ Бо́же, и спаси́ насъ.

Стихъ 1: Да прибли́жится моли́тва моя́ предъ Тя́, Гóсподи, по словеси́ Твоему́ вразуми́ мя. *(Поклонъ великий)*

Лик: И́же в девя́тый часъ насъ ра́ди плѣ́тию смерть вкуси́вый, умертви́ плѣ́ти на́шея мудрова́ние, Христѣ́ Бо́же, и спаси́ насъ.

Стих 2: Да внідет прошѣние моѣ пред Тя, Гóсподи, по словесі Твоемú избáви мя. (*Поклон великий*)

Лик: Иже в девятый час нас рáди плóтию смерть вкусí-вый, умертвí плóти нáшея мудровáние, Христé Бóже, и спасí нас.

Священник: Сла́ва Отцú, и Сы́ну, и Свято́му Дúху.

Чтец: И ны́не и прісно и во ве́ки веко́в. Ами́нь.

Богородичен: Иже нас рáди рождéйся от Дéвы и распя́тие претерпéв, Благíй, испровéргий смéртию смерть, и Воскресéние явлéй я́ко Бог, не прéзри, яже создáл есí руко́ю Твое́ю: яví Человеколю́бие Твое́, Мíлостиве: пріимí рóждшую Тя Богорóдицу, моля́щуюся за ны, и спасí, Спа́се наш, лю́ди отча́янные.

Не преда́ждь нас до конца́, И́мене Твоегó рáди, и не разорí заветá Твоегó, и не отста́ви мíлости Твоея́ от нас, Авраáма рáди возлю́бленнаго от Тебе́, и за Исаáка, раба́ Твоегó, и Изра́иля свята́го Твоегó.

Трисвятое, по О́тче наш,

Священник: Я́ко Твое́ есть Цáрство и сíла и сла́ва Отца́ и Сы́на и Свята́го Дúха, ны́не и прісно и во ве́ки веко́в.

Чтец: Ами́нь.

Вíдя разбóйник Начáльника жíзни на Крестé вíсяща, глаго́лаше: áще не бы Бог был вопло́щся, Иже с нáми распный́ся, не бы со́лнце лучí своя́ потайло, ниже́ бы земл́я трепéщущи трясла́ся: но вся терпáй, помянí мя, Гóсподи, во Цáрствии Твое́м.

Сла́ва: Посредé дво́ю разбóйнику ме́рило пра́ведное обрé-теся Крест Твой: óвому́ ўбо низводíму во ад тягото́ю хуле́ния: друго́му же легча́щуся от прегре́шений, к познáнию богосло́-вия: Христé Бóже, сла́ва Тебе.

И ны́не: А́гнца, и Па́стыря, и Спа́са мíра, на Крестé зря́щи Рóждшая Тя, глаго́лаше слезя́щи: мир ўбо раду́ется, пріе́мля избавле́ние: утрóба же Мо́я горíт, зря́щи Твое́ распя́тие, е́же за всех терпíши, Сы́не и Бóже мой.

Господи, помилуй. (40 раз.)

Иже на всякое время, и на всякий час, на Небеси и на земли покланяемый и славимый Христэ Бже, Долготерпеливе, Многомилостиве, Многоблагоутрбне, Иже праведный любий, и грешный милуай: Иже вся зовый ко спасению, обещаия ради будущих благ. Сам, Господи, приими и наша в час сей молитвы и исправи живот наш к заповедем Твоим: души наша освяти, телеса очисти, помышления исправи, мысли очисти, и избави нас от всякия скорби, зол и болезней. Огради нас святыми Твоими ангелы, да ополчением их соблюдаемы и наставляемы, достигнем в соединение веры, и в разум неприступныя Твоея славы: яко благословен еси во веки веков. Аминь.

Господи, помилуй. (Трижды.)

Слава, и ныне: Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Священник: Бже, ущедри ны, и благослови ны, просвети лице Твое на ны, и помилуй ны.

Чтец: Аминь.

Посем священник глаголет молитву святого Ефрема, на ней же поклоны великия три, малыя же 12 не творим.

Господи и Владыко живота моего, дух праздности, уныния, любоначалия и празднословия не даждь ми. (Поклон великий.)

Дух же целомудрия, смиренномудрия, терпения и любви даруй ми, рабу Твоему. (Поклон великий.)

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. (Поклон великий.)

Чтец: Аминь.

Владыко Господи Иисусе Христе Боже наш, долготерпёвый о наших согрешениях, и даже до нынешняго часа приведый нас, в оньже на Животворящем Древе вися, благоразумному разбойнику, иже в рай путесотворил еси вход, и смертию смерть разрушил еси: очисти нас грешных и недостойных раб Твоих. Согрешихом бо и беззаконновахом, и несмы достойни возвести очеса наша, и возрети на высоту небесную, зане оставихом путь правды Твоея, и ходихом в волях сердец наших: но молим Твою безмерную благодать, пощади нас, Господи, по множеству милости Твоея, и спаси нас Имене Твоего ради Святаго, яко исчезоша в суете дни наши. Изми нас из рук сопротивнаго, и остави нам грехи наша, и умертви плотское наше мудрование, да ветхаго отложивше человека, в новаго облекусь, и Тебе проживем нашему Владыце и Благодетелю. И тако Твоим последующе повелением, в вечный покой достигнем, идеже есть всех веселящихся жилище. Ты бо еси воистинну Истинное Веселие, и Радость любящих Тя, Христе Боже наш, и Тебе славу возсылаем со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

По молитве 9-го часа поем Блаженны, на оба лика, во глас 8:

Во Царствии Твоём помяни нас, Господи, егда приидеши во Царствии Твоём.

Блажени нищий духом, яко тех есть Царство Небесное.

Помяни нас, Господи, егда приидеши во Царствии Твоём.

Блажени плачущий, яко тии утешатся.

Помяни нас, Господи, егда приидеши во Царствии Твоём.

Блажени кротцыи, яко тии наследят землю.

Помяни нас, Господи, егда приидеши во Царствии Твоём.

Блажени алчущии и жаждущии правды, яко тии насытятся.

Помяни нас, Господи, егда приидеши во Царствии Твоём.

Блажéни мѣлостивии, я́ко тѣи помѣловани бѹдут.

Помяни́ нас, Гóсподи, егда́ приидеши во Цáрствии Твоём.

Блажéни чѣстии сёрдцем, я́ко тѣи Бóга ўзрят.

Помяни́ нас, Гóсподи, егда́ приидеши во Цáрствии Твоём.

Блажéни миротвóрцы, я́ко тѣи сынове Бóжий нареку́тся.

Помяни́ нас, Гóсподи, егда́ приидеши во Цáрствии Твоём.

Блажéни изгнáни прáвды ради, я́ко тех есть Цáрство Небёсное.

Помяни́ нас, Гóсподи, егда́ приидеши во Цáрствии Твоём.

Блажéни естé, егда́ понóсят вам, и изжену́т, и реку́т всяк зол глагóл на вы, лжѹще Менé рáди.

Помяни́ нас, Гóсподи, егда́ приидеши во Цáрствии Твоём.

Рáдуйтесь и веселѣйтесь, я́ко мзда вáша мно́га на Небесéх.

Помяни́ нас, Гóсподи, егда́ приидеши во Цáрствии Твоём.

Слáва: Помяни́ нас, Гóсподи, егда́ приидеши во Цáрствии Твоём.

И ны́не: Помяни́ нас, Гóсподи, егда́ приидеши во Цáрствии Твоём.

Та́же, соше́дшася óба ли́ка вку́пе, пою́т со сладко-пéнием, велегласно:

Помяни́ нас, Гóсподи, егда́ приидеши во Цáрствии Твоём.
(Поклон великий.)

И па́ки вѣ́ишим гласом:

Помяни́ нас, Влады́ко, егда́ приидеши во Цáрствии Твоём.
(Поклон великий.)

Та́же высочáйшим гласом: Помяни́ нас, Святы́й, егда́ приидеши во Цáрствии Твоём. (Поклон великий.)

Чтéц глагóлет: Лик Небёсный поёт Тя и глагóлет: Свят, Свят, Свят Госпóдь Саваóф, испóлнь Не́бо и земл́я сла́вы Твое́я.

Стих: Приступѣте к Немѹ и просветѣтся, и ли́ца вáша не постыд́ятся.

Лик Небёсный поёт Тя и глагóлет: Свят, Свят, Свят Госпóдь Саваóф, испóлнь Не́бо и земл́я сла́вы Твое́я.

Сла́ва: Лик святы́х А́нгел и Арха́нгел со все́ми Небе́сными Си́лами поёт Тя и глаго́лет: Свят, Свят, Свят Госпо́дь Савао́ф, испо́лнь Не́бо и земля́ сла́вы Твоея́.

И ны́не: Ве́рую во еди́наго Бо́га Отца́ Вседержи́теля, Творца́ не́бу и земли, ви́димым же всем и неви́димым. И во еди́наго Го́спода Иису́са Христа́, Сы́на Бо́жия, Единоро́днаго, И́же от Отца́ ро́жденнаго пре́жде всех век. Све́та от Све́та, Бо́га и́стинна от Бо́га и́стинна, ро́жденна, несотворённа, еди́носу́щна Отцу́, Им же вся бы́ша. Нас ра́ди челове́к и нашего́ ра́ди спасе́ния спше́дшаго с небе́с и воплоти́вшагося от Ду́ха Свя́та и Мари́и Де́вы и вочелове́чшася. Распя́таго же за ны при Понти́йстем Пила́те, и страда́вша, и погребе́нна. И воскресе́шаго в тре́тий день по Писани́ем. И возше́дшаго на небеса́, и се́дяща одесну́ю Отца́. И па́ки гряду́щаго со сла́вою суди́ти живы́м и ме́ртвым, Его́же Ца́рствию не бу́дет конца́. И в Ду́ха Свята́го, Го́спода, Животворя́щаго, И́же от Отца́ исходя́щаго, И́же со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апо́стольскую Це́рковь. Испове́дую еди́но креще́ние во оставле́ние грехо́в. Чаю́ воскресения́ ме́ртвых, и жизни́ бу́дущаго ве́ка. Ами́нь.

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышле́нии, вся нам прости́, я́ко Благ и Человеколю́бец.

О́тче наш, И́же еси́ на небесе́х, да святи́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на небеси́ и на земли́. Хле́б наш насущный да́ждь нам днесь; и оста́ви нам до́лги на́ша, я́коже и мы оста́вляем должни́ком на́шим; и не введи́ нас во искуше́ние, но изба́ви нас от лука́ваго.

Свяще́нник: Я́ко Твое́ есть Ца́рство и си́ла и сла́ва Отца́ и Сы́на и Свята́го Ду́ха, ны́не и при́сно и во ве́ки веко́в.

Чтец: Ами́нь.

Кондак дне, глас 4:

Вознесѣйся на Крест волею, тезоименѣтому Твоему новому жителству щедроты Твоя даруй, Христѣ Бже: возвесели нас силою Твоею, победы дая нам на супостаты, посobie имущим Твое орудіе міра, непобедимую победу.

Кондак храма Богоотец Иоакима и Анны, глас 2:

Радуется ныне Анна, неплодства разрешившися союз, и питает Пречистую, созывающе вся воспети Даровавшего от чрева ея человеком едину Матерь и Неискусомужную.

Кондак, глас 8.

Подобен: Яко начатки:

Крепцыи веры столпы, добропобеднии мученицы, за Христа подъемше различныя муки, и на лета многа сокровени бысте: и ныне явистесь, яко многоценное богатство, и в Церковь Божию честно носими архиереа Божия дланьми, просящим раздаваете еже на пользу. Тем молитесь о душах наших.

Слава: Со святыми упокой, Христѣ, души раб Твоих, идеже несть болѣзнь, ни печаль, ни воздыханіе, но жизнь безконечная.

И ныне: Предстательство христіан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.

Таже: Господи, помилуй. (40 раз.)

Слава, и ныне: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Священник возглашает: Бже, ущедри ны, благослови ны, просвети лице Твое на ны и помилуй ны.

Чтец: Аминь.

Посем священник глаголет молитву святаго Ефрема:

Господи и Владыко живота моего, дух праздности, уныния, любоначалия и празднословия не даждь ми. *(Поклон великий.)*

Дух же целомудрия, смиренномудрия, терпения и любви даруй ми, рабу Твоему. *(Поклон великий.)*

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. Аминь. *(Поклон великий.)*

Также малых 12, глаголюще в себе на кийждо поклон: Бóже, очисти мя, грешнаго.

И паки: Господи и Владыко живота моего, дух праздности, уныния, любоначалия и празднословия не даждь ми.

Дух же целомудрия, смиренномудрия, терпения и любви даруй ми, рабу Твоему.

Ей, Господи Царю, даруй ми зрети моя прегрешения и не осуждати брата моего, яко благословен еси во веки веков. *(И поклон един великий.)*

Чтец: Аминь.

Трисвятое, по Отче наш:

Священник: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь. Господи, помилуй. *(12 раз.)*

Всесвятая Троице, единосущная Державо, нераздельное Царство, всех благих вина, благоволи же и о мне, грешнем, утверди, вразуми, сердце мое и всю мою отыми скверну. Просвети мою мысль, да вину славлю, пою, и поклоняюсь, и глаголю: един Свят, един Господь Иисус Христос, в славу Бога Отца. Аминь.

Священник: Премудрость.

Лик: Достойно есть яко воистинну блажити Тя Богородицу, Присноблаженную, и Пренепорочную, и Матерь Бога нашего.

Священник: Пресвятая Богородице спаси нас.

Лик: Честнѣйшую Херувѣм и Слѣвнейшую без сравнѣния Серафѣм, без ислѣнія Бѣга Слѣва рѣждшую, сущую Богорѣдицу, Тѣ величаѣм.

Священник: Слѣва Тебѣ Христѣ Бѣже, Уповѣние нѣше, слѣва Тебѣ.

Лик: Слѣва Отцѣ, и Сѣну, и Святѣму Дѣху, и ныне, и прѣсно, и во вѣки вѣков. Амѣнь.

Гѣсподи, помѣлуй. *(Трижды.)*

Благословѣ.

Священник: Христѣс, Истинный Бог наш, молѣтвами Пречѣстѣя Своеѣ Мѣтере, сѣлою Честнѣго и Животворящаго Крестѣ, свѣтых слѣвных и всехвѣльных апѣстол, (свѣтых хрѣма и дне), и свѣтых прѣведных богоотѣц Иоакѣма и Анны, и всех свѣтых, помѣлуе и спасѣт нас, яко благ и Человеколѣбец.

Лик: Гѣсподи, помѣлуй. *(Трижды.)*

ПОСЛЕДОВАНИЕ ВЕЧЕРНИ в пяток первая седмицы

Диакон: Благослові, владыко.

Священник: Благословенно Царство Отца, и Сына, и Святаго Духа, ныне и присно и во веки веков.

Лик: Аминь.

Приидите, поклонимся Цареві нашему Богу.

Приидите, поклонимся и припадём Христу Цареві нашему Богу.

Приидите, поклонимся и припадём Самому Христу, Цареві и Богу нашему.

И предначинательный псалом 103:

Благослові, душе моя, Господа; Господи, Боже мой, возвеличился еси зело, во исповедание и в велелепоту облелся еси. Одейся светом, яко ризою, простирай небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи, и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды. От запрещенія Твоего побегнут, от гласа грома Твоего убоятся. Восходят горы, и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедрі Ливанстии, ихже еси насадил. Тамо птицы вогнездятся, еродиево жилище

предводительствует ими. Горы высокия елѣнем, камень прибежище заяцем. Сотворилъ есть луну во времена, солнце позна запад свой. Положилъ еси тму, и бысть ночь, в нейже пройдутъ вси звѣрие дубравнии; скимни рыкающии, восхитити и взыскати от Бога пищу себе. Возсия солнце, и собращася, и в ложахъ своихъ лягутъ. Изыдетъ человекъ на дело свое, и на дѣлание свое до вечера. Яко возвеличишася дела Твоя, Господи, вся премудростию сотворилъ еси: исполнися земля твари Твоея. Сие море великое и пространное, тамо гади, ихже несть числа, животная малая с великими. Тамъ корабли преплаваютъ, змий сей, егоже создалъ еси ругатися ему. Вся къ Тебѣ чаютъ, дати пищу имъ во благо время. Давшу Тебѣ имъ, соберутъ; отверзшу Тебѣ руку, всяческая исполнятся благодати. Отвращшу же Тебѣ лице, возьмуться: отъймеша духъ ихъ, и исчезнутъ, и в персть свою возвратятся. Послеша Духа Твоего, и созиждутся, и обновѣши лице земли. Буди слава Господня во вѣки, возвеселится Господь о дѣлахъ Своихъ. Призираяи на землю, и творяи ю трястися; прикасайся горамъ, и дымятся. Воспою Господеву в животѣ моемъ, пою Богу моему, дондеже есмь. Да усладится Ему беседа моя, азъ же возвеселюся о Господѣ. Да исчезнутъ грѣшницы отъ земли, и беззаконницы, якоже не быти имъ; благослови, душе моя, Господа.

Солнце позна западъ свой; положилъ еси тму, и бысть ночь.

Яко возвеличишася дела Твоя, Господи, вся премудростию сотворилъ еси

Слава, и ныне:

Аллилуиа, аллилуиа, аллилуиа, слава Тебѣ, Боже. (*Трижды.*)

Посем ектения великая:

Миромъ Господу помолимся.

Лик: Господи, помилуй.

О свѣшнемъ мирѣ, и о спасеніи душъ нашихъ, Господу помолимся.

Лик: Господи, помилуй.

О міре всего міра, благостоянии святых Божіих Церквей, и соединении всех, Господу помолимся.

Лик: Господи, помилуй.

О святем храме сем и с верою, благоговением и страхом Божиим входящих вонь, Господу помолимся.

Лик: Господи, помилуй.

О великом Господине и отце нашем Святейшем Патриархе (имярек), и о Господине нашем, Высокопреосвященнейшем митрополияте (или: архиепископе, или: преосвященнейшем епископе имярек), честнем пресвитерстве, во Христе диаконстве, о всем причте и людех, Господу помолимся.

Лик: Господи, помилуй.

О Богохранимей стране нашей, властех и воинстве ея, Господу помолимся.

Лик: Господи, помилуй.

О граде сем, всяком граде, стране и верою живущих в них, Господу помолимся.

Лик: Господи, помилуй.

О благорастворении воздушных, о изобилии плодов земных и временех мирных, Господу помолимся.

Лик: Господи, помилуй.

О плавающих, путешествующих, недугующих, страждущих, плененных и о спасении их, Господу помолимся.

Лик: Господи, помилуй.

О избавитися нам от всякия скорби, гнева и нужды, Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми

святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священника: Яко подобает Тебе́ всякая сла́ва, че́сть и поклонёние, Отцу́, и Сы́ну, и Свято́му Ду́ху, ны́не, и при́сно, и во ве́ки веко́в.

Лик: Ами́нь.

Посем читается кафисма 18-я.

Пёснь степёней, 119:

Ко Го́споду, внегда́ скорбе́ти ми, воззва́х, и услы́ша мя. Го́споди, изба́ви ду́шу мою́ от устён непра́ведных и от язы́ка льсти́ва. Что да́стся тебе́, или́ что приложится тебе́ к язы́ку льсти́ву? Стрелы́ си́льнаго изошрёны, со у́гльми пусты́нными. Увы́ мне, яко пришельство́е моё́ продолжися́, всели́хся с селёнии Кида́рскими. Мно́го пришельство́ва ду́ша́ моя́, с ненави́дящими ми́ра бех ми́рен: егда́ глаго́лах им, боря́ху мя ту́не.

Пёснь степёней, 120:

Возведо́х о́чи мои́ в го́ры, отню́ду же прии́дет по́мощь моя́. По́мощь моя́ от Го́спода, сотво́ршаго не́бо и зе́млю. Не даждь во смяте́ние но́ги твоея́, ниже́ воздрёмлет храня́й тя, се не воздрёмлет, ниже́ уснет храня́й Изра́иля. Госпо́дь сохрани́т тя, Госпо́дь покрóв твой на ру́ку десну́ю твою́. Во дни со́лнце не ожже́т тебе́, ниже́ луна́ но́щию. Госпо́дь сохрани́т тя от вся́кого зла, сохрани́т ду́шу твою́ Госпо́дь. Госпо́дь сохрани́т вхожде́ние твоё́ и исхожде́ние твоё́, отны́не и до ве́ка.

Пёснь степёней, 121:

Возвесели́хся о ре́кших мне: в дом Госпо́день по́йдем. Стоя́ще бяху но́ги на́ша во дво́рех твои́х, Иерусали́ме. Иерусали́м зи́ждемый́ яко́ град, ему́же прича́стие е́го́ вкупе. Тамо́ бо въздо́ша ко́лена, ко́лена Госпо́дня, свиде́ние Изра́илево, испове́даться и́мени Госпо́дню, яко́ тамо́ седо́ша

престо́ли на суд, престо́ли в дому́ Дави́дове. Попро́сите же я́же о ми́ре Иеру́сали́ма: и оби́лие лю́бящим тя. Буди́ же мир в си́ле твое́й и оби́лие в столпостена́х твои́х. Ради́ бра́тий мои́х и бли́жних мои́х глаго́лах у́бо мир о тебе́. До́му ради́ Го́спода Бо́га на́шего взыска́х благая́ тебе́.

Песнь степе́ней, 122:

К Тебе́ возведо́х о́чи мои́, живу́щему на Небеси́. Се я́ко о́чи раб в руку́ господа́й свои́х, я́ко о́чи рабы́ни в руку́ госпожи́ свое́я, тако́ о́чи на́ши ко Го́споду Бо́гу на́шему, донде́же уще́дрит ны. Помилуй́ нас, Го́споди, помилуй́ нас, я́ко по мно́гу испо́лнихомся уничи́жения, наипа́че напо́лнися душа́ на́ша поноше́ния гобзую́щих и уничи́жения го́рдых.

Песнь степе́ней, 123:

Я́ко а́ще не Го́сподь бы́ был в нас, да рече́т у́бо Израи́ль, я́ко а́ще не Го́сподь бы́ был в нас, внегда́ воста́ти челове́ком на ны, у́бо живы́х пожёрли бы́ша нас, внегда́ прогне́ватися я́рости их на ны, у́бо вода́ потопи́ла бы́ нас. По́ток пре́йде душа́ на́ша, у́бо пре́йде душа́ на́ша во́ду непостоя́нную. Благо́словен Го́сподь, И́же не даде́ нас в лови́тву зубо́м их. Душа́ на́ша, я́ко пти́ца изба́вися от се́ти лова́щих: се́ть сокруши́ся, и мы изба́влени бы́хом. По́мощь на́ша во и́мя Го́спода, сотвори́шаго не́бо и зе́млю.

Чтец: Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. (*Трижды*)

Посём ектений ма́лая:

Па́ки и па́ки ми́ром Го́споду помо́лимся.

Лик: Го́споди, помилуй́.

Заступи́, спаси́, помилуй́ и сохрани́ нас, Бо́же, Твоею́ благода́тию.

Лик: Господи, помилуй.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Лик: Тебе, Господи.

Священника: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Лик: Аминь.

Чтец:

Пёснь степеней, 124:

Надеющиеся на Господа, яко гора Сион: не подвижится в век живый во Иерусалиме. Горы окрест его, и Господь окрест людей Своих отныне и до века. Яко не оставит Господь жезла грешных на жребий праведных, яко да не прострут праведнии в беззакония рук своих. Ублажи, Господи, благия и правыя сердцем. Уклоняющиеся же в развращения отведёт Господь с делающими беззаконие. Мир на Израйля.

Пёснь степеней, 125:

Всегда возврати Господу плен Сионь, быхом яко утешени. Тогда исполнишася радости уста наша и язык наш веселия, тогда рекут во языцех: возвеличил есть Господь сотворити с ними. Возвеличил есть Господь сотворити с нами: быхом веселящиеся. Возврати, Господи, пленение наше, яко потоки югом. Сеюши слезами, радостью пожнут. Ходящие хождяху и плакахуся, метаяще семена своя, грядуще же приидут радостью, вземлюше рукояти своя.

Пёснь степеней, 126:

Аще не Господь созиждет дом, все трудяшася зяждущии. Аще не Господь сохранит град, все бде стрегий. Все вам есть утревати, востанете по седении, ядущии хлеб болезни,

егда даст возлюбленным Своим сон. Се достояние Господне сынове, мзда плода чревяго. Яко стрелы в руке сильного, тако сынове отрясенных. Блажен, иже исполнит желание свое от них. Не постыдятся, егда глаголют врагом своим во вратех.

Песнь степеней, 127:

Блажени вси боящиеся Господа, ходящие в путех Его. Труды плодов Твоих снеси: блажен еси, и добро тебе будет. Жена твоя, яко лоза, плодovита в странах дому твоего, сынове твой, яко новосаждения масличная, окрест трапезы твоея. Се тако благословится человек бояйся Господа. Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих. Мир на Израйля.

Песнь степеней, 128:

Множицею брашася со мною от юности моея, да речет убо Израйль: множицею брашася со мною от юности моея, ибо не премогаюша мя. Нахребте моем делаша грешницы, продолжиша беззаконие свое. Господь Праведен ссечет выи грешников. Да постыдятся и возвратятся вспять вси ненавидящие Сиона. Да будут, яко трава на здех, яже прежде восторжения изсше, еюже не исполни руки твоя жнй, и недра твоего рукояти собирай, и не реша мимоходящих: благословение Господне на вы, благословихом вы во имя Господне.

Чтец: Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. (Трижды)

Посем ектений малая:

Паки и паки миром Господу помолимся.

Лик: Господи, помилуй.

Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Лик: Тебе, Господи.

Священника: Яко Благ и Человеколюбец Бог еси, и Тебе славу возсылаем Отцу, и Сыну, и Святому Духу, ныне, и присно, и во веки веков.

Лик: Аминь.

Чтец:

Песнь степеней, 129:

Из глубины возвах к Тебе, Господи, Господи, услыши глас мой. Да будут уши Твои внемлюще гласу моления моего. Аще беззакония назириши, Господи, Господи, кто постоит? Яко у Тебе очищение есть. Имене ради Твоего потерпех Тя, Господи, потерпе душа моя в слово Твое, упова душа моя на Господа. От стражи утренния до ночи, от стражи утренния да уповает Израиль на Господа. Яко у Господа милость, и многое у Него избавление, и Той избавит Израиля от всех беззаконий его.

Песнь степеней, 130:

Господи, не вознесется сердце мое, ниже вознесостесь очи мои, ниже ходих в великих, ниже в дивных паче мене. Аще не смиреномудрствовах, но вознесох душу мою, яко отдоеное на мать свою, тако воздаси на душу мою. Да уповает Израиль на Господа, отныне и до века.

Песнь степеней, 131:

Помяни, Господи, Давида и всю кротость его: яко клятсся Господеву, обещася Богу Иаковлю: аще вниду в селение дому моего, или взыду на одр постели моея, аще дам сон очима моима и веждома моима дремание, и покой скранияма моима,

дѡндеже обря́щу мѣсто Гѡсподеви, селѣние Бѡгу Иаковлю. Се слы́шахом я во Евфра́фе, обрето́хом я в полях дубра́вы. Вни́дем в селѣния Егѡ, поклонимся на мѣсто, иде́же стоясте нѡзе Егѡ. Воскресни́, Гѡсподи, в поко́й Твой, Ты и киво́т святы́ни Твоея. Священни́цы Твои́ облеку́тся правдою, и преподо́бнии Твои́ возра́дуются. Дави́да ра́ди раба Твоегѡ не отврати́ лице́ пома́заннаго Твоегѡ. Кля́тся Господь Дави́ду истиною и не отвер́жется ея: от пло́да чре́ва твоегѡ поса́жду на престо́ле твоѣм. Аще сохра́нят сы́нове твои́ завет Мой, и свидѣ́ния Моя́ сия, имже научу́ я, и сы́нове их до вѣка сядут на престо́ле твоѣм. Яко избра́ Господь Сиѡ́на, изво́ли и в жилище Себе́. Сей поко́й Мой во век вѣка, zde вселю́ся, яко изво́лих и. Лови́тву егѡ́ благословля́яй благословлю́, ни́щыя егѡ́ насы́щу хлѣбы, священни́ки егѡ́ облеку́ во спасѣ́ние, и преподо́бнии егѡ́ радѡстию возра́дуются. Та́мо возвращу́ рог Дави́дови, угото́вах свети́льник пома́занному Моему́. Враги́ егѡ́ облеку́ студѡм, на нёмже процветѣ́т святы́ня Моя́.

Пѣснь степѣней, 132:

Се что́ добро́, или́ что́ красно́? Но е́же жи́ти бра́тии вку́пе. Яко миро́ на главѣ́, сходя́щее на браду́, браду́ Аарѡ́ну, сходя́щее на оме́ты оде́жды егѡ́, яко роса́ Аермо́нская сходя́щая на го́ры Сиѡ́нскія, яко та́мо заповѣ́да Господь благословѣ́ние и живѡ́т до вѣка.

Пѣснь степѣней, 133:

Се ны́не благослови́те Гѡспода вси раби́ Гѡспѡ́дни, стоя́щи в хра́ме Гѡспѡ́дни, во дво́рех до́му Бѡга на́шего, В но́щех возде́жите ру́ки ва́ша во свя́тая, и благослови́те Гѡспода. Благослови́т тя Господь от Сиѡ́на, сотвори́вый не́бо и зѣмлю.

Чтец: Сла́ва Отцу́ и Сы́ну и Свято́му Ду́ху и ны́не и прі́сно и во вѣ́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́́́ Бо́же.
(Три́жды)

Посём ектений ма́лая:

Па́ки и па́ки ми́ром Го́споду помóлимся.

Лик: Го́споди, помилуй.

Заступи́, спаси́, помилуй и сохрани́ нас, Бо́же, Твое́ю благода́тию.

Лик: Го́споди, помилуй.

Пресвяту́ю, Пречи́стую, Преблагослове́нную, сла́вную Влады́чицу на́шу Богоро́дицу и Присноде́ву Мари́ю, со все́ми святы́ми помяну́вше, са́ми себе́, и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Возглас священника: Я́ко Ты еси́ Бог наш и Тебе́ сла́ву возсыла́ем Отцу́, и Сы́ну, и Свято́му Ду́ху, ны́не и при́сно, и во ве́ки веко́в.

Лик: Ами́нь.

Таже поем Господи, воззвах... на оба лика, во глас 2:

Го́споди, воззва́х к Тебе́, услы́ши, услы́ши мя, Го́споди.

Го́споди, воззва́х к Тебе́, услы́ши мя: вонми́ гласу моле́ния моего́, внегда́ воззва́ти ми к Тебе́. Услы́ши мя, Го́споди.

Да исправится моли́тва моя́, я́ко кади́ло пред Тобо́ю, воздея́ние руку́ мое́ю — же́ртва вече́рняя. Услы́ши мя, Го́споди.

И по чину стихи:

Положи́, Го́споди, хране́ние усто́м моим, и дверь огражде́ния о устна́х моих. Не уклони́ се́рдце моё в словеса́ лука́вствия, непщевати́ вины́ о гресех, с челове́ки де́лающими беззако́ние, и не сочтуса́ со избра́нными их. Нака́жет мя пра́ведник ми́лостию и обличит́ мя, елѣй же грѣшнаго да не нама́стит главы́ моея́, я́ко ещё́ и моли́тва моя́ во благоволе́ниях их. Поже́рты бы́ша при ка́мени судий их: услы́шатся глаго́ли мой, я́ко возмо́гоша. Я́ко то́лща земли́ просе́деса на земли́, расточи́шася ко́сти их при а́де. Я́ко к Тебе́, Го́споди, Го́споди, очи́ мой: на Тя упова́х, не отыми́ ду́шу мою́. Сохрани́ мя от

сѣти, юже составиша ми, и от соблазн дѣлающихъ беззаконіе. Падутъ во мрежу свою грѣшницы: единъ есмь азъ, дондеже прейду.

Гласомъ моимъ ко Господу възвахъ, гласомъ моимъ ко Господу помолихся. Пролию предъ Нимъ молѣніе мое, печаль мою предъ Нимъ возвещу. Внегда исчезати отъ мене духу моему: и Ты позналъ еси стези моя: на пути семъ, по немуже хождѣхъ, скрѣша сеть мне. Смотрѣхъ одесную и възглаголахъ, и не бе зная менѣ: погѣбе бѣгство отъ мене, и несть взыскай души мою. Возвахъ къ Тебѣ, Господи, рехъ: Ты еси упованіе мое, часть моя еси на земли живыхъ. Вонми молѣнію моему, яко смирихся зело, избави мя отъ гонящихъ мя, яко укрепишася паче мене.

Стихъ: Изведи изъ темницы души мою, исповѣдатися имени Твоему.

Стихъ: Мене ждутъ праведницы, дондеже воздаси мне.

Таже, поёмъ стихирѣ самогласны, гласъ 5:

Стихъ: Изъ глубины възвахъ къ Тебѣ, Господи, Господи, услыши гласъ мой.

Приидите вернии, дѣлаимъ во свѣтѣ дѣла Божія, яко во дни благообразно ходимъ, всякое неправедное списаніе отъ себе ближняго отымемъ, не полагаяще претыканія сему въ соблазнъ. Оставимъ плоти сладострастіе, возрастимъ души дарованія, дадимъ требующимъ хлебъ, и приступимъ Христу въ покаяніи вопиюще: Боже нашъ, помилуй насъ.

Стихъ: Да будутъ уши Твои внимлюще гласу молѣнія моего.

Со Безплотными совокупился еси, на земли живый, и съ ними непрестанно служиши Троице, отче Богоблаженне. Темже присно яко Небесный человекъ живый въ вышнихъ, тайнонаучаеши сущія на земли Божественнымъ тайнамъ.

Стихъ: Аще беззаконія назириши, Господи, Господи, кто постоитъ? Яко у Тебѣ очищение есть.

Христовѣ дѣлания розга Богонасажденная, словесныя Божественныя предлагаѣя грѣзны, явился еси, Богоблаженне: от нихже честную почерпаем сладость верно, и сердцем бо вселенную поучения твоя приносим.

Стих: Имене ради Твоего потерпѣх Тя, Господи, потерпѣ душа моя в слово Твое, упова душа моя на Господа.

Божественным сиянием озаряемъ, огнемъ вѣщественнымъ снѣдаемо тѣло, к невѣщественней преставился еси, Отче, зари: и даждь разрешеніе молитвами твоими, страстей мрачную нощь просвѣщая, мудре, душъ нашихъ.

Таже, стихиры святаго Феодора. Глас 2:

Стих: От стражи утренняя до нощи, от стражи утренняя да уповаѣтъ Израиль на Господа.

Приидите, мучениколюбцы вси, духовно возвеселимся, и торжествуимъ, днесь бо предлагаѣтъ трапѣзу тайную мученикъ Феодоръ, веселящую празднующимъ насъ, еже вопити к нему: радуйся страсготѣрпче непобѣдимый, прещенія мучителей на земли разоривый. Радуйся, брѣнное твое тѣло за Христа Бога отдавый мукамъ. Радуйся, в различныхъ бѣдахъ, искусный воинъ явивыйся небеснаго воинства. Тѣмже молимъ тя мучениковъ украшеніе, молися о душахъ нашихъ.

Стих: Яко у Господа милость, и многое у Него избавленіе, и Той избавитъ Израиля отъ всехъ беззаконій его.

Богодарованную благодать чудесъ твоихъ, мучениче Феодоре, всемъ простираеши, верою к тебѣ притекающимъ, еюже хвалимъ тя, глаголюще: плененныя избавляеши, исцеляеши болящія, нищія обогащаеши, и спасаеши плавающія, суетное теченіе удерживаеши рабовъ, и тщеты явленіе твориши украдающимъ, страдальче, и воины наказуеши восхищенія огребатися, младенцемъ даруеши милостивно прошенія, теплый обретаешися предстатель творящимъ твою священную память.

С нѣмиже и нас, страда́льче свяще́ннейший, воспева́ющим твоѣ мучение, проси́ у Христа́ ве́лию ми́лость.

Стих: Хвали́те Го́спода вси язы́цы, похвали́те Его́ вси лю́дие.

Дар Бо́жий превы́шший показáлся еси́, мучени́че Феодо́ре, зане́ и по кончи́не я́ко жив притека́ющим дае́ши проше́ния. Те́мже сы́ну восхище́нну жены́ ино́гда, пленённу инове́рными во́ины, предста́вши вдови́ца слеза́ми храм твой моча́ше, ты же я́ко ми́лостив на коне́ бе́лом нашѣд, сея́ о́трока предста́вил еси́ невиди́мо: и по сем и с сим де́йствуяй чуде́сы, не престáл еси́. Но моли́ Христа́ Бо́га, спасти́ся душа́м на́шим.

Стих: Я́ко утверди́ся ми́лость Его́ на нас, и и́стина Господня́ пребыва́ет во век.

Божество́нных даро́в тезоимени́та ты чту, треблаже́нне Феодо́ре, све́та бо Божество́ннаго незаходи́мое свети́ло явля́йся, уясни́л еси́ страда́ньми твои́ми всю тварь, и огня́ си́льнейший яви́вся, пла́мень угаси́л еси́, и льсти́ваго зми́я главу́ сокруши́л еси́. Те́мже во страда́ниях твои́х Христо́с приклони́вся, венча́ божество́нную главу́ твою́, вели́комучени́че страда́льче, я́ко имейя́ дерзнове́ние к Бо́гу, приле́жно моли́ся о душа́х на́ших.

Сла́ва, глас 6: Сосу́да употреби́в враг соотсту́пника мучи́теля, умы́шлением лю́тым, постом очища́ющийся лю́ди благоче́стивыя, от скве́рных жертв, осквернё́нными бра́шны окуша́шся оскверни́ти, но ты о́наго ухищре́ние мудре́йшим разруши́л еси́ умы́шлением, во сне предста́л еси́ тогда́шнему архиере́ю, и глубо́кое ра́зума открыва́я, и безме́стное начинание́ явля́я, и тебе́ у́бо благода́рственная принося́ще, Спа́са напи́суем, ле́тное воспомина́ние бы́вшаго чудесе́ творя́ще: и про́чее моля́щся, от умы́шлений лука́ваго невре́димым спасти́ся, к Бо́гу твои́ми моли́твами, мучени́че Феодо́ре.

И ны́не и при́сно и во ве́ки веко́в. Ами́нь.

Богородичен, глас 3: Како не дивимся Богомужному рождеству твоему пречестная? искушения бо мужескаго не приемиши всенепорочная, родила еси без отца Сына плотию, прежде век от отца рожденного без Матере: никакоже претерпевшаго изменения, или смешения, или разделения: но обою существу свойство цело сохраняшаго. темже Мати Деве Владычице, того моли спастися душам, православно Богородицу исповедающих тя.

Посем бывает вход с кадильницею. Иерей благословляет вход.

Диакон: Премудрость, прости.

Лик: Свете Тихий святых славы Безсмертнаго Отца Небеснаго, Святаго, Блаженнаго, Иисусе Христе! Пришедше на запад солнца, видевше свет вечерний, поем Отца, Сына и Святаго Духа, Бога. Достоин еси во вся времена пет быти гласы преподобными, Сыне Божий, живот давай; темже мир Тя славит.

Диакон: Вонмем.

Священник: Мир всем.

Диакон: Премудрость, вонмем.

Чтец: Прокимен, глас пятый:

Услышит тя Господь в день печали.

Лик: Услышит тя Господь в день печали.

Стих: Защитит тя имя Бога Иаковля.

Лик: Услышит тя Господь в день печали.

Чтец: Услышит тя Господь.

Лик: В день печали.

Диакон: Премудрость.

Чтец: Бытия чтение (Быт. 2, 20 – 25. 3, 1 – 20).

Диакон: Вонмем.

Чтец: Нарече Адам имена всем скотом, и всем птицам небесным, и всем зверем земным, Адаму же не обретется помощник подобный ему. И наложит Бог изступление на

Ада́ма, и у́спе: и взя́ еди́но от ребр е́го, и испо́лни плото́ию вме́сто е́го. И созда́ Госпо́дь Бог ребро́, е́же взя́ от Ада́ма, в жену́, и приведе́ ю ко Ада́му. И рече́ Ада́м: се ны́не ко́сть от ко́стей мои́х, и плоть от плоти́ моя́: сия́ наре́чeтся жена́, я́ко от му́жа свое́го взя́та бы́сть сия́. Сего́ ра́ди оста́вит чело́век о́тца свое́го и ма́терь, и прилепи́тся к же́не́ свое́й, и бу́дета два в плоть еди́ну. И бе́ста о́ба на́га, Ада́м же и же́на е́го, и не стыдя́стася. Зми́й же бе́ мудре́йший всех зве́рей су́щих на землі́, ихже́ сотвори́ Госпо́дь Бог. И рече́ зми́й же́не: что́ я́ко рече́ Бог: да не я́сте от вся́каго дре́ва райска́го? И рече́ же́на зми́ю: от вся́каго дре́ва райска́го я́сти бу́дем. От пло́да же́ дре́ва, е́же е́сть посре́де́ рая́, рече́ Бог, да не я́сте от него́, ни́же прикосне́тесь ему́, да не у́мрете. И рече́ зми́й же́не: не сме́ртию у́мрете. Ве́даяше бо́ Бог, я́ко во́ньже́ а́ще де́нь снес́те от него́, отве́рзутся о́чи ва́ши, и бу́дете я́ко бо́зи, ве́द्याще до́брое и лука́вое. И ви́де же́на, я́ко до́бро дре́во в сне́дь, и я́ко уго́дно очима́ ви́дети, и красно́ е́сть, е́же разу́мети: и взе́мши от пло́да е́го, я́де: и да́де му́жу свое́му с собо́ю, и ядо́ста. И отве́рзо́шася о́чи о́бе́ма, и разу́меша, я́ко на́зи бе́ша, и сши́ста ли́стvie смо́ковное, и сотвори́ста се́бе препоя́сания. И услы́шаста́ глас Го́спода Бо́га, ходя́ща в рай по полу́дни: и скры́стася Ада́м же́ и же́на е́го от лица́ Го́спода Бо́га посре́де дре́ва райска́го. И призва́ Госпо́дь Бог Ада́ма, и рече́ ему́: Ада́ме, где е́си? И рече́ Ему́: глас слы́шах Тебе́ ходя́ща в рай, и убо́ялся, я́ко наг е́смь, и скры́хся. И рече́ ему́ Бог: кто́ возвести́ тебе́, я́ко наг е́си, а́ще не бы́ от дре́ва, е́гоже́ запове́дах тебе́, сего́ еди́наго́ не я́сти, от него́́ я́л е́си? И рече́ Ада́м: же́на, ю́же дал е́си со мно́ю, та ми да́де от дре́ва, и ядо́х. И рече́ Госпо́дь Бог же́не: что́ сие́ сотвори́ла е́си? И рече́ же́на: зми́й прельсти́ мя, и ядо́х. И рече́ Госпо́дь Бог зми́ю: я́ко сотвори́л е́си́ сие́, про́клят ты́ от всех ското́в, и от всех зве́рей земны́х: на пе́рсах твои́х и чре́ве ходи́ти бу́деши, и зе́млю́ снеси́ вся́ дни́ живо́та́ твое́го. И вра́жду́ поло́жу ме́жду тобо́ю, и ме́жду же́ною, и ме́жду се́менем

твоим, и между семенем тоя: той твою блюсти́ будет главу́, и ты блюсти́ будеши его́ пяту. И женé рече: умножая умно́жу печали твоя́, и воздыхания твоя́, в болезнѣх роди́ши чада, и к мужу твоему́ обращѣние твоё, и той тобою́ обладати́ будет. И Адаму рече: яко послу́шал еси́ гласа жены́ твоея́, и ял еси́ от дре́ва, его́же заповѣдах тебе́ сего́ еди́наго не ясти, от него́ ял еси́: прокля́та земля́ в дѣлах твои́х, в печалѣх снеси́ ту́ю вся дни живота́ твоего́. Терния и волчцы́ возрасти́т тебе́, и снеси́ траву́ сѣльную. В поте́ лица твоего́ снеси́ хлеб твой, донде́же возврати́шия в зѣмлю, от не́яже взят еси́: яко земля́ еси́, и в зѣмлю оты́деши. И наре́че Адамъ имя́ женé свое́й Жизньъ, яко та ма́ти всех живу́щих.

Диакон: Во́нмем.

Чтец: Прокі́мен, глас шесты́й:

Вознеси́ся Го́споди, си́лою Твое́ю, воспоём и поём си́лы Твоя́.

Лик: Вознеси́ся Го́споди, си́лою Твое́ю, воспоём и поём си́лы Твоя́.

Стих: Го́споди, си́лою Твое́ю возвесели́тся царь.

Лик: Вознеси́ся Го́споди, си́лою Твое́ю, воспоём и поём си́лы Твоя́.

Чтец: Вознеси́ся Го́споди, си́лою Твое́ю.

Лик: Воспоём и поём си́лы Твоя́.

Диакон: Повели́те.

Священник же взем обѣма рукама кади́льницу, и свещник со свещею, стои́т предъ святою трапезою зря́ к восто́ку, и назнамену́я Крестъ, глаголет:

Премудро́сть, прости́.

Та́же обрати́ся на запа́д к наро́ду, глаголет:

Свет Христо́в просвещаетъ всех.

Чтец: При́тчей чтѣ́ние (Прит. 3, 19 – 34).

Диакон: Во́нмем.

Чтец: Бог премудростию основа зѣмлю, уготова же небеса разумом. В чувстве Его бездны разверзошася, облацы же источиша росу. Сыне да не преминѣши, соблюди же мой совет, и мысль. Да жива будет душа твоя, и благодать будет на твоей выи: [будет же исцеление плотем твоим, и уврачевание костем твоим:] Да ходиши надеясь в мире во всех путех твоих, нога же твоя не поткнется. Аще бо сядеши, безбоязнен будеши, аще же поспиши сладостно поспиши. И не убойшися страха нашедшаго, ниже устремления нечестивых находящаго. Господь бо будет на всех путех твоих, и утвердит ногу твою, да не поползнѣши. Не отрецѣйся благотворити требующему, егда имать рука твоя помогати. Не рцы: отшед возвратися, и завтра дам, сильну ти сущу благотворити: не веши бо что породит находящий день. Не соплетай на друга твоего зла, пришельца суща и уповающа на тя. Не враждуй на человека туне, да не что на тя содеет злое. Не стяжи злых мужей поношения, не возревнуй путем их. Нечист бо пред Господем всяк законопреступник и с праведными не сочетается. Клятва Господня в домех нечестивых: дворы же праведных благословляются. Господь гордым противится: смиренным же дает благодать.

Священник: Мир ти.

Диакон: Премудрость.

Чтец: Да исправится молитва моя, яко кадило пред Тобою, воздеяние руку мою – жертва вечерняя.

Тогда праваго и леваго клиросов, и предстоящий народ, обе страны во всей церкви стоят на коленях молящися. И по пении чтеца, первый лик поет тожде:

Да исправится молитва моя, яко кадило пред Тобою, воздеяние руку мою – жертва вечерняя.

Чтец же и другая страна лика, и предстоящий народ, стоят на коленях, молящися.

Также чтец поет 1 стих:

Господи, воззвах к Тебѣ, услыши мя: вонми гласу моления моего, вегда воззвати ми к Тебѣ.

И по пропетии стиха, поет второй лик:

Да исправится молитва моя, яко кадило пред Тобою, воздеяние руку мою – жертва вечерняя.

Тогда чтец, и первый лик, и тоя страны предстоящий народ, припадают на колена.

Также чтец поет второй стих:

Положи, Господи, хранение устам моим, и дверь ограждения о устнах моих.

И первый лик паки поет:

Да исправится молитва моя, яко кадило пред Тобою, воздеяние руку мою – жертва вечерняя.

И чтец, и второй лик, и предстоящий народ паки приклоняют колена.

И паки чтец поет третий стих:

Не уклони сердце мое в словеса лукавствия, непщевати вины о гресех,

И второй лик поет:

Да исправится молитва моя, яко кадило пред Тобою, воздеяние руку мою – жертва вечерняя.

И приклоняет колена чтец, и первый лик, и народ.

И паки чтец поет:

Да исправится молитва моя, яко кадило пред Тобою:

И тогда оба лика, и в церкви предстоящий весь народ, припадают на колена, и стоят, дондеже чтец поет.

Вставше донепают на клиросе:

Воздеяние руку мою жертва вечерняя.

Посем три поклоны великия с молитвой святого Ефрема.

И прочее последование Преждеосвященной литургии.